

五朝名臣言行錄



五朝名臣

言行錄

四部叢刊初編史部

予讀近代文集及記事之書觀其所載國朝名臣言行之迹多有補於世教者然以其散出而無統也既莫究其始終表裏之全而又汨於虛浮怪誕之說予常病之於是掇取其要聚爲此錄以便記覽尚恨書籍不備多所遺闕嗣有所得當續書之

五朝名臣言行錄總目

第一卷

二之三

一之一

樞密錢宣靖公 若水

中書令韓國趙忠獻王 普

二之四

一之二

丞相李文靖公 流

樞密使濟陽曹武惠王 桓

第三卷

三之一

一之三

丞相向文簡公 敏中

丞相魯國范公 賢

三之二

參政陳晉公 懈

一之四

尚書張忠定公 謨

內翰竇公 儀

參政陳晉公 懈

一之五

尚書張忠定公 謨

丞相李文正公 治

樞密馬正惠公 知節

一之六

三之四

丞相許國呂文穆公 蒙正

樞密馬正惠公 知節

一之七

三之五

丞相張文定公 齊賢

樞密曹武穆公 建

第二卷

第四卷

二之一

四之一

丞相呂正惠公 端

丞相畢文簡公 士安

二之二

四之二

丞相萊國寇忠愍公準

四之三

太尉衛國高烈武王瓊

六之二

丞相陳文惠公堯佐

四之四

內翰楊文公億

六之三

丞相晏元獻公殊

四之五

丞相王文康公曙

六之四

丞相鄭國宋元憲公庠

第五卷

五之一

丞相沂國王文正公曾

六之五

參政韓忠憲公億

五之二

丞相李文定公迪

六之六

參政程文簡公琳

第七卷

七之一

丞相祁國杜正獻公衍

七之二

參政范文正公仲淹

七之三

東染院使种公世衡

第六卷

六之一

第八卷

丞相穎國龐莊敏公籍

九之五

八之二

中丞孔公道輔

樞密使狄武襄公青

九之六

八之三

起居舍人尹公洙

參政吳正肅公育

九之七

參政王文忠公堯臣

九之八

八之四

尚書余襄公靖

八之五

侍制王公質

八之六

待讀孫公甫

樞密使魯國王武恭公德用

第十卷

第九卷

九之一

希夷陳先生搏
种放魏野林逋附

九之二

安定胡先生瑗

九之三

泰山孫先生復

內翰王公禹偁

十之一

九之四

侍讀孫宣公彊

十之四

徂徠石先生介

中丞李恭惠公及

十之五

老蘇先生 洪

五朝名臣言行錄總目

五朝名臣言行錄卷第一之一

中書令韓國趙忠獻王

王名普字則平幽州薊人後徙洛陽周世宗用兵淮上太祖拔滁州宰相范質奏用王爲軍事判官太祖領同州節度辟爲推官移領宋州表掌書記

太祖受禪以佐命功授右諫議大夫充樞密直學士從平上黨遷樞密副使拜樞密使乾德二年范質王溥魏仁浦同日罷以王爲門下侍郎平章事開寶中出爲河陽三城節度使太平興國初入朝拜司徒兼侍中八年出爲武勝軍節度使雍熙中冊拜太保兼侍中明年出爲西京留守兼中書令淳化三年薨年七十一咸平初詔配享太祖廟庭

普爲滁州判官太祖與語奇之會獲盜百餘人將就死普意其有寃啓太祖更訊之所全活十七八范蜀公

太祖旣得天下誅李筠李重進召趙普問曰天下自唐季以來數十年間帝王凡易十

姓兵革不息蒼生塗地其故何也吾欲息天下之兵爲國家建長久之計其道何如普曰陛下之言及此天地人神之福也唐季以來戰鬪不息國家不安者其故非它節鎮太重君弱臣強而已矣今所以治之無它竒巧也惟稍奪其權制其錢穀收其精兵則天下自安矣語未畢上曰卿勿復言吾已諭矣頃之上因晚朝與故人石守信王審琦等飲酒酒酣上屏左右謂曰我非爾曹之力不得至此念汝之德無有窮已然爲天子亦大艱難殊不若爲節度使之樂吾今終夕未嘗敢安枕而卧也守信等皆曰何故上曰是不難知居此位者誰不欲爲之守信等皆惶恐起頓首言曰陛下何爲出此言今天命已定誰敢復有異心上曰不然汝曹雖無心其如汝麾下之人欲富貴者何一旦以黃袍加汝之身汝雖欲不爲不可得也皆頓首涕泣曰臣等愚不及此唯陛下哀憐指示以可生之塗上曰人生如白駒

之過隙所爲好富貴者不過欲多積金錢
厚自娛樂使子孫無貧乏耳汝曹何不釋
去兵權擇便好田宅市之爲子孫立永久
之業多置歌兒舞女日飲酒相驩以終其
天年君臣之間兩無猜嫌上下相安不亦
善乎皆再拜謝曰陛下念臣及此所謂
生死而肉骨也明日皆稱疾請解軍權
上許之皆以散官就第所以尉撫賜賚之
甚厚與結婚姻更置易制者使主親軍其
後又置轉運使通判使主諸道錢穀收選
天下精兵以備宿衛而諸功臣亦以善終
子孫富貴迄今不絕非韓王謀慮深長
太祖聰明果斷天下何以治平至今戴白
之老不覩干戈聖賢之見何其遠哉普爲
人陰刻當其用事時以睚眦中傷人甚多
然其子孫至今享福祿國初大臣鮮能及
者得非安天下之謀其功大乎太祖旣
納韓王之謀數遣使者分詣諸道選擇精
兵允其材力伎藝有過人者皆收補禁軍
聚之京師以備宿衛厚其糧賜居常躬自

按閱訓練皆一以當百諸鎮皆自知兵力
精銳非京師之敵莫敢有異心者由我
太祖能強幹弱支制治於未亂故也涑水記
王沂公筆錄云太祖在位歷年石守信王審琦等猶分典禁兵相趙公普屢以爲言上不得不召

守信等曲宴道舊甚樂之曰朕與公等昔比肩義同骨肉豈有它哉而言事者進說不已今莫若
自擇善地各守外藩優游卒歲不亦樂乎朕復有女數人便當約婚守信等咸頃首稱謝由是高石王鐸一族俱蒙還尚尋各歸鎮幾二十年責盛耕卉始終如程氏遺書云趙普除節度使權便是烏重
付遂州刺史備之策以兵聞○又

太祖初登極杜太后尚康寧常與上議
軍國事猶呼趙普爲書記嘗撫勞之曰趙
書記且爲盡心吾兒未更事也太祖寵
待韓王如左右手御史中丞雷德驤劾奏
普強市人第宅聚斂財賄上怒叱之曰
鼎鑪尚有耳汝不聞趙普吾之社稷臣乎
命左右曳於庭數亟徐使復冠召升殿曰
今後不宜爾且赦汝勿令外人知也記

太祖即位之初數出微行以偵伺人情或遇
功臣之家不可測趙普每退朝不敢脫衣
冠一日大雪向夜普謂帝不復出矣久
之間叩門聲普亟出帝立風雪中普惶

懼迎拜 帝曰已約晉王矣已而 太宗至共於普堂中設重裯地坐熾炭燒肉普妻行酒 帝以嫂呼之普從容問曰夜久寒甚 陛下何以出 帝曰吾睡不能着一榻之外皆他人家也故來見卿普陛下小天下耶南征北伐今其時也願聞成筭所向 帝曰吾欲下太原普默然久之曰非臣所知也 帝問其故普曰太原當西北二邊使一舉而下則二邊之患我獨當之何不姑留以俟削平諸國則彈丸黑誌之地將無所逃 帝笑曰吾意正如此特試卿耳遂定下江南之議 帝曰王全斌平蜀多殺人吾今思之猶耿耿不可用也普於是薦曹彬爲將以潘美副之氏

錄聞 見
太祖欲使符彥卿典兵趙韓王屢諫以爲彥卿名位已盛不可復委以兵柄 上不聽宣已出韓王復懷之請見 上迎謂之曰豈非以符彥卿事耶對曰非也因別以事奏既罷乃出彥卿宣進之 上曰果然宣

何以復在卿所韓王曰臣託以處分之語未備者復留之惟 陛下深思利害勿爲後悔 上曰卿苦疑彥卿何也朕待彥卿至厚彥卿能負朕邪韓王曰 陛下何以能負周世宗 上默然遂中止記

太祖一日以幽燕地圖示中令問所取幽燕之策中令曰圖必出曹翰 帝曰然又曰翰可取否中令曰翰可取孰可守 帝曰以翰守之中令曰翰死孰可代 帝不語久之曰卿可謂遠慮矣 帝自此絕口不言伐燕至 太宗因平河東乘勝欲搗燕薊時中令鎮鄧州上疏力諫其憂國愛君之深言出乎文章之外雖雜陸宣公論事中不辨也錄聞 見

趙普嘗欲除某人爲某官不合 太祖意不用明日普復奏之又不用明日又奏之太祖怒取其奏壞裂投地普顏色自若徐拾奏歸補綴明日復進之 上乃寤用之其後果稱職得其力記聞○又晉公談錄云普嘗奏事忤旨上怒就趙就趙就趙

手掣奏劄子接而撕之趙就地拾起以手展開近前上愈怒拂袖起趙就奏曰此事合如此容進

入取旨
據量如此

太祖時嘗有群臣立功當遷官 上素嫌其人不與趙普堅以爲請 上怒曰朕固不爲遷官將若何普曰刑以懲惡賞以酬功古今之通道也且刑賞者天下之刑賞非陛下之刑賞也豈得以喜怒專之 上怒甚起普亦隨之上入宮普立於宮門久之不去 上寤乃可其奏聞記國初趙普爲相於廳事坐屏後置二大甕凡有人投利害文字皆置中蕩即焚於通衢

詒見

太祖常與趙普議事不合 太祖曰安得宰相如桑維翰者與之謀乎普對曰使維翰在陛下亦不用蓋維翰愛錢 太祖曰苟用其長亦當護其短措大眼孔小賜與拾萬貫則塞破屋子矣

楊文公談苑

普不復敢言

錄

太祖豁達既得天下趙普屢以微時所不足者言之欲潛加害 太祖曰不可若塵埃中摠教識天子宰相則人皆去尋也自後

無與爲比

開寶中趙普猶秉政江南後主以銀五萬兩遺普普白 太祖 太祖曰此不可不受但以書答謝少賂其來使可也普叩頭辭諱 上曰大國之體不可自爲寢弱當使之勿測既而後主遣其弟從善入貢常賜外密賚白金如遺普之數江南君臣始震駭 上之儀度

談苑○又記聞云普爲相車駕因出忽幸其第時普以實對上曰自此海物皆佳即命啓之皆滿財爪子金也普惶恐頓首臣未發書實不知若知之當奏聞而却之上笑曰但取之無慮彼謂國家事皆由汝書生耳因命普謝而受之

王始爲相

太祖命薛居正呂餘慶叅知政事以副之不知印不奏事不押班但奉行

制書而已事無大小一決於王開寶中盧多遜因對屢攻其短雷有鄰復訟其庇吏受賄 上怒下御史府案問抵吏罪詔叅知政事更知印押班奏事以分其權王性深沈有岸谷多忌克初以吏道聞寡學術 太祖常勸以讀書晚年手不釋卷其爲宰相以天下事爲已任沈毅果斷當世

昭憲太后聰明有智度嘗與太祖叅決大

政及疾篤太祖侍藥餌不離左右太

后曰汝自知所以得天下乎太祖曰此

皆祖考與太后之餘慶也太后笑

曰不然正由柴氏使幼兒主天下耳因戒

敕太祖曰汝萬歲後當以次傳之二弟

則并汝之子亦獲安矣太祖頓首泣曰

敢不如母教太后因召趙普於榻前爲

約誓書普於紙尾自署名云臣普書藏之

金匱命謹密宮人掌之及太宗即位普

爲盧多遜所譖出守河陽日夕憂不測

上一旦發金匱得書大寤遂遣使急召之

普惶恐爲遺書與家人別而後行既至復

爲相記

盧多遜貶朱崖諫議大夫李符求見趙普言

朱崖雖在海外而水土無它惡春州雖在

內地而至者必死望追改前命以外彰寬

宥乃置於必死之地普領之後月餘符坐

事貶宣州行軍司馬

上怒未已令再貶嶺外普具述其事即以符知春州到郡月

餘卒

湘山野錄

太平興國中朝士祖吉典郡奸贓事覺下獄

時郊禮將近太宗怒其貪墨諭旨執政

特俾郊赦不宥趙普奏曰敗官抵罪宜正

刑辟然而國家卜郊肆類所以對越天地

告休神明吉本何人安足以隳改陛下

赦令哉

沂公華錄

彌德超自冗列爲諸司使驟被委遇誣奏侍

中曹公彬有不軌謀太宗疑之拜德超

樞密副使不數月趙普再相因爲辯雪

上乃大悟即逐德超而待彬如故自是數

日上頗不懌從容謂普曰朕以聽斷不

明幾悞大事夙夜循省內愧于心普對曰

陛下知德超才幹而任用之察曹彬無罪

而昭雪之有勞者進有罪者誅物無遁情

事至立斷此所以彰陛下之明聖也雖

堯舜何以過此哉上於是釋然

沂公華錄

李繼遷擾邊太宗用趙普計封趙保忠守

夏臺故地令滅之保忠反與繼遷合謀大

爲邊患

玉堂清話

樞密使濟陽曹武惠王

王名彬字國華真定靈壽人漢乾祐中

補成德軍牙職入周以後官近戚歷典

蒲晉軍 太祖乾德初改內客省使兼

樞密承旨二年征蜀以爲歸州行營都

監師還授宣徽南院使義成軍節度使

開寶七年十月征江南爲昇州西南路

行營都部署明年十一月江南平以功

拜樞密使領忠武軍節度 太宗即位

加同平章事從平太原加兼侍中出爲

天平節度使雍熙三年王師北伐爲幽

州道行營前軍都部署以違詔失律責

授檢校太保右驍騎上將軍四年起爲

武寧節度使 真宗嗣位召拜樞密使

咸平二年薨年六十九追封濟陽郡王

配享 太祖廟庭

王事周嘗監蒲州軍蒲帥王知鑄性長厚以

王帝室近親尤所加禮而王恭謹彌至雖

公府宴樂必端簡終日未嘗旁視王公謂

從事曰老夫自謂夙夜匪懈今覩監軍誠
散率之甚也

李宗行狀

使吳越宣賚旣畢即日而廻私覲之禮皆所

不受越人追以奉之王猶不納旣而曰吾

或終拒之是近名也遂盡籍其數歸奏世

宗願納內帑世宗曰前使東南者皆分外

求索是致遠人頗輕朝命汝獨如此可謂

賢矣然此常禮不必固辭王始拜賜悉散

遺親舊不留一錢

狀行充晉州兵馬都監劉鈞盜據并汾晉爲敵境

王未及壯爰膺戎寄晝則訓練夜則警巡

食無膏梁衣靡文采嘗一日王與主帥暨

諸賓從環坐於野適有鄰道守將命單介

馳書詣王使人素不識潛問人曰誰爲曹

公有指王以示之者使人初謂其紿也笑

曰豈有國戚近臣肯衣弋绨袍坐木素胡

床者乎審視之方信其簡儉如此

狀行

太祖始在潛躍實典禁軍以王中立不倚尤

所推重然王非因公事未嘗造門羣居酙

樂亦所罕至 太祖益以此奇之建隆二

年自平陽召歸謂曰我當日常欲親汝汝何故疎吾王頓首謝曰臣事周朝連葭莩

之親復忝內職靖恭守位猶恐獲過安敢妾有交納

太祖曰朕素知汝意方將擢用宜聲乃誠以輔新邦也

行狀○又記聞云
曹彬爲世宗親吏掌茶酒
此官酒不敢相與自沽酒以飲
臣曰世宗舊史不載其主者獨曹彬耳
由是委以腹心使監征蜀之軍

太祖事世宗於唐
太祖嘗從求酒彬曰
太祖及耶律語群
大祖遣使問之

大舉伐蜀詔劉光義充歸州路行營前軍副

部署以王爲都監始破三會巫山寨次平

夔州又取遂州時諸將皆欲屠城殺降以逞威暴唯王申禁戢之令明勸賞之法繇

是乘破竹之勢不血刃而峽中郡縣悉下

兩川平王與諸將會成都大將王全斌等

日夕縱酒不恤軍事部下列校皆求取無

厭蜀人苦之王屢勸全斌等宜速振旅凱

旋全斌等逗留不發卒致全師雄等作亂

郡縣相應盜賊蠭起王與崔彥進悉力剪

平之洎全斌等歸闕

太祖盡得全斌等

所爲事狀又面詰王仁瞻仁瞻歷詆諸將奢縱不法事冀以自解止言清畏廉恪唯

曹彬一人耳太祖大怒全斌等並下吏議即日授王宣徽南院使充義成軍節度使

王獨懇請曰收蜀將校皆得罪臣以無功獨蒙厚賞恐無以勸天下太祖笑曰卿

有茂功加以不伐設有微累仁瞻肯惜言哉夫懲惡勸善此所以勵臣子也王不敢

辭行狀○又記聞云
辭者彬悉聞于一第竊以度食且戒左右曰是將進御當寄衛之有事罷咸訪其親以還之無者備禮以嫁之及師還輒重甚多或譖言悉奇貨也
太祖審仁令伺之圖書也無銖金寸錦之附焉○又記聞曰王仁瞻自効南歸先歸闕乞見歷數王全斌等貪縱之狀太祖笑謂仁瞻曰納李廷珪擅開豐德軍金

實此又誰耶仁瞻惶怖叩仗待罪曰此行清介畏謹但止有曹彬一人爾○晉公談錄曰太祖遣王全

斌等平蜀全斌殺降兵三千人時曹彬不從但收其文案不署字及師還太祖傳宣送中書取勘左右

曰方克復西蜀回雖殺降兵亦不可便案劾今後陛下如何用人太祖曰不然河東江南皆未歸服

若不勘劾恐後委任者轉亂殺人但令勘劾洎勘案成後不干作弊曹不退但叩頭伏罪曰臣同商議

彬退不干作弊曹不退但叩頭伏罪曰臣見收得當日文案

罪合謀殺太祖遂皆原之後忽一日宣曹并潘美

曰命汝收江南又顧曹曰更不得似往時西川亂殺

人曹徐奏曰臣若不奏又恐陛下未知曩日西川

殺降之事臣曾商量固執不下臣見收得當日文案行誅戮故留此文書令老母進呈乞全老母之命

元不着字自服罪曰臣從初與全斌等同被委任若全斌等獲

罪臣獨清雪不爲輕便所以一向服罪太祖曰卿既欲自當罪又安用留此文字曰臣初謂陛下必

詔旨不敢違越晉公曰今國家享無疆之休良由是

太祖尤器遇之又潛謂曰但只要他歸服切勿殺是

耳而曹之諸子皆享
豐祿豈非餘慶乎

王與太祖密論天下事無不合上意而公堂會議如不能言太祖益所器重別選能臣美盛言江南可取帝大言諭彬曰所謂大將者能斬出位犯分之副將則不難矣美汗下不敢仰視將行夜召彬入禁中帝親酌酒彬醉宮人以水沃其面既醒帝撫其背以遣曰會取會取他本無罪只是自家着他不得蓋欲以恩德來之也是故以彬之厚重美之明銳更相爲助令行禁止未嘗妄戮一人而江南平聞見錄

曹彬事太祖時將討金陵責後主稱疾不朝之罪以彬長者令爲統帥將終全其城彬累遣告城中大軍決取十一月二十七日破城宜早爲之圖後主將遣其愛子清源郡公仲寓入覲至仲冬下旬日日克期仲寓未出彬屢遣督之言郎君到寨即四面罷攻後主終感左右之言以爲堅壘如此天象無變豈可計日而取蓋敵人之言

豈足爲信但報言行李之物未備宮中之宴餞未畢將以二十七日出彬又令懇言至二十六日亦無及矣果以是日城陷整軍成列至其宮城門後主方開門奉表納降彬答拜爲之盡禮先是宮中預積薪後主誓言若社稷失守當葬血屬以赴火既見彬彬諭以歸朝俸賜有限費用至廣當厚自齋裝旣歸有司之籍則無及矣遣後主入治裝禪將梁迥田欽祚皆力爭以爲苟有不虞咎將誰執彬但嗟而不答迥等切諫彬曰非爾所知觀煜神氣懦夫女子之不若豈能自引決哉煜果無他彬遣五百人爲船致輜重登舟有一卒負籠下道旋彬立命斬之負擔者罔敢蹉跌後主旣失國殊無心問家計旣升舟隨軍官吏入其宮屏幃几硯什器皆設不動所齋持鮮矣談苑

江南文武官吏賴王保全皆得其所親屬有爲軍士所掠者王即時遣還之因大搜軍中無得匿人妻女倉廩府庫悉委轉運使

按籍檢視王一不問振乏絕恤鰥寡仁人

之心無所不至吳人大悅及歸舟中無他

物惟圖籍衣被而已

狀行

曹彬攻金陵垂克忽稱疾不視事諸將皆來

問疾彬曰余之病非藥石所愈唯須諸公

共發誠心自誓以克城之日不妄殺一人

則自愈矣諸將許諾共焚香爲誓明日稍

愈及克金陵城中皆按堵如故曹翰克江

州忿其久不下屠戮無遺彬之子孫貴盛

至今不絕翰卒未三十年子孫有乞勾於

海上者矣程頤云記

金陵之陷後主以藏中黃金分賜近臣辦裝

張佖得二百兩詣曹彬自陳不受願奏其

事彬以金輸官而不以聞跋

太祖遣曹彬等下江南許以平定之日授之

相印洎凱旋恩禮踰厚而絕無前命彬等

因曲宴從容陳叙及之上曰非忘之也

顧念河東未下而卿等官位隆重豈可更

親此事耶彬等宴退其家各賜錢百萬其

重爵勸功若此沂公筆錄○涑水記聞云彬快

而遷至家見錢滿室乃歎曰好官

以功拜樞密使王在宥密常公服危坐如對

君父接小吏亦以禮未嘗以名呼歸私第

唯閉閣宴居不妄通賓客五鼓纔動已待

漏於禁門矣雖雪霜不易其操如此者八

年

狀行

王和氣接物煦如陽春忠誠事君皎如白日

不以富貴驕人唯以謙恭自處兩總機密

五臨蕃翰位益高而志益下寵愈厚而憂

愈深不蓄羨財爲子孫計不樹私黨爲門

館恩所居之宅僅芘風雨敗簷踈牖不堪

其憂而王處之恬然自若喜愠之色家人

不知湛然澄波莫窺其際所以西降蜀南

平吳出將入相善始令終者蓋王能以功

業自全而善守富貴也加以歷代治亂近

朝興廢燦然胷中間一知十每與朝士清

談終日鴻儒碩生自以爲不及

狀行

曹侍中爲人仁愛多恕平數國未嘗妄斬人

嘗知徐州有吏犯罪既立案逾年然後杖

之人皆不曉其旨彬曰吾聞此人新娶婦

亦不過多得也耳何必使相也

若杖之彼其舅姑必以婦爲不利而惡之
朝夕笞罵使不能自存吾故緩其事而法
亦不赦也其用志如此

聞記

曹武惠王國朝名將勳業之盛無與爲比嘗
曰自吾爲將殺人多矣然未嘗以私喜怒
輒戮一人其所居堂室弊壞子弟請加修
葺公曰時方大冬牆壁瓦石之間百蟲所
蟄不可傷其生其仁心愛物蓋如此既平
江南回詣閭門入見榜子稱奉勑江南幹
當公事回其謙恭不伐又如此

歸田錄

曹武惠王始生周歲日父母以百玩之具羅
於席觀其所取武惠左手提干戈右手取
俎豆斯須取一印餘無所視後果爲樞密
使相卒贈濟陽王配享帝食公雖兼領將
相不以爵祿自大造門者皆降廡而揖不
名呼下吏吏之稟白者雖劇暑不冠不見
伐江西蜀二國諸將皆相載而歸惟公
但圖史衾簟而已爲藩帥中塗遇朝紳必
引車避過市戢其傳呵戒導吏去馬不得
越十輪恐壅遏市井性仁恕清謹無撓強

記善談論清白如寒儒宅第無十日之蓄
至坐武帳止衣弋绨紵絮而已征幽州偶
失律於涿鹿素服待罪趙叅政昌言請按
軍法朝廷察之止責右驍衛上將軍未幾
遂起趙叅政自延安還因事被劾於尚書
省久不許見時公已復樞密使三抗疏力
雪之方許朝謁士論歎伏

王臺清話

侍中曹彬爲樞密使向公敏中爲副使當
是時契丹犯塞繼遷叛命每軍書狎至上
必亟召樞臣計議彬則曰此狂寇當速發
兵誅討斬決而已止用強弩若干步兵若

千定矣敏中徐曰某所儲廩未備或道途
迂遠或出兵非其時當別施方略制之纖
悉措置多從敏中所議上謂將帥難其人
彬必懲激而言臣請自効更無他說敏中
常私恠之及子珪亦有將材累歷邊任威
名甚重晚自樞貳出鎮西鄙臨事整衆酷
類先君復果於戰鬪而不肯以安民柔遠
爲意豈將帥之體固當若是邪

王沂公筆錄

曹冀王彬前後受命帥師征討諸國凡降四

國主江南西川廣南湖南也未嘗殺一無

一之三

辜功名顯著爲諸將之首諸子皆賢令璫

丞相曾國范公

琮璨繼領旄鉞陶弼觀王畫像有詩曰蒐

公名質字文素大名宗城人後唐長興

兵四把降王縛教子三登上將壇其後少

中登第仕晉爲翰林學士漢初加戶部

子玘追封王爵實生慈聖光獻太后輔

侍郎周祖起兵以爲樞密副使廣順初

佐仁祖母儀累朝聖功仁德天下懷慕

拜中書侍郎平章事世宗不豫入受顧

以至濟陰生享王爵子孫昌盛近世無比

命輔立恭帝太祖受禪加兼侍中罷

非元功陰德享報深厚何以至此雖漢馬

參知樞密乾德二年罷爲太子太傅薨

唐郭殆無以過嗚呼盛哉燕談水

年五十四將終戒其子無得請謚立碑

質自從仕未嘗釋卷人或勉之質曰昔嘗有

異人與吾言他日必當大任苟如其言無

學術何以處之水蒙

周祖自鄆舉兵向闕京師亂范魯公隱於民

間一日坐封丘巷茶肆中有人貌怪陋前

揖曰相公無慮時暑中公所執扇偶書大

暑去酷吏清風來故人二句其人曰世之

酷吏冤獄何止如大暑也公它日當深究

此弊幸無忘吾言公惘然久之後至祔廟

後門見一土木短鬼其貌肖茶肆中見者

公心異焉亂定周祖物色得公遂致大用

公見周祖首建議律條繁廣輕重無據吏
得以因緣為姦周祖特詔詳定是爲刑統

錄聞見

范質初作相與馮道同堂道意輕其新進潛
視所爲質初知印當判事語堂吏曰當判
之事並施籤表得以視而書之慮臨文失
誤貽天下嘆道聞嘆曰真識大體吾不如

也質後果爲名

相談

世宗在揚州怒賓儀罪在不測范質非時求
見世宗意其救儀將避之質趨而前曰儀
近臣以小過忤旨罪不當誅因免冠叩首
泣下曰臣備位宰相不敢致人非辜當帝

王之怒幸陛下寬之世宗意解遂赦儀罪

范質奉行制敕未嘗破律每命刺史縣令必

求蒙以戶口版籍爲急

蒙

周恭帝之世有右拾遺直史館鄭起上宰相

范質書言太祖得衆心不宜使典禁兵

質不聽及太祖入城諸將奉登明德門

太祖命軍士皆釋甲還營太祖亦歸公

署釋黃袍俄而將士擁質及王溥魏仁浦
等皆至太祖嗚咽流涕曰吾受世宗厚
恩今爲六軍所逼一旦至此慙負天地將
若之何質等未及對軍校羅彥瓌按劖厲
聲曰我輩無主今日必得天子太祖叱
之不退質頗誚讓太祖且不肯拜王溥
先拜質不得已從之且稱萬歲請詣崇元
殿召百官就列周帝內出制書禪位太祖登
殿易服於東序還即帝位群臣相賀及
太宗即位先命溥致仕蓋薄其爲人也又
嘗稱質之賢曰惜也但欠世宗一死耳

○又龍川別志云周顯德末年太祖任殿前熟檢
功業日隆而謙下愈甚老將大校多歸心雖宰相
王溥亦陰劾誠款今南御園則溥夙所獻也惟范質
忠於周室初無所附及世宗晏駕北邊奏契丹入寇
命太祖以大兵出北之行至陳橋軍變既入城韓
勍以槊衝戰於闕下敗死太祖登正陽門望城中

諸軍未有歸者乃脫甲詣軍堂時早朝未退而聞
亂軍下殿執溥手曰倉卒遣將吾濟之罪已退入溥
手幾出血溥無語既見太祖質曰先帝養太尉如
子今身未冷奈何如此太祖性仁厚涕淚橫流質被面然

質知勢不可遏曰事已爾無太倉卒自古帝王有禪
讓之禮今可行也因其陳之且曰太尉既以禮愛憲
則事太后當如母養少主當如子切勿負先帝舊恩
太祖許諾然後率百官行禮由此太祖深敬
重質仍以爲相者累年終質之世太后少主皆
無恙故太祖太宗每言賢相必以質爲稱首

范魯公嘉謀偉量時稱名相自以執政之地
生殺憮舒所繫苟不能蚤夜兢畏悉心精
慮敗事覆餗憂患畢至加之道有枉直時

有夷險居其位者今古爲難嘗謂同列曰

人能臯吸三斗醇醋即可爲宰相矣

沂公筆錄

舊制宰相早朝上殿命坐有軍國大事則議
之從容賜茶而退自餘除拜號令刑賞廢
置事無巨細並熟狀擬定進入止於禁中

親批紙尾用御印可其奏謂之印畫降出

奉行而已由唐歷五代不改其制 國初

范質王溥魏仁浦自以前朝舊相且憚

太祖英睿具劄子面取進止朝退各疏其

事所得聖旨臣等同署字以志之自是奏

御寢多或至旰具命坐啜茶之禮尋亦廢

罷今遂爲定式

沂公筆錄

公性卞急好面折人以廉介自持未嘗受四

方饋遺前後所得祿賜多給孤遺閨門之

中食不異品身沒之後家無餘貲後太

祖因講求輔相謂侍臣曰朕聞范質但有所居宅不營產真宰相也 太宗亦素重

質嘗對近臣稱累朝宰弼以爲循規矩惜
名器持廉節無出質之右者

一之四

內翰竇公

公名儀字可象薊州漁陽人晉天福中

舉進士歷漢周爲翰林學士判河南府

國初再入翰林乾德四年卒年五十三

儀弟儼侃偁僖皆繼登科儼字望之漢

史館修撰周中書舍人國初轉禮部侍

郎卒年四十二偁字日章周祕書郎開

寶中拜右補闕開封府判官出爲彰義

軍節度推官太宗即位召拜左諫議

大夫後拜參知政事卒年五十八

趙普自樞密使授集賢殿大學士是時范質

等皆已罷相中書絕曹普授官勅無人署

字普入奏之太祖曰卿但進來朕爲卿

署可乎普曰有司所署非帝王之事太

祖曰卿問陶穀竇儀必有所說乃召問之

穀時爲尚書對曰自古輔相未嘗虛位唯

唐文宗時甘露事後中書無宰相當時以

僕射尚書奉行制書今尚書乃六官之

長可以署勅儀曰此非承平之制不足法

今皇弟尹正京府兼中書令此正宰相任也署勅宜矣普即入奏遂召太宗署

勅遺授

太祖欲改元謂宰相曰今改年號須古來未有者時宰相以乾德爲請且言前代所無三年正月平蜀蜀宮人有入掖庭者太

祖因閱其奩具得鑑背字云乾德四年鑄

大驚曰安得四年所鑄乎出鑑以示宰相

皆不能對乃召學士陶穀竇儀奏曰蜀少

主曾有此號鑑必蜀中所鑄太祖大喜

因歎曰作宰相須是讀書人自是大重儒

臣矣劉貢父詩話

王著既貶官內署闕人太祖謂范質等曰

王著昨以酒失深嚴之地當選謹重之士

以處之質等對以前朝學士惟竇儀清介

謹厚然頃自翰林遷端明今又官爲尚書

難於復召太祖曰禁中非此人不可卿

當諭朕意令勉赴所職即日再入翰林爲

竇儀開寶中爲翰林學士時趙普專政帝

學士

金城遺事

患之欲聞其過一日召儀語及普所爲多不法且譽儀早負才望之意儀盛言普開國勲臣公忠亮直社稷之鎮 帝不悅儀歸言於諸弟張酒引滿語其故曰我必不能作宰相然亦不詣朱崖吾門可保矣既而召學士盧多遜多遜嘗有憾於普又喜其進用遂攻普之短果罷相出鎮河陽普之罷甚危賴以勲舊脫禍多遜遂參知政事作太平興國七年普復入相多遜有崖州之行是其言之驗也克謨

太祖下滁州世宗命儀籍其帑藏至數日

太祖遣親吏取藏絳儀即白曰公初下城

雖傾囊取之誰敢言者今既有籍即爲官物非詔旨不可得也後

太祖屢對大臣稱儀有守欲以爲相趙普忌其剛直乃引薛正叅知政事及儀卒

太祖聞之驚歎曰天何奪我竇儀之速耶

太宗亦稱儀質重嚴整有家法閨門敦睦人無間言

諸弟皆不能及僖亦中人之才惟偁爲有操尚耳宋

國勲臣公忠亮直社稷之鎮 帝不悅儀歸言於諸弟張酒引滿語其故曰我必不能

作宰相然亦不詣朱崖吾門可保矣既

而召學士盧多遜多遜嘗有憾於普又喜

其進用遂攻普之短果罷相出鎮河陽普

之罷甚危賴以勲舊脫禍多遜遂參知政

事作太平興國七年普復入相多遜有

崖州之行是其言之驗也克謨

太祖下滁州世宗命儀籍其帑藏至數日

太祖遣親吏取藏絳儀即白曰公初下城

雖傾囊取之誰敢言者今既有籍即爲官

物非詔旨不可得也後

太祖屢對大臣稱儀有守欲以爲相趙普忌其剛直乃引

薛正叅知政事及儀卒

太祖聞之驚歎曰天何奪我竇儀之速耶

太宗亦稱儀質重嚴整有家法閨門敦睦人無間言

諸弟皆不能及僖亦中人之才惟偁爲有操尚耳宋

儼顯德中上疏言六綱一曰明禮二曰崇樂

三曰熙政四曰正刑五曰勸農六曰經武

求蒙

太祖嘗晚坐崇政殿召學士竇儼對 上時

宴服儼至屏樹間見之不進中使促不應

上許其久不出笑曰豎儒以我燕服爾遽

命袍帶儼遂趨出

沂筆錄

儼尤善推步星曆與盧多遜楊徽之同在諫

垣謂二公曰丁卯歲五星當聚於奎主

文明又在曾分自此天下始太平二拾遺

必見之老夫不與也至乾德間五星果聚

於奎

王清話

竇偁爲晉府記室賈琰爲判官每諸王宗室

宴集琰必怡聲下氣褒讚捷給偁叱之曰

賈氏子何巧言令色之甚獨不懼於心邪

太宗甚怒白 太祖斥出爲涇州節判後

即位思之召爲樞密直學士數月參政中

謝語之曰汝知何以及此偁曰 陛下以

臣往年霸府遭逢所以至此耳 上曰不

然以卿嘗面折賈琰故任卿左右思聞直

言耳

范談

寶儀尚書本燕人爲性嚴重家法整肅尚書

每對客坐即二侍郎三起居四叅政五補

闕皆侍立焉

公談錄

一之五

丞相李文正公

公名昉字明遠深州饒陽人漢乾祐初

舉進士仕周爲翰林學士

國朝開寶

六年拜翰林學士遂叅政事太平興國

八年拜同中書門下平章事端拱初罷

淳化二年復相四年又罷明年以司空

致仕至道二年薨年七十二

李相昉在周朝知開封府人望已歸太祖

而昉獨不附王師入京昉又獨不朝貶道

州司馬昉步行日十數里監者中人問其

故曰湏後命耳上聞之詔乘馬乃買驢

而去三歲徙延州別駕在延州爲生業以

老三歲當徙昉不願內徙後二年宰相薦

其可大用召判兵部昉五辭行至長安移

疾六十日中使促之行至洛陽又移疾三

十日而後行旣至上勞之昉曰臣前日

知事周而已今以事周之心事陛下上

大喜曰宰相不謬薦人

公談錄

太宗語侍臣曰朕何如唐太宗左右互辭以

讚獨李昉無它言微誦白居易諷諫七德
舞詞曰怨女三千放出宮死囚四百來歸

獄上聞之遽興曰朕不及朕不及卿言
驚朕矣掇

李昉 太宗時與宋琪同建議復時政記月
終送史館先進御而後付有司時政記進

御自昉始也蒙求

盧多遜與李昉相善昉待之不疑多遜知政
多毀昉人有以告昉昉不信之後 太宗由

語及多遜事昉頗爲解釋 太宗曰多遜
居常毀卿一錢不直昉始信之 太宗由

是目昉爲善人蒙求

李文正爲相有求差遣見其人材可取將收
用必正色拒絕之已而擢用或不足收用
必和顏溫語待之子弟或問其故公曰用
俊絕之使恩歸於上若其不用者既失所
望又無善辭此取怨之道也史危

李文正公常期王文正公旦必爲相自小官
薦進之公病召王公勉以自愛旣退謂其

子弟曰此人後日必爲太平宰相然東封
西祀亦不能救也史危

至道元年燈夕 太宗御樓時李文正以司
空致仕於家 上亟以安輿就其宅召至

賜坐於御樓之側敷對明爽精力康勁
上親酌御樽飲之選餚核之精者賜焉謂

近侍曰昉可謂善人君子也事朕兩入中
書未嘗有傷人害物之事宜其今日所享
如此也清話玉壺

公溫和無城府寬厚多恕不念舊惡在位小
心循謹無赫赫稱好接賓客雅厚張洎而
薄張佖及罷相洎草制深詆之而佖朔望
常詣其第人或謂佖曰李公待君素不厚
何數詣之佖曰我爲廷尉日李公方秉政
未嘗一有請求此吾所以重之也

一之六

丞相許國呂文穆公

公名蒙正字聖功河南人太平興國二年舉進士太宗始臨軒親試擢冠甲科五年拜左補闕知制誥八年擢參知政事遂拜中書侍郎平章事淳化中罷既而復相至道元年出判河南府咸平四年復以左僕射平章事六年以病罷歸洛大中祥符四年薨年六十六

淳化三年太宗謂宰相曰治國之道在乎寬猛得中寬則政令不成猛則民無所措手足有天下者可不敬之哉呂蒙正曰老子稱治大國若烹小鮮夫魚擾之則亂近日內外皆來上封求更制度者甚衆望陛下漸行清淨之化上曰朕不欲塞人言路至若愚夫之言賢者擇之亦古典也趙昌言曰今朝廷無事邊境謐寧正當力行好事之時上喜曰朕終日與卿論此事何愁天下不治苟天下親民之官皆如此留心則刑清訟息矣

談苑

上聞汴水輦運卒有私質市者謂侍臣曰幸門如鼠穴何可塞之但去其尤者可矣篤工揖師苟有少販鬻但無妨公不必究問冀官物之入無至損折可矣呂蒙正曰水至清則無魚人至察則無徒小人情僞在君子豈不知之若以大度兼容則萬事兼濟曹參不擾獄市者以其兼受善惡窮之則姦慝無所容故戒勿擾也聖言所發正合黃老之道

實事

國朝三入中書惟公與趙韓王爾未嘗以姻戚徼寵澤子從簡當奏補舊制宰相奏子起家即授水部員外郎加朝階公奏曰臣昔忝甲科及第釋褐止授六品京官况天下才能老於巖穴不能露寸祿者無限今從簡始離襁褓一物不知膺此寵命恐罹陰譴止乞以臣釋褐所授官補之固讓方允止授六品京官自爾爲制

野湘山錄

呂蒙正不喜記人過初參知政事入朝堂有朝士於簾內指之曰是小子亦參政邪蒙正佯爲不聞而過之其同列怒令詰其官

位姓名蒙正遽止之罷朝同列猶不能平
悔不窮問蒙正曰若一知其姓名則終身
不能復忘固不如母知也且不問之何損
時皆服其量聞記

呂文穆公以寬厚爲宰相 太宗尤所眷遇
有一朝士家藏古鑑自言能照二百里欲
因公弟獻以求知其弟伺間從容言之公
笑曰吾面不過楪子大安用照二百里其
弟遂不復敢言聞者歎服以謂賢於李衛
公遠矣蓋寡好而不爲物累者昔賢之所
難也歸田錄

呂公蒙正嘗問諸子曰我爲相外議如何諸

子云大人爲相四方無事蠻夷賓服甚善
但人言無能爲事權多爲同列所爭公曰
我誠無能但有一能善用人耳此真宰相
之事也公夾袋中有冊子每四方人替罷
謁見必問其有何人才客去隨即疏之悉

分門類或有一人而數人稱之者必賢也
朝廷求賢取之囊中故公爲相文武百官
各稱職者以此史

呂文穆公旣致政扈洛 真宗祀汾陰過洛
文穆尚能迎謁至回鑾已病 帝爲幸其
宅問曰卿諸子孰可用公對曰臣諸子皆
豚犬不足用有姪夷簡任潁州推官宰相
才也 帝記其語遂至大用文靖公也先
是富韓公之父貧甚客文穆公門下一日
白公曰某兒子十許歲欲令入書院事廷
評太祝公許之其子韓公也文穆見之驚
曰此兒它日名位與吾相似亟令諸子同
學供給甚厚文穆兩入相以司徒致仕後
韓公亦兩入相以司徒致仕文穆知人之
術如此歸見錄

一之七

丞相張文定公

公名齊賢字師亮曹州冤句人後徙洛陽太祖時舉賢良方正又獻十策皆報罷太平興國三年中進士第六年爲

江南西路轉運副使召還簽書樞密院事出知代州淳化二年拜吏部侍郎同平章事四年出知成都府咸平初復相坐冬至朝會被酒失儀免大中祥符五年以司空致仕七年薨年七十二

太祖幸西都肆赦張文定公齊賢時以布衣獻策太祖召至便坐令面陳其事文定以手畫地條陳十策一下并汾二富民三封建四敦孝五舉賢六大學七籍田八選良吏九懲姦十恤刑內四說稱旨文定堅執其六說皆善太祖怒令武士拽出及車駕還京語太宗曰我幸西都唯得一張齊賢耳我不欲爵之以官異時汝可收之使輔汝爲相也至太宗初即位放進士榜決欲置於高等而有司偶失掄選第

三甲之末太宗不悅及注官有旨一榜

盡與京官通判文定釋褐將作監丞通判

衡州不十年果爲相

東軒筆錄○又聞見錄云太祖幸西都文定就大盤中以

策於馬前召至行宮賜衛士廊食文定就大盤中以手取食帝用柱斧擊其首問所言十事文定且食且對略無懼色賜東帛遣之歸謂太宗曰吾幸西都爲汝得一張齊賢宰相也

張齊賢爲江南轉運使吉州治江有勾欄地錢其地爲江水淪陷或官占爲船場而所輸錢如故又李氏時民於江中編浮柵以居量丈尺輸稅名水場錢齊賢悉奏免之

求蒙

真宗時戚里有爭分財不均者更相訴訟又因入宮自理於上前更十餘斷不能服宰相張齊賢曰是非臺府所能決也臣請自治之上許之齊賢坐相府召訟者曰汝非以彼所分財少乎皆曰然即命各供狀結實乃召兩吏趣歸其家令甲家入乙舍乙家入甲舍貨財皆按堵如故分書則交易之訟者乃止明日奏狀上大悅曰朕固知非君莫能定者

記聞

公姿儀碩大善談方略以致君之術自負往

往涉於踈闊前後治獄多所全宥喜提獎

寒雋種放之召公所薦也大中祥符中嘗

言王清昭應宮績畫祥瑞有損謙德及違
奉天之意屢請罷土木之役然不事儀矩
頗好治生再入相數起大獄又與寇公準
相傾奪人以此少之

丞相呂正惠公

公名端字易直幽州安次人晉朝以蔭
補千牛備身開寶中知成都府太宗

朝再爲開封判官皆坐累左遷復爲樞
密直學士拜參知政事又擢拜戶部侍郎

平章事逾年以病罷薨年六十六

呂正惠公使高麗遇風濤檣折舟人大恐公
恬然讀書若在齋間時玉臺清話

太宗欲相正惠公左右或曰呂端之爲人糊

塗鶴突帝曰端小事糊塗大事不糊塗

決意相之

呂氏家塾記

保安軍奏獲李繼遷母太宗甚喜是時寇
準爲樞密副使呂端爲宰相上獨召準

與之謀準退自宰相幕次前過不入端使

人邀至幕中曰鄉者主上召君何爲準

曰議邊事耳端曰陛下戒君勿言於端

乎準曰不然端曰若邊鄙常事樞密院之

職端不敢與知若軍國大計端備位宰相
不可以莫之知也準以獲繼遷母告端曰

五朝名臣言行錄卷第二之一

君何以處之準曰準欲斬於保安軍北門之外以戒凶逆端曰陛下以爲何如曰陛下以爲然令準之密院行文書耳端曰必若此非計之得者也願君少緩其事文書勿亟下端將覆奏之即召閣門吏使奏宰臣呂端請對上召入之端見具道準言且言昔項羽得太公欲烹之漢高祖曰願遺我一盃羹夫舉大事者固不顧其親况繼遷胡夷悖逆之人哉且陛下今日殺繼遷之母繼遷可擒乎若不然徒樹怨讐而益堅其叛心耳上曰然則柰何端曰以臣之愚謂宜置於延州使善養視之以招徠繼遷雖不能即降終可以繫其心而母死生之命在我矣上撫髀稱善曰微卿幾誤我事即用端策其母後病死於延州繼遷尋亦死其子竟納款請命記聞

太宗大漸李太后與宣政使王繼恩忌太子英明陰與參知政事李昌齡殿前都指揮使李繼勲知制誥胡旦謀立潞王元佐太宗崩太后使繼恩召宰相呂端端知有

變鑼繼恩於閣內使人守之而入太后謂曰宮車已晏駕立嗣以長順也今將何如端曰先帝立太子正爲今日今始棄天下豈可遽違先帝之命更有異議乃迎太子立之尋以繼勲爲使相赴陳州本鎮昌齡爲忠武行軍司馬繼恩爲右監門衛將軍均州安置胡旦除名流潯州記聞

真宗旣於大行柩前即位垂簾引見群臣宰相呂端於殿下平立不拜請卷簾升殿審視然後降階率群臣拜呼萬歲記聞。又談叢曰太宗寧庭中而先登御榻解衣視之而降揖太子以升遂位即

趙普在中書呂端爲參政趙嘗謂人曰吾嘗觀呂公奏事得嘉賞未嘗喜遇抑挫未嘗懼亦不形言真台輔之器也晉公談錄

公姿儀瓌秀有器量寬厚多恕意豁如也雖屢經擯退未嘗以得喪介懷深爲當世所服善與人交輕財好施未嘗問家事其爲相持重識大體以清靜簡易爲務每奏對同列多異議公罕所建明一日內出手札

戒曰自今中書事必經呂端詳酌乃得聞

奏公諫不敢當 真宗初即位每見公肅

然拱揖不以名呼嘗召對便殿訪軍國大事經久之制陳當世急務皆有條理 上甚嘉納

二之二

樞密錢宣靖公

公名若水字淡成河南新安人雍熙中

舉進士釋褐同州觀察推官擢祕書丞

直史館遷知制誥翰林學士至道初以

右諫議大夫同知樞密院事以母老求

解機務便奉養遂以本官充集賢院學

士復判流內銓知開封府出知天雄軍

巡撫陝西還拜鄧州觀察使知并州薨

年四十四

錢若水爲舉子時見陳希夷於華山希夷曰

明日當再來若水如期往見有一老僧與

希夷擁地爐坐僧熟視若水久之不語以

火箸畫灰作做不得三字徐曰急流中勇

退人也若水辭去希夷不復留後若水登

科爲樞密副使年才四十致仕希夷初謂

若水有仙風道骨意未決命僧觀之僧云

做不得故不復留然急流中勇退去神仙

不遠矣僧麻衣道者也

錄見

錢若水爲同州推官知州性褊急數以脣

決事不當若水固爭不能得輒曰當奉陪贖銅耳已而果爲朝廷及上司所駁州官皆以贖論知州愧謝已而復然前後如此數矣有富民家小女奴逃亡不知所之父母訟於州命錄事參軍鞫之錄事嘗貸錢於富民不獲乃劾富民父子數人共殺女奴棄屍水中遂失其屍或爲元謀或從而加功罪皆應死富民不勝榜楚自誣服具上州官審覆無反異皆以爲得實若水獨疑之留其獄數日不決錄事詣若水廳事詔之曰若受富民錢欲出其死罪邪若水笑謝曰今數人當死豈可不少留熟觀其獄詞邪留之且旬日知州屢趣之不能得上下皆怪之若水一旦詣州屏人言曰若水所以留其獄者密使人訪求女奴今得之矣知州驚曰安在若水因密使人送女奴於知州所知州乃垂簾引女奴父母問曰汝今見汝女識之乎對曰安有不識也因從簾中推出示之父母泣曰是也乃引富民父子悉破械縱之其人號泣不肯

去曰微使君之賜則某滅族矣知州曰推官之賜也非我也其人趣詣若水廳事若其人不得入繞垣而哭傾家貲以餌僧爲若水祈福知州以若水雪冤死者數人欲爲之奏論其功若水固辭曰若水但求獄事正人不冤死耳論功非其本心也且朝廷若以此爲若水功當置錄事於何地邪知州歎服曰如此尤不可及矣錄事詣若水叩頭愧謝若水曰獄情難知偶有過誤何謝也於是遠近翕然稱之未幾太宗聞之驟加進擢自幕職半歲中爲知制誥二年中爲樞密副使開記

錢若水爲學士 太宗禮遇殊厚嘗草賜趙保忠詔云不斬繼遷存狡兔之三穴潛疑光嗣持首鼠之兩端 太宗覽之甚悅謂若水曰此四句正道着我意又與趙保吉詔有旣除手足之親已失輔車之勢其辭甚美 太宗御筆批其後云依此詔本極好至今其子延年寶藏之金坡遺事

李繼隆與轉運使盧之翰有隙欲陷之罪乃檄轉運司期八月出塞令辦芻粟轉運司調發方集繼隆復爲檄言據陰陽人狀國家八月不利出師當更取十月轉運司遂散芻粟旣而復爲檄云得保塞胡僨候狀言賊且入塞當以時進軍芻粟即日取辦是時民輸輓者適散倉卒不可復集繼隆遂奏轉運司乏軍興 太宗大怒立召中使一人付三函令乘驛馳取轉運使盧之翰竇玭及某人首丞相呂端樞密使柴禹錫皆不敢言惟樞密副使錢若水爭之請先推驗有狀然後行法 上大怒拂衣起入禁中二府皆罷若水獨留廷中不去上旣食久之使人偵視廷中有何人報云有細瘦而長者尚立焉 上出詰之曰爾以同州推官再暮爲樞密副使朕所以擢任以爾爲賢爾乃不才如是邪尚留此安俟對曰 陛下不知臣無狀使得待罪二府臣當竭其愚慮不避死士補益 陛下以報厚恩李繼隆外戚貴重莫比今 陛下

下據其一幅奏書誅三轉運使雖有罪天下何由知之鞫驗事狀明白加誅亦何晚焉獻可替否死以守之臣之常分臣未獲死固不敢退 上意解乃召呂端等奏請如若水議先令責狀許之三人皆黜爲行軍副使旣而虜欲入塞事皆虛誕繼隆坐罷招討知秦州開記

詔訪備邊之策若水條上五事一擇郡守二募鄉兵三積芻粟四革將帥五明賞罰錢公若水嘗率衆過河號令軍伍分布行列悉有規節深爲戍將所伏 上知之謂左右朕嘗見儒人談兵不過講之於尊俎硯席之間於文字則引孫吳述形勢皆閑暇清論可也責之於用則罕見有成効者今若水亦儒人曉武深可嘉也時言者請城綏州積兵禦党項詔公自魏乘疾傳徃按至則乞罷其役時論譴之 上嘗謂左右曰朕觀若水風骨秀邁才力有餘止疑其算部蹙隘果至大用恐愈迫之其後果夫

至道初呂蒙正罷相以僕射奉朝請

上謂

左右曰人臣當思竭節以保富貴呂蒙正前日布衣朕擢爲輔相今退在班列寂寞想其目穿望復位矣劉昌言曰蒙正雖驟登顯貴然其風望不爲忝冒僕射師長百僚資望崇重非寂寞之地且亦不聞蒙正之鬱悒也况今巖穴高士不求榮達者甚多惟若臣輩苟且官祿不足以自重耳

上默然又嘗言士大夫遭時得位富貴顯榮豈得不竭誠以報國乎錢若水言高尚之人固不以名位爲光寵忠正之士亦不以窮達易志操其或以爵祿恩遇之故而効忠於上此中人以下者之所爲也上然之及劉昌言罷上問趙鎔等曰頻見昌言否鎔等曰屢見之上曰涕泣否曰與臣等談多至流涕上曰大率如此當在位之時不能悉心補職一旦斥去即汎瀉涕泗若水曰昌言實未嘗涕泣鎔等迎合上意耳若水因自念上待輔臣如此蓋未嘗有秉節高邁不貪名勢能全進

退之道以感動人主遂貽公美風神有器識能斷大事事繼母以孝聞風流儒雅善談論尤輕財好施所至推誠待物委任僚佐總其綱領無不稱治汲引後進推賢重士胷中豁如也

范談

二之三

丞相李文靖公

公名沆字太初洺州人太平興國五年擢進士甲科召試除右補闕知制誥淳

化二年拜給事中參知政事四年罷

真宗升儲以爲太子賓客詔東宮待以

師傳禮咸平初以中書侍郎平章事景

德元年七月薨年五十八乾興初詔配

饗 真宗廟庭

雍熙中王化基上封自薦 太宗謂宰相曰

李沆宋湜皆嘉士也即命中書并召試並

除右補闕知制誥

李沆嘗侍曲宴 太宗目送之曰李沆風範

端凝真貴人也俄除參知政事蒙求

趙保吉久叛朔方危蹙中外咸以爲靈州乃必爭之地苟失之則緣邊皆驚 上訪於

李文靖公公曰繼遷不死靈州非朝廷有

也莫若遣使密召州將使部分軍民空壘

而歸則關右之民息肩矣未幾靈州果陷

李文靖公沆爲相王魏公旦方參預政事時

西北隅尚用兵或至旰食魏公嘆曰我輩安能坐致太平得優游無事耶文靖曰少

有憂勤足爲警戒它日四方寧謐朝廷未

必無事其後北狄講和西戎納款而封岱

祠汾蒐講墜典靡有暇日魏公始歎文靖

之先識過人遠矣

歸田錄○又涑水記聞曰真宗既與契丹和親王文正公問

於李文靖公曰和親何如文靖曰善則善矣然邊患既

息恐人主漸生侈心耳文正亦未以爲然及真宗既

年多事巡遊大脩宮觀文正乃嘆歎曰李公可謂有先

知之明矣○又龍川志文真宗初即位李沆爲相王

且參知政事沆日取四方水旱盜賊奏之旦以爲細事

不足煩上聽沆曰人主少年當使知四方艱難不然

血氣方剛不留意聲色犬馬則土木兵備之事作

矣吾老不及見此此參政宅日之憂也及旦親見王欽

若丁謂等所爲欲諫則業已同之欲去則上

遇之厚不忍去乃歎曰李文靖真聖人也

李沆在相位接賓客常寡言馬亮與沆同年

生又與其弟維善語維曰外議以大兄爲

無口匏維乘間嘗達亮語沆曰吾非不知

也然今之朝士得升殿言事 上封論奏

了無壅蔽多下有司皆見之矣若邦國大

事北有強虜西有戎遷日旰條議所以備

禦之策非不詳究薦紳中如李宗諤趙安

仁皆時之英秀與之談猶不能啓發吾意

自餘通籍之子坐起拜揖尚周章失措即

席必自論功最以希寵獎此有何策而與

之接語哉苟屈意妄言即世所謂籠罩籠

罩之事僕病未能也爲我謝馬君沆常言

居重位實無補萬分唯中外所陳利害一

切報罷之唯此少以報國爾朝廷防制纖

悉備具或徇所陳請施行一事即所傷多

矣陸象先曰庸人擾之正此謂也檢人苟

一時之進豈念於民耶

荅談

真宗初即位李沆爲相帝雅敬沆嘗問治

道所宜先沆曰不用浮薄新進喜事之人

此最爲先帝問其人曰如梅詢曾致堯

等是矣帝深然之故終帝世數人者

皆不進用時梅曾皆以才名自負嘗遣致

堯副溫仲舒安撫陝西致堯於閭門疏納

仲舒言不足與共事輕銳之黨無不稱快

然沆在中書不喜也因用它人副仲舒而

罷致堯故自真宗之世至仁宗初年

多得厚重之士由沆力也

龍川別志○又東坡志林云

時或薦梅詢可用者上曰李沆嘗言其非君子時流之沒蓋二十年矣歐陽文忠公嘗聞蘇子容云

宰相沒二十年能使人主追信其言以何道子容言獨以無心故耳試謂陳執中俗吏耳特以至公猶能

之才識王上況如李公

先生言真宗問李文靖曰人皆有密啓而

卿獨無何也對曰臣待罪宰相公事則公

言之何用密啓夫人臣有密啓者非讒即

佞臣常惡之豈可効尤因言祖宗時宰

相如此天下安得不治

龜山語錄

李文靖公爲相時真宗嘗夜遣使持手詔

問欲以某氏爲貴妃如何公對使者自引

燭焚其詔書附奏曰但道沆以爲不可其

議遂寢書曰成王畏相其此之謂乎

呂氏家塾記

寇菜公始與丁晉公善嘗以丁之才薦於李

文靖公屢矣而終未用一日菜公語文靖

曰比屢言丁謂之才而相公終不用豈其

才不足用邪抑鄙言不足聽邪文靖曰如

斯人者才則才矣顧其爲人可使之在人

上乎菜公曰如謂者相公終能抑之使在

人下乎文靖笑曰它日後悔當思吾言也

晚年與寇權寵相軋交互傾奪至有海康

之禍始伏文靖之識

東軒筆錄

李文靖公作相常讀論語或問之公曰沆爲

宰相如論語中節用而愛人使民以時兩句尚未能行聖人之言終身誦之可也

聞見錄

李丞相沆重厚淳質言無枝葉善屬文識治體好賢樂善爲丞相有長者之譽頓通釋

典尤厭榮利世務罕以嬰心其自奉甚薄

所居陋巷廳事無重門其幅下已甚頽垣

壞壁沆不以屑慮堂前藥欄壞妻戒守舍

者勿令葺以試沆朝夕見之經月終不

言妻以語沆沆笑謂其弟維曰豈可以此

動吾一念哉家人勸治居第未嘗答維因

語次及之沆曰身食厚祿時有橫賜計囊

裝亦可以治第但念內典以此世界爲缺

陷安得圓滿如意自求稱足今市新宅須

一年繕宇人生朝暮不可保又豈能久居

巢林一枝聊自足耳安事豐屋哉後遇疾

沐浴右脅而逝時盛暑停屍七日室中無

穢氣亦履行之報也

苑談

公沉厚寡言內行脩謹識大體居位謹密不求聲譽所居湫隘處之晏然未嘗問家事退公終日危坐未嘗跛倚性直諒有守駢

馬都尉石保吉求爲使相 仁宗以問公公曰賞典之行湏有所自保吉因緣戚里無攻戰之勞台席之拜恐騰物論它日再三詢之執議如初遂寢其事及公薨數日乃卒拜焉公在相府動遵詔條不可干以私然人有請求無所辨明旣抑退失望則歸咎焉公亦不介意也

故尚書張詠嘗謂人曰吾榜中得人最多謹重有雅望無如李文靖深沉有德鎮服天下無如王公面折庭爭素有風采無如寇公當方面寄則詠不敢辭王文正公遺事

元城先生論本朝名相最得大臣體者惟李沆丞相或曰何以明之先生曰李丞相每謂人曰沆在政府無以補報國家但諸處有人上利害一切不行耳此大似失言然有深意且 祖宗之時經變多矣故所立法度極是穩便正如老醫看病極多故用藥不至孟浪殺人且其法度不無小害但其利多耳後人不知遂欲輕改此其害所以紛紛也李丞相每朝謁奏事畢必以四

方水旱盜賊不孝惡逆之事奏聞 上爲

二之四

太尉魏國王文正公

公名旦字子明魏州人中進士第知平

江縣通判鄭州拜右正言知制誥趙昌

言參知政事公其子婿也表請辭職改

集賢殿修撰昌言罷乃復舊職 真宗

即位爲翰林學士咸平四年拜工部侍

郎叅知政事景德三年遂進拜同平章

事從封泰山祀汾陰兼玉清昭應宮使

又爲迎奉聖像天書刻玉兗州太極觀

奉上寶冊使公素羸多疾至是屢求退

拜太尉兼侍中五日一朝視事遇軍國

重事不以時入叅決以疾懇辭冊拜太

尉玉清昭應宮使是年九月薨年六十

一乾興初詔配享 真宗廟庭 仁宗

元城先生語錄

篆其碑首曰全德元老之碑且詔史臣

歐陽脩銘之

王晉公祐事 太祖爲知制誥 太祖遣使

魏州以便宜付之告曰使還與卿王溥官

職時溥爲相也蓋魏州節度使符彥卿

事已寃矣

溫公訓僕

太宗夫人之父有飛語聞于上祐往別
太宗於晉邸 太宗却左右欲與之語祐

徑趨出祐至魏得彥卿家僅二人挾勢恣
橫以便宜決配而已及還朝 太祖問曰

汝敢保符彥卿無異意乎祐曰臣與符彥
卿家各有百口願以臣之家保符彥卿又

曰五代之君多因猜忌殺無辜故享國不
長顧陛下以爲戒 帝怒其語直貶護

國軍行軍司馬華州安置七年不召 太

宗即位以兵部侍郎召不及見而薨初祐
赴貶時親賓送於都門外謂祐曰意公作

王溥官職矣祐笑曰祐不做兒子二郎必
做二郎者文正公旦也祐素知其必貴手

植三槐于庭曰吾子孫必有爲三公者已
而果然天下謂之三槐王氏云開見錄

文正公通判鄭州建言請天下置常平倉以

抑兼并爲人嚴重能任大事避遠權勢不

可干以私爲學士時嘗奏事退 上目送

之曰爲朕致太平者必斯人也錢宣靖公

名知人常稱公有宰相器 上嘗問以羣

臣可大用者錢以公對 上曰吾固已知
之矣遂以爲叅知政事

公扈從在澶淵雍王元份留守得暴疾命公
代之公曰願宣冠凖來臣有所陳準至公
奏曰十日之間未有捷報時當如何 上
良久黯然曰立皇太子遺事

上在澶淵遣公還守東都既至直入禁中下
令甚嚴使人不得傳播後車駕自河北還
公家人及子弟輩皆出迎於郊外忽聞後
有呵喝之聲驚而視之乃公也其處事謹
密如此遺事

公與人寡言笑其語雖簡而能以理屈人默
然終日莫能窺其際及奏事 上前群臣
異同公徐一言以定今 上爲皇太子太

子諭德見公稱太子學書有法公曰諭德
之職止於是耶歐公撰神道碑○又遺事云張士達言皇太子學書甚好公曰

皇太子不待應舉選學士去不必學
當由是文懿日以善道規贊皇太子

趙德明言民飢求糧百萬斛大臣皆曰德明

新納誓而敢違請以詔書責之 真宗以

問公公請勑有司具粟百萬於京師詔德

明來取 真宗大喜德明得詔書慙且拜

曰朝廷有人

碑道

契丹奏請歲給外別假錢幣 上以示公公

曰東封甚近車駕將出以此探朝廷之意耳 上曰何以答之公曰止當以微物而

輕之也乃於歲給三十萬物內各借三萬仍諭次年額內除之契丹得之大慙次年

復下有司契丹所借金帛六萬事屬微末仰依常數與之今後永不爲例

遺事

大中祥符中天下大蝗 真宗使人於野得

死蝗以示大臣明日他宰相有袖死蝗以進者曰蝗實死矣請示於朝率百官賀公

獨以爲不可後數日方奏事飛蝗蔽天

真宗顧公曰使百官方賀而蝗如此豈不爲天下笑邪

神道碑○又遺事所載與此同但云諸公皆謝曰王旦遠識非目等所及

公但歛容
退身而已

官者劉承規以忠謹得幸病且死求爲節度使 真宗以語公曰承規待此以瞑目公執以爲不可曰他日將有求爲樞密使者奈何至今內臣官不過留後

碑道

薛簡肅公天禧初爲江淮發運使辭王文正

公王無他語但云東南民力竭矣薛退而

謂人曰真宰相之言也

湘山

張士遜出爲江西轉運使辭公於政事堂且求教公從容曰朝廷推利至矣士遜起謝後迭更是職思公之言未嘗求錐刀之利

事遺

景德中李迪賈邊皆舉進士有名當時及就

省試主文咸欲取之旣而二人皆不與取其卷視之迪以賦落韻邊以當仁不諱於

師論以師爲衆與注疏異說乃爲奏具道所以乞特收試時王文正公爲相議曰迪

雖犯不考然出於不意其過可恕如邊特立異說將令後生務爲穿鑿漸不可長遂

收迪而黜邊事實

宮禁火災公馳入對 上驚惶語公曰兩朝

所積朕不妄費一朝殆盡誠可惜也公對曰 陛下富有天下財帛不足憂所慮者

政令賞罰有所不當臣備位宰府天災如

此臣當罷免繼上表待罪

上乃降詔罪

已許中外上封事言朝政得失後有大臣言非天災乃榮王宮失於火禁請置獄出其狀當斬決者數百人公持以歸翌日乞獨對曰初火災 陛下降詔罪已臣上表待罪今反歸咎於人何以示信且火雖有迹寧知非天譴邪果欲行法願罪臣以明無狀 上欣然聽納減死者幾百輩事遺公在昭應宮齋宿寢符閣役工有墮死者公得報繳奏曰 陛下崇奉上靈爲民祈福今反傷民損財豈合天意乞諭有司省工惜費遺事

石普知許州不法朝廷議欲就効公曰普本武人不明典憲恐恃薄效妄有生事必湏重行乞召歸置獄乃下御史俟普至按之一日而獄具議者以爲不屈國法而保全武臣真國體也遺事

公任事久人有謗公於 上者公輒引咎未嘗自辨至人有過失雖人主盛怒可辯者辯之必得而後已日者上書言宮禁事誅籍其家得朝士所與往還占問吉凶之說

中書有事關送審院事礙詔格寇萊公準在樞府特以聞 上以責公公拜謝引咎堂吏皆遭責罰不踰月審院有事送中書亦

真宗怒欲付御史問狀公曰此人之常情且語不及朝廷不足罪 真宗怒不解公因自取嘗所占問之書進曰臣少賤時不免爲此必以爲罪願并臣付獄 真宗曰此事已發何可免公曰臣爲宰相執國法豈可自爲之幸於不發而以罪人 真宗意解公至中書悉焚所得書既而 真宗悔復馳取之公曰臣已焚之矣由是獲免者衆碑道

違舊詔堂吏得之欣然呈公公曰却送與密院吏出白寇公寇公大慙翌日見公曰

上曰非卿之言朕固難忍後月餘欽若等皆罷遣事

同年甚得許大度量公不答

名臣遺事○又龜山語錄云昔王文正在中書冠某公在密院中書偶倒用了印某

公湏勾吏人行遺它日密院亦倒用了印中書吏人呈覆亦欲行遺文正問吏人汝等且道密院當初行

遣制用印者是否曰不是文正曰既是不是不可擇他不問是

王欽若陳堯叟馬知節同在樞府一日上

前因事忿爭上召公公至則見欽若謹

譁不已馬公流涕曰願與王欽若同下御

史府公廻叱欽若曰王欽若對上豈得如此下去上大怒乃命下獄公從容曰欽

若等恃陛下顧厚上煩陛下謹訶當

行朝典然觀陛下天顏不怡願且還內

來日取旨上許之翌日上召公問欽

若等事當如何公曰欽若等當默然未知

坐以何罪上曰朕前忿爭無禮公曰

陛下奄有天下而使大臣坐忿爭無禮之

罪恐夷狄聞之無以威遠上曰卿意如

何公曰願至中書召欽若等宣示陛下

含容之意且戒約之俟少間罷之未晚

是時契丹初請盟趙德明亦納誓約願守河

西故二邊兵罷不用真宗遂欲以無事

治天下公以謂宋興三世祖宗之法具在

故其爲相務行故事謹所改作進退能不

賞罰必當真宗久而益信之所言無不

聽也雖他宰相大臣有所請必曰王旦以

謂如何事無大小非公所言不決公在相

位十餘年外無夷狄之虞兵革不用海內

富庶群工百司各得其職故天下至今稱

爲賢相

碑神道

王沂公曾張文節公知白陳彭年參預政事

因白公曰每奏事其間有不經上覽者

公但批旨奉行恐人言之以爲不可公遜

謝而已一日奏對公退諸公留身上已

驚曰有何事不與王旦同來諸公以前說

對上曰且在朕左右多年朕察之無毫

髮之私自東封後朕諭以小事一面奉行

卿等當謹奉之諸公退而愧謝公曰向蒙

論及不可自言曾得 上旨然今後更賴
諸公規益

遺事

公於用人不以名譽必求其實苟賢且才矣
必久其官衆以爲宜某職然後遷其所薦
引人未嘗知冠準爲樞密使當罷使人私
公求爲使相公大驚曰將相之任豈可求
耶且吾不受私準深恨之已而制出除準
武勝軍節度使同中書門下平章事準入
見泣涕曰非 陛下知臣何以至此 真

上 上益親厚之

聞記

諫議大夫張師德謁向文簡公曰師德兩詣
王相公門皆不得見恐爲人輕毀望公從
容明之一日方議知制誥公曰可惜張師
德向公曰何謂公曰累於 上前說張師
德名家子有士行不意兩及吾門狀元及
第榮進素定但當靜以待之耳若復奔競
使無階而進者當如何也向公方以師德
之意啓之公曰旦廁安得有人敢輕毀人
但師德後進待我淺也向公固稱師德適
有闢望公弗遺公曰第緩之使師德知聊
以戒貪進激薄俗也

遺事

真宗時王文正公爲相賓客雖滿坐無敢以
私干之者既退公察其可與言者及素知
名者使吏問其居處數月之後召與語從

張尚書知成都召還朝議以任中正代之言者以爲不可是時王文正公爲相上責問之對曰非中正不能守諫之規它人往妾有變更矣上是之言者亦伏王之能用人也

湘山野錄

以病求罷入見滋福殿真宗曰朕方以大事託卿而卿病如此因命皇太子拜公公言皇太子盛德必任陛下事因薦可爲大臣者十餘人其後不至宰相者李及凌策二人而已然亦皆爲名臣

要云神道碑○又政真宗命

太子拜旦旦惟恐走避太子隨而拜之仁宗幼年尊重大臣已如此拜

公父疾不愈上命肩輿入禁中使其子雍

與直省吏扶之見於延和殿勞勉數四命

曰卿今疾亟萬一有不諱使朕以天下事

付之誰乎公謝曰知臣莫若君惟明主擇

之再三問不對是時張詠馬亮皆爲尚書

上曰張詠如何不對又曰馬亮如何不對

上曰試以卿意言之公強起舉笏曰以臣

之愚莫若寇準上慚然有間曰準性剛

褊鄉更思其次公曰他人臣所不知也臣

病困不任久侍遂辭退公薨歲餘上卒用準爲相記聞

王太尉薦寇萊公爲相萊公數短太尉於上前而太尉專稱其長上一日謂太尉曰卿雖稱其美彼專談卿惡太尉曰理固

當然臣在相位久政事闕失必多準對

陛下無所隱益見其忠直此臣所以重準

也上由是益賢太尉初萊公在藩鎮嘗

因生日造山棚大宴又服用僭侈爲人所

奏上怒甚謂太尉曰寇準每事欲效朕

可乎太尉徐對曰準誠賢能無如駭何

上意遽解曰然此止是駭耳遂不問

記聞○又名臣遺事云寇萊公在長安因生日爲會有所過當轉運使以聞上怒以狀示公公覽狀笑曰寇準許大年

幾尚駭耶因奏請錄付準使自知過莫公皇恐待罪

陳彭年任翰林學士日求對歸詣政府公延

見之陳起呈其狀曰科場條貫公投之於

地曰內翰做官幾日待隔截天下進士陳

惶懼而退時向文簡同在中書一日陳再

來公不見曰令到集賢廳相見既而向出

陳所留文字公瞑目取紙封之向曰何不

一覽公曰不過興建符瑞圖進爾

遺事

公嘗與楊文公評品人物文公曰丁謂久遠

果何如對曰才則才矣語道則未他日在

上位使有德者助之庶得終吉若獨當權

必爲身累後謂果被流竄

遺事

上欲命王欽若作相公曰欽若遭逢陛下

恩禮已隆且乞在樞密院兩府亦均臣見

祖宗朝未嘗有南方人當國雖古稱立賢

無方然須賢士乃可臣爲宰相不敢沮抑

人此亦公議也上遂止後公罷欽若乃

相出語人曰爲王公遲却我十年作宰相

遺事

公爲兗州景靈宮朝修使內臣周懷政同行

或乘間請見公必俟從者盡至冠帶以出

見於堂隍周乃白事而退後周以事敗方

知公遠慮不涉嫌忌之間

遺事

王文正公或歸私第不去冠帶入靜室中默

坐家人惶恐莫敢見者而不知其意後公

弟以問趙公安仁趙公曰見議事公不欲

行而未決此必憂朝廷矣

名臣遺事

王文正公晚年官重每家人出賀立令止之因語其弟曰遭遇如此愈增憂懼何可賀

也公每有賜予見家人置於庭下乃瞑目

而歎曰生民膏血安用許多

名臣遺事

公事寡嫂謹與其弟旭友悌尤篤任以家事

一無所問而務以儉約率勵子弟使在富

貴不知爲驕侈兄子睦欲舉進士公曰吾

嘗以太盛爲懼其可與寒士爭進至其薨

也子素猶未官遺表不求恩澤

神道碑○又韓公別錄

云王文正母弟做不可訓一日適冬至祠家廟列百

蓋於堂前弟皆擊破之家人惶駭文正忽自外入見酒流滿路不可行俱無一言但披衣步

入堂其後弟忽感悟復爲善終亦不言

公每見家人服飾似過即瞋目曰吾門素風

一至於此亟令減損故家人或有一衣稍

華必於車中易之不敢令公見焉

遺事

有貨玉帶者公弟以呈公公曰如何弟曰甚

佳公命繫之曰還見佳否弟曰繫之安得

自見公曰自負重而使觀者稱好無乃勞

乎我腰間不稱此物亟還之故平生所服

止於賜帶

名臣遺事

王太尉不置田宅曰子子孫當各念自立何必

田宅置之徒使爭財爲不義耳

溫錄

王文正太尉局量寬厚未嘗見其怒飲食有不精潔者但不食而已家人欲試其量以少埃墨投羹中公惟啖飯而已家人問其何以不食羹曰我偶不喜肉一日又墨其飯公視之曰吾今日不喜飯可具粥其子弟想於公曰庖肉爲饔人所私食肉不飽乞治之公曰汝輩人料肉幾何曰一斤今但得半斤食其半爲饔人所瘦公曰盡一斤可得飽乎曰盡一斤固當飽曰此後人料一斤半可也其不發人過皆類此嘗宅門壞主者徹屋新之暫於廊廡下啓一門出入公至側門門低據鞍俯伏而過都不問門畢復行正門亦不問有控馬卒歲蒲辭公公問汝控馬幾時曰五年矣公曰吾不省有汝旣去復呼回曰汝乃某人乎於是厚贈之乃是逐日控馬但見背未嘗視其面因去見其背方省

談筆

公病危上臨視賜白金五千兩公召楊大年於床前作辭章既成乃自書四句云己

田宅置之徒使爭財爲不義耳

溫錄

懼多藏況無用處見謀散施以息咎殃是夕公薨文公歎曰精爽不亂如此文公因至上前語及上令內司賓取元草視之後榮國夫人謁章獻太后語曰上見公表泣下久之事

王魏公與楊文公大年友善疾篤延大年於卧內託草遺奏言忝爲宰相不可以將盡之言爲宗親求官止叙平生遭遇之意表上真宗歎惜之遽遣就第取子弟名數錄進

聞記

公端重介直操履堅正明達治體接物若甚和易而風格峻整當官涖事莊厲不可犯妙於啓奏言簡理順有識略善鎮定大事惜重名器叙進材品必使人得其所士雖拂於己者亦不以私廢公冲澹寡欲奉身至薄所居甚陋真宗嘗欲爲治之公以先人舊廬懇辭而止被服質素家人欲以繒錦飾壇席拒而不許婚姻不求門閥事寡嫂有禮與弟旭友愛甚篤

李文靖公居相位王文正公旦參預朝政一

日便殿論邊事退王文正公歎曰何日邊
候微警使吾輩得爲太平宰輔文靖公不
答至中書獨召文正公語之唯聖人能內
外無患自非聖人外寧必有內憂譬人有
疾常在目前則知憂而治之沉死子必爲
相遽與虜和親一朝疆場無事不有盤游
之樂必興土木之功矣及祥符間契丹既
脩好兵革不用近習任事之人始建議封
泰山祀汾陰築玉清昭應宮崇奉天書耗
用寢廣文正公常悒悒不自得然不忍獨
善其身以去曰誰爲國家抗群小者乃薦
先祖文靖公暨王沂公曾等二十餘人布
列于位所以小人卒不能勝而成仁宗
持盈之業文正公之勲也

呂氏家
塾記

契丹既受盟而歸寇公每有自多之色雖
上亦以自得也王欽若深患之一日從容
言於上曰此春秋城下之盟也諸侯猶
且耻之而陛下以爲功臣竊不取真
宗愀然不樂曰爲之奈何欽若度上厭
兵即謬曰陛下以兵取幽燕乃可刷耻

上曰河朔生靈始免兵革之禍吾安能爲
此可思其次欽若曰唯有封禪太山可以
鎮服四海誇示夷狄然自古封禪當得天
瑞希世絕倫之事然後可爲也旣而又曰
天瑞安可必得前代蓋有以人力爲之者
矣惟人主深信而崇奉之以明示天下則
與天瑞無異也上久之乃可然王旦方
爲相上心憚之曰王旦得無不可乎欽
若曰臣得以聖意喻旦宜無不可乘間爲
旦言之旦黽勉而從然上意猶未決莫
適與籌之者它日晚幸祕閣唯杜鎬方直
宿上驟問之曰古所謂河出圖洛出書
果何事耶鎬老儒不測上旨漫應之曰
此聖人以神道設教耳其言適與上意
會上由此意決遂召王旦飲酒於內中
歡甚賜以樽酒曰此酒極佳歸與妻孥共
之旣歸發之乃珠子也由是天書封禪等
事旣不復異議旦爲相才有過人者然至
此不能力爭議者少之蓋旦之爲人類馮
道皆儻然宰相器也道不幸生於亂世死

生之際不能自立旦事 真宗言聽諫從

安於勢位亦不能以正自終其實與道何異祥符之末每有大禮輒奉天書以行旦

爲天書使常邑邑不樂既寢疾欲削髮披緇以斂素善楊大年死後諸子欲從之大

年不可乃止雖富貴終身實不得志也

龍川志

真宗臨御歲久中外無虞與群臣燕語或勸

以聲妓自樂王文正公性儉約初無姬侍

其家以二直省官治錢 上使內東門司

呼二人者責限爲相公買妾仍賜銀三千

兩二人歸以告公公不樂然難逆 上旨

遂聽之蓋公自是始衰數歲而捐館舍初

沈倫家破其子孫鬻銀器皆錢塘錢氏昔

以遺中朝將相者花籃火箭之類非家人

所有直省官與沈氏議止以銀易之具白

於公公嘵蹙曰吾家安用此其後姻妾既

具乃呼二人問昔沈氏什器尚在可求否

二人謝曰向私以銀易之今見在也公喜

用之如素有聲色之移人如此

龍川志

歐陽公撰公神道碑銘曰烈烈魏公相我

真宗 真廟翼翼魏公配食公相 真宗

不言以躬時有大事事有大疑匪卜匪筮公爲蓍龜公在相位終日如默問其夷狄

包裹兵革問其卿士百工以職問其庶民耕織衣食相有賞罰功當罪明相所黜升

惟否惟能執其權衡萬物之平孰不事君

胡能必信孰不爲相其誰有終公薨于位

太尉之崇 天子孝思來薦清廟侑我

聖考惟時元老 天子念功報公之隆春

秋從享萬祀無窮作爲歌詩以諗廟工

五朝名臣言行錄卷第二之二

五朝名臣言行錄卷第三之一

丞相向文簡公

公名敏中字常之開封人登進士第通判吉州除左司諫知制誥權判大理寺出知廣州召還爲樞密直學士未幾拜右諫議大夫同知樞密院事咸平初以兵部侍郎叅知政事四年進同平章事出知永興軍爲鄜延路緣邊安撫使知河南府封泰山祀汾陰皆爲留守五年復拜同平章事天禧三年薨年七十二太宗飛白書張詠向敏中二人名付中書曰二人者名臣爲朕記之向公自貟外郎爲諫議知樞密院止百餘日咸平四年除平章事後坐事出知永興駕幸澶淵手賜密詔盡付西鄙得便宜從事公得詔藏之視政如常會邦人大憐有告禁卒欲倚憐爲亂者密使麾兵被甲衣袍伏廡下幕中明日盡召賓僚兵官置酒縱閱無一人預知者命憐入先令馳騁於中門外後召至階公振袂一揮伏卒齊出盡擒之果各懷短

刃即席誅之勦訖屏屍亟命灰沙埽庭張樂宴飲賓從股慄歸田

真宗時向文簡除右僕射麻下日李昌武爲翰林學士當對上謂之曰朕自即位以來未嘗除僕射今日以命敏中此殊命也敏中應甚喜對曰臣今日早候對亦未知宣麻不知敏中何如上曰敏中門下今日賀客必多卿往觀之明日却對來勿言朕意也昌武候丞相歸乃往見丞相方謝客門闈悄然無一人昌武與向親徑入見之徐賀曰今日聞降麻士大夫莫不歡慰朝野相慶公但唯唯又曰自上即位未嘗除端揆此非常之命自非勲德隆重眷倚殊越何以至此公復唯唯終不測其意又歷陳前世爲僕射者勲勞德業之盛禮命之重公亦唯唯卒無一言旣退復使人至庖厨中問今日有無親戚賓客飲宴者亦寂無一人明日再對上問昨日見敏中之意何如乃具以所見對上笑曰向敏中大耐官職

談筆

向相在西京有僧暮過村民家求寄止主人不許僧求寢於門外車箱中許之夜中有盜入其家自牆上扶一婦人并囊衣而出僧適不寐見之自念不爲主人所納而強求宿今主人亡其婦及財明日必執我詣縣矣因夜亡去不敢循故道走荒草中忽墮眢井則婦人已爲人所殺先在其中矣明日主人搜訪亡財及子婦屍得之井中執以詣縣掠治僧自誣云與子婦姦誘與俱亡恐爲人所得因殺之投井中暮夜不覺失足亦墮其中贓在井傍亡失不知何人所取獄成言府府皆不以爲疑獨敏中以贓不獲疑之引僧詰問數四僧服罪但言某前生當負此人死無可言者敏中固問之僧乃以實對敏中因密使吏訪其贓吏食於村店店嫗聞其自府中來不知其吏也問之曰僧某者其獄何如吏給之曰昨日已笞死於市矣嫗嘆息曰今若獲賊則何如吏曰府已誤決此獄矣雖獲賊亦不敢問也嫗曰然則言之無傷矣婦人者

乃此村少年某甲所殺也吏曰其人安在嫗指示其舍吏就舍中掩捕獲之案問具服并得其贓一府咸以爲神聞記敏中爲柴氏所訟罷相出鎮時舊相出鎮者多不以吏事爲意冠萊公雖有重名所至之處終日遊宴所愛伶人或付與富室輒厚有所得然人皆樂之不以爲非也張齊賢儻蕩任情獲劫盜或時縱遣之所至尤不治上聞之皆不以爲善唯敏中勤於政事所至著稱上曰大臣出臨四方唯向敏中盡心於民事耳於是有復用之意會夏州李繼遷末年兵敗被傷爲潘華支阿夷小字自度孤危且死屬其子德明納款上亦欲息兵乃自也繼遷卒德明納款上亦欲息兵乃自永興徙敏中知延州受其降事畢徙知河南府東封西祀皆以敏中爲東京留守西祀還遂復爲相薨於位聞記公性端厚明辨遇事敏速曉民政識大體判大理寺時沒入祖吉贓錢分賜法吏公引

鍾離意委珠事獨不受知廣州至荆南即

三之二

參政陳晉公

市南藥以徃在官一無所須以廉清聞在
審院時西北用兵道路斥候走集之所罔
不周知密靜遠權累在衡軸門無私謁諸
子不令釐務雖當大事若已不預焉審於
采拔不妄推薦時以重德目之

知咸平五年貢舉所取士甚少而以王
曾爲首時議稱之薨年五十九

尚書左丞陳公恕峭直守公性靡阿順懇領
計司多歷年所每便殿奏事 太宗或未
深察必形謂讓公歛板跋縮退至殿壁負
牆而立若無所容俟 帝意稍解復進懇
執前奏終不改易如是或至三四 上以
其忠亮多從其議故當時言稱職者公爲
之首王沂公

陳恕長於心計爲鹽鐵使釐去宿弊大益興
利 太宗深器之嘗御筆題殿柱曰真鹽
鐵陳恕

陳晉公爲三司使將立茶法召茶商數十人
俾各條利害晉公閱之第爲三等語副使

宋太初曰吾觀上等之說取利太深此可行於商賈而不可行於朝廷下等固滅裂無取唯中等之說公私皆濟吾裁損之可以經久於是始爲三說法行之數年貨財流通公用足而民富實世言三司使之才以陳公爲稱首後李侍郎詰爲使改其法而茶利浸失後雖屢變然非復晉公之舊法也

筆錄

陳晉公自升朝入三司爲判官既而爲鹽鐵使又爲總置使洎罷參政復爲三司使首尾十八年精於吏事朝廷藉其才晚年多病乞解利權真宗諭曰卿求一人可代者聽卿去是時寇萊公罷樞密使歸班晉公即薦以自代真宗用萊公爲三司使而已晉公爲集賢學士判院事萊公入省檢尋晉公前後改革興立事件類爲方冊及以所出榜示別用新板題遍躬至其第請晉公判押晉公亦不諱一一與之押字旣而萊公拜於庭下而去自是計使無不循其舊貫至李諮爲三司使始改茶法而

晉公之規模漸革向之榜示亦稍稍除削今則無復存者矣

筆錄

陳恕爲三司使真宗命具中外錢穀大數以聞恕諾而不進久之上屢趣之恕終不進上命執政詰之恕曰天子富於春秋若知府庫之充羨忍生侈心是以不敢進上聞而善之

筆錄

陳恕領春官以王沂公爲舉首歲中技劉子儀于常選自云吾得二俊名世才是不如愧於知人楊文公以爲然謂王揚休山立宗廟器也

筆錄

公精於吏理深刻少恩性公直人不敢干以私頗獵史傳多識典故前後掌利柄十餘年強力幹事胥吏畏服有稱職之譽善談論聽者忘倦素不喜釋氏嘗請廢譯經院辭甚激切真宗曰三教之興其來已久前代毀之者多矣但存而不論可也張忠定公閱邸報忽再言可惜許門人李畋請問之曰參政陳左丞恕無也斯人難得唯公唯正爲國家斂怨於身斯人難得退

爲詩哭之

承崖
詒錄

三之三

世稱陳恕爲三司使改茶法歲計幾增十倍

子爲三司使時考其藉蓋自景德中北戎入寇之後河北耀使之法蕩盡此後茶利十喪其九恕在任值北虜講解商人頓復歲課遂增雖云十倍之多考之尚未盈舊額至今稱道蓋不虞之譽也

談筆

尚書張忠定公

公名詠字復之濮州鄄城人舉進士中第知郢州崇陽縣歷通判轉運使入爲樞密直學士同知銀臺通奏封駁司出知益州咸平初召還爲戶部使改御史中丞出知杭州徙永興軍五年再知益州還朝未幾出知昇州秩滿州民借留就轉工部尚書再任仍充昇宣十州宣撫使代還不能朝復求領郡命知陳州八年卒年七十

公少倜儻有大志尚氣節重然諾爲學必本仁義不喜浮靡太平興國四年秋與忠愍寇公同赴大名舉議將首薦公公以同郡張覃素有文行即率寇公上書請以覃爲冠一府欽歎遂如公言士論多之

韓魏公撰
神道碑

公令崇陽民以茶爲業公曰茶利厚官將推之不若早自異也命拔茶而植桑民以爲苦其後摧茶他縣皆失業而崇陽之桑皆已成其爲絹而北者歲百萬匹其富至今

始令下唯通一鄉不變其後別自爲縣

民亦貧至今也

談

公在崇陽嘗坐城門下見里人有負菜而歸者問何從得之曰買之市公怒曰汝居田里不自種而食何惰邪笞而遣之

談

公在銀臺時張永德爲并代帥小校犯法杖之而死有詔按罪公封還詔書曰永德方被邊寄若責一小校遂推辱之臣恐帥體輕而小人慢上矣不納既而果有營卒脅刺其大校者上始寤公言面加慰勞

碑道

淳化四年冬東西兩川旱民飢吏失救卹寇大起五年正月賊首李順陷成都府詔遣昭宣使王繼恩充招安使率兵討之復命公知成都府事五月繼恩破賊收成都上留公至秋始遣行時關中率民負糧以餉川師道路不絕公至府問城中所屯兵尚三萬人而無半月之食公訪知鹽價素高而廩有餘積乃下其估聽民得以米易鹽於是民爭趨之未踰月得米數十萬斛軍中喜而呼曰前所給米皆雜糠土不可

食今一一精好此翁真善幹國事者公聞而喜曰吾令可行矣時益雖收復諸郡餘寇尚充斥繼恩恃功驕恣不復出兵日以娛燕爲事軍不戢往往剽奪民財公於是悉擒招安司素用事吏至廷面數其過將盡斬之吏皆股栗求活公曰汝帥聚兵玩寇不肯出皆汝輩爲之今能亟白乃帥分其兵尚可免死吏呼曰唯公所命兵不分願就戮公釋之繼恩即日分兵鄰州當還京師者悉遣之不數日減城中兵半既而諸軍請食馬芻粟公命以錢給之繼恩詒曰馬不食錢給錢何也公聞召繼恩謂曰今賊餘黨所在尚多民不敢出招安使賴兵城中不即討芻粟民所輸今城外皆寇也何由得之繼恩懼即時出城討賊公計軍食有二歲備乃奏罷陝西運糧上喜曰向益州日以乏糧爲請詠至方踰月已有二歲備此人何事不能了朕無慮矣公以順黨始皆良民一旦爲賊脅從復其間有疲弱偶挂盜籍者當示以恩信許其自

新即揭榜諭之已而首者相踵公皆釋其罪使歸田里一日繼恩械賊數十人請公

行法公詢之悉皆前所自首者復縱之繼恩恚而問公公曰前日李順脅民爲賊今

日僕化賊爲民不亦可乎公度繼恩日橫不能改亟以狀聞願選忠實可倚者與繼

恩共事上乃命入內內侍省押班衛紹欽充同招安使自是繼恩兜勢爲屈未幾

二人者皆召歸就以劔門關總管上官正爲招安使順之餘黨公撫安于內正擒討

于外再閱月而兩川平

碑神道

三年秋西川都巡檢使韓景祐爲所部廣武

卒劉旰所逐率衆掠懷安軍破漢州公方與僚屬會大慈寺報至飲燕如故舉城憂

之賊又掠邛蜀將趨益公適會客報者愈急公復不問其夕始召上官正謂曰賊始

發不三四日破數郡勢方銳不可擊今人得所掠氣驕敢逼吾城乃送死耳請出兵

比至方井當遇賊破之必矣正即受教及行公爲出送于郊激其盡力正至方井果

遇賊一戰斬旰首餘黨盡平衆益服公料

敵制勝人所不及

益州有巡檢所領龍猛軍人

裨爲群盜龍猛軍者本皆募群盜不可制者充之標悍善鬪連入數州俘掠而去蜀人大恐詔一日召鈴

轄以州牌印付之鈴轄愕然請其故詔曰今盜勢如此而鈴轄晏然安坐無討賊心是以欲令詔自行也

鈴轄宜攝州事詔將出討之鈴轄驚曰某今行矣詔曰何時曰即今詔預左右張酒具於城西門之上曰

鈴轄將出吾今餉之鈴轄不得已勸兵出城與餉於

城上酒數行鈴轄曰某願有謁於公詔曰某所求

所求兵糧皆應副之詔曰諾老夫亦有謁鈴轄曰

何也詔曰鈴轄今性必誠誠若無功而返必斷頭於此樓之下矣鈴轄震懼而去既而與賊遇果敗士衆皆還走幾十里鈴轄召其將校告之曰觀此翁所爲真斬我不爲異也遂復

進力戰大破之賊遂平

詔曰鈴轄今性必誠誠若無功而返必斷頭於此樓之下矣鈴轄震懼而去既而與賊遇果敗士衆皆還走幾十里鈴轄召其將校告之曰觀此翁所爲真斬我不爲異也遂復

罰至當相顧歡躍

詔

公性剛毅寡欲唯著皂綺袍角帶不事外飾

因責決一吏彼枝詞不伏公曰這的莫要

劍喫彼云決不得喫劍則得公牽出斬之

以徇軍吏愕眙相顧自是俱服公之威信

令出必行

錄語

初知益州斬一猾吏前後郡守所倚任者吏稱無罪公封判令至市曹讀示之旣聞斷

辭告市人曰爾輩得好知府矣蓋李順嘗有死罪繫獄此吏故縱之也

見語錄

時有僧行止不明有司執之以白公公判其牒曰勘殺人賊旣而案問果一民也與僧同行於道中殺僧取其祠部戒牒三衣因

自披剃爲僧寮屬問公何以知之公曰吾

見其額上猶有繫巾痕也

附記

主帥帳下寵卒恃勢嚇民暴取財物民有訴者其人縛城夜遜公差衙校往捕之戒曰爾於擒得處則渾衣撲入井中作逃走投井申來是時群黨恇恇知其已投井故無

它議又免與主帥有不協名

錄語

時民間訛言云有白頭老翁午後食人男女郡縣詭謠至暮路無行人公召羣浦知縣謂曰近訛言惑衆汝歸縣去訪市肆中歸明人尚爲鄉里患者必大言其事但立證解來明日果得之送上州公遂戮于市即

日帖然夜市如故公曰妖訛之興冷氣乘之妖則有形訛則有聲止訛之術在乎識斷不在乎厭勝

錄語

李順黨中有殺耕牛避罪亡逃者公許其首身拘母十日不出釋之復拘其妻一宿而來公斷云禁母十夜留妻一宵倚門之望何踈結髮之情何厚舊爲惡黨今又逃亡許令首身猶尚顧望就市斬之於是首身者繼至並遣歸業民悉安居

錄語

乖崖守蜀兵火之餘人懷反側一日合軍旅大開始出衆遂嵩呼者三乖崖亦下馬東北望而三呼復攬轡行衆不敢謹或以此事告韓魏公公曰當是時琦亦不敢措置

史鑑

李順王均亂蜀張公鎮成都一日見一卒抱小兒在廊下戲小兒忽怒批其父張公見之集衆語曰此方悖逆乃自習俗幼已如此況其長成豈不爲亂遂令殺之數日間又一卒相歐公問知其一乃上名遂斬次卒自是一軍肅然

史危

公前後治益愛利之政不可悉紀舉其大者則公嘗以蜀地素狹游手者衆事寧之後生齒日繁稍遇水旱則民必艱食時米斗直錢三十六乃按諸邑田稅如其價歲折米六萬斛至春籍城中細民計口給券俾輸元佑禍之奏爲永制逮今七十餘年雖

時有災饉米甚貴而益民無餒色者公之賜也蜀風尚侈好邀樂公從其俗凡一歲

之內游觀之所與夫飲饌之品皆著爲常法後人謹而從之則治違之則人情不安輒以累罷去袖道碑○又語錄云依當時米價三十六十文科折米一斗與此不同百六十文科折米一斗與此不同

公允有興作先帖諸縣於民籍中係工匠者具帳申來分爲四番役十日滿則罷去夏則卯入午歇一時冬抵莫放各給木札一牒以禦寒工徒皆悅有一瓦匠因雨乞假

公判云天晴蓋瓦雨下和泥事雖至微公俱知悉史包公採訪民間事無遠近悉得其實蓋不以耳目專委於人公曰彼有好惡亂我聰明但各於其黨詢之再詢則事無不審矣李畋

問其旨公曰詢君子得君子詢小人得小人各就其黨詢之雖事有隱匿者亦十得八九矣錄語

公寢室中張燈炷香通夕宴坐郡樓上鼓番漏水歷歷分明儻一刻差誤必詰之守籤者指名伏辜謂公爲神明公曰鼓角爲中軍號令號令在前尚不分明其餘外事將如何也錄語

公有清鑒善臧否人物凡所薦辟皆方廉恬退之士嘗曰彼好奔競者將自得之何假吾舉袖道碑○又語錄云轉運黃虞部好舉時才之士公勸曰大凡舉人須舉好退者好退者廉謹知耻若舉之則志節愈堅少有敗事莫舉奔競者奔競者能曲事諂媚求人知己若舉之必能矜才好利累及舉官故不少矣其人既解奔競又何須舉他

益不貢士者幾二十年學校類替公察郡人張及李畋張遠者皆有學行爲鄉里所服遂延獎加禮敦勉就舉後三人悉登科歷美官於是兩川學者知勸文風日振又湘山野錄云初蜀人雖知向學而不樂仕官公察其有關於錄云公問李畋曰子同人中有善講習者否畋曰又從容歎曲故公於民情无不察亦三人伍也○又錄云公對公遂辟充州學主諸生受業者五十餘人每休務日就學置酒以勤勞之自彌蜀人不以同門生劉式對公遂辟充州學主諸生受業者五十

千里為遠來
學者甚衆

忠定公每斷事有情輕法重情重法輕者必爲判語讀以示之蜀人鏤版謂之戒民集大抵以敦風俗篤孝義爲本也

湘山野錄

公在杭有富民病將死子方三歲乃命其婿

碑道

塘十萬家餓殍如此若鹽禁益嚴則聚而爲盜患益甚矣俟秋成敗爾當痛以法繩之境內卒以無擾

碑道

齊賢呼參知政事溫仲舒爲鄉弟及它語鄙甚公以非所宜言失大臣體遂彈奏之齊賢深以爲恨後於上前短公曰張詠本無文凡有申奏皆婚家王禹偁代爲之禹偁前在翰林作齊賢罷相麻詞其辭醜詆故齊賢兩欲中傷之公聞自辨上曰卿平生著述幾多可進來公遂以所著進

上閱於龍圖閣未竟賜坐上曰今日暑甚頑黃門於御几取常所執紅銷金龍扇賜公且稱文善公起再拜乃納扇於几上曰便以賜卿美今日獻文事

澠水燕談

初公之自蜀還也詔以諫議大夫牛冕代公公聞之曰冕非撫御才其能綏輯乎始踰年果致神衛大校王均之亂逐冕據益州後雖討平之而民尚未寧會益守馬公知節徙延安上以公前治蜀長於安集威惠在人復以公爲樞密直學士遷刑部侍郎知益州事蜀民聞之皆鼓舞相慶如赤

公知杭州事時歲飢民冒禁販鹽捕獲者數

碑道

子久失父母而知復來鞠我也公知民信

公周翰覽而歎曰二百年來不見此作矣

公文章雄健有氣骨稱其爲人嘗爲聲賦梁

碑道

公知杭州事時歲飢民冒禁販鹽捕獲者數

已易嚴以寬凡一令之下人情無不慰懥
蜀部復大治轉運使黃觀以政述聞賜詔
加獎就改吏部侍郎命謝濤巡撫于蜀
上遣濤諭公曰得卿在蜀朕不復有西顧
之憂因詔公與濤議鑄景德大鐵錢于嘉

邛州一當小鐵錢十銅錢一于今便之

碑神道

公問李畋曰百姓果信我否對曰侍郎威惠
及民民皆信服公曰前一任則未也此一
任應稍稍爾秀才只此一箇信五年方得

成

錄語

時金陵多火災居者不安公廉知皆奸民所
爲潛捕得之乃命先折其脰斬之以徇火
患遂絕

碑神道

有范延貴者爲殿直押兵過金陵張忠定公

爲守因問曰天使汝路來還曾見好官員

否延貴曰昨過袁州萍鄉縣邑宰張希顏

者雖不識之知其好官員也公曰何以言

之延貴曰自入縣境驛傳橋道皆完葺田

菜墾闢野無惰農及至邑則壘肆無賭博

市易不敢譖爭夜宿邸中聞更鼓分明以

是知其必善政也公大笑曰希顏固善矣
天使亦好官員也即日同薦於朝希顏後
爲發運使延貴亦爲閭門祗候皆號能吏
也

東軒筆錄

忠定公自金陵入苦腦疽未陛見御史閭門
累奏 上寬其告俾養疾公恨不得面陳

所懷乃抗論近年虛國家帑藏竭生民膏
血以奉無用之土木者皆賊臣丁謂王欽
若啓 上侈心之所爲也不誅死無以謝

天下

章三上不報出知陳州

真宗嘗稱水

其材任將帥以疾不盡其用深嘆惜之

燕談○又記聞所載與此大同但云乞斬丁謂頭置於國門以謝天下然後斬詠頭於丁氏之門以謝

丁謂上亦不罪焉○又談叢云公疾既愈上使

中人性問將召之也丁謂以白金千兩賂使者還言

如故乃不召

公在陳一日方食邸報至公且食且讀既而

抵案慟哭久之哭止復彈指久之彈止罵

詈久之乃丁晉公逐萊公也公自知禍必

及已乃延三大戶於便坐與之博袖間出

彩骰子勝其一坐乃買田宅爲歸計以自
汙晉公聞之亦不害也余謂此智者爲之

賢者不爲也 賢者有義而已 寧避禍哉 禍
豈可避耶

談叢

公早學劍遂精其術兩河間人無敵者生平
勇於爲義遇人艱急苟情有可哀必極力
以濟無所顧惜神道碑○又蒙求曰張詠少學擊
劍樂爲奇節有士人遊官遠郡爲取
機夫持其不法事恐之且欲其女爲妻即止歲久益
憲橫不能制詠寓於博舍知其事即陽假此僕爲取
單騎出城至林麓中斬之而還
相傳此事是舉進士時史不言

公之當官凡所施設動有遠識始時人或不
能測其後卒有大利民感無窮至自奉養
逮于服玩之具則寡薄儉陋雖寒士不若
也公退闥靜室焚香燕坐聚書萬卷往往
手自校正旁無聲色之好

神道碑○又語錄
六公寢室中無侍婢

婢服玩之物聞如也李畋嘗侍坐廡下因謂公
室不如公哂曰吾不爲輕肥爲官以至此吾從年及
第後以詩寄傅霖送人云前年失脚下漁磯苦戀明
時未得歸寄語渠由莫相笑此心不是愛輕肥豈今
日之言也○東軒筆錄云王均李順之亂凡官於蜀
者多不挈家以行張益州單騎赴任官屬憚其
嚴峻莫敢蓄婢使者公不欲絕人情遂自買一婢以
侍巾拂自此官屬稍稍置婢侍矣公在蜀四年被召
還闕呼婢父母出背以嫁之仍歎女也公在蜀一日
有術士上謁自言能禳求爲白金公即市求百兩俾
其腹曰充大慈寺殿上公用送寺中以酒醴遺術者
而謝之

公天賦正直濟以剛果始終挺然無所屈撓

公曰事君者廉不言貧勤不言苦忠不言已

自力學筮仕則有澤及天下之心而以富
貴爲薄逸人傳霖高蹈之士與公素善公
嘗與夜會劇談時諸鄰多病瘧者一夕頓
愈嘗訪三峯陳先生搏一見公厚遇之顧
謂弟子曰此人於名利澹然無情達必如
公卿不達則爲帝王師其爲高人推崇如
此神道碑○又語錄云公少時謁華山陳圖南遂欲
隱居圖南曰公方有官職未可議此其勢如失火
家待君投火豈可不赴也

效公不言已能斯可以事君矣

錄語

公謂李畋曰大小之事皆須用智智猶水也不流則腐若凡百不用智臨大事之際寧

有智來

錄語

公曰爲政之道府吏曰治未也庶民曰治未

也僧道曰治未也未若識見無私學古之

士曰治斯治矣

錄語

公曰臨事有三難能見一也見而能行二也當行必果決三也

錄語

公謂李畋曰子還知公事有陰陽否對曰未

也曰凡百公事未著字前則屬陽陽主生

也通變由之著字後屬陰陰主刑也刑貴

正名名不可改

錄語

公謂李畋曰子異日爲政信及於民然後教

之言及於義然後勸之動而有禮然後化

之靜而無私然後民安而樂業矣行斯四

者在乎先率其身不然則民退必有後言

矣又曰子見舊政之獎其大者卒不須革

觀覺而動乘而革之雖痛繩以法亦怨不

生也

李畋苦病旣瘳請謁公曰子於病中曾得移

心法否對曰未也公曰人能於病中移其

心如對君父畏之敬之靜久自愈

錄語

王陶云臨川晏詹嘗爲余言張公自蜀還對

真宗言蜀中兵亂朝廷處置緩急有失

幾宜者因言如王旦乃太平宰相爾真

宗默然它日御便殿召公對謂公曰王旦

真太平宰相也仰視殿廊無它言公遂退

夫一語不合大功盡棄人之爲言固難矣哉

蘇軾書公帖後云以寬得愛愛止於一時以

嚴得畏畏止於力之所及故寬而見畏嚴

而見愛皆聖賢之難事而所及者遠矣張

忠定公治蜀用法之嚴似諸葛孔明諸葛

孔明與公遺愛皆至今蓋尸而祝之社而

稷之也

三之四

樞密馬正惠公

公名知節字子元幽州薊人父全義從

太祖定天下力戰有功卒公年七歲

太祖召見禁中賜名補官歷典數郡景

德中擢檢校太保簽書樞密院事進樞

密副使出知天雄軍召知樞密院事出

知貝州卒年六十五

開寶五年公年十八監彭州兵馬以嚴飭見

憚如老將太平興國三年領兵戍秦州清

永薦人李飛雄乘驛稱詔捕公及秦隴巡

檢劉文裕等將繫之秦州劫獄囚盜庫兵

以反公辨其詐與文裕執飛雄治殺之王

公撰碑神道

雍熙二年監博州兵馬時劉廷諱敗於君子

驛而契丹歸矣公方料丁壯集芻糧繕城

治械如寇至吏民初不悅其生事也已而

契丹果至度不可攻乃去

碑神道

知定遠軍時議發河南十三州之民轉饑河

北公告轉運使樊知古此軍聚兵少而積

粟多斂其窩尚可得十七知古用此得粟五十萬斛以罷河南之役事聞朝廷太宗嘉之

碑神道

李順之亂公討平劒州召還至三泉而復以

公與王繼恩討賊繼恩怒公抗直使守彭

州盡收其軍而與之羸卒三百賊率其衆

至號十萬公力戰一日亡其卒太半乃夜

獨出招救兵復入賊以敗去

碑神道

蜀卒劉旰聚黨數千人爲亂所攻數州至輒

取之公以卒三百追至蜀州與戰旰走邛

州而招安使上官正召公歸成都計事公

爲正畫曰賊破邛州必乘勝薄我我軍雖

倍未易敵也不如迎其弊急擊破之必矣

遂行次方井與正合殺旰等無噍類

碑神道

知秦州諸羌質子有三十年不釋者公悉歸

之諸羌德公訖公去無一人犯塞

碑神道

知成都府有告騎士謀爲變者所引以千數

公捕殺其首七人而置其餘無所問自乾

德後歲漕蜀物以富人爲送吏多坐漂失

籍其家公奏擇三班使臣及三司軍大將

代之而課其漕事爲賞罰至今便之

碑神道

儒者所與善必一時豪傑有集二十卷其

知延州至郡羌方以兵觀邊會上元開門張燈視以無爲而羌卒不能爲寇

碑神道

又移知鎮州會契丹入邊自澶以北城郭皆

畫閑詔使過公輒留之而募人間行送詔

皆得其報以聞又以便宜使所至受諸漕

輓給邊之物故契丹欲虜掠無所得車駕

次澶州大將王超提卒數十萬逗留不赴

公屢趣之乃出師猶辭以中渡無橋至則

公先已度村一夕而橋就

碑神道

上聞手詔褒

之且知公果可以屬大事也

祥符元年東封泰山以爲行宮都總管自此

行幸必以公爲都總管許以專殺公部分

明約束審出入肅然而未嘗輒戮一人

碑神道

邊將言契丹近塞大臣議皆請發兵以備公

獨議使邊將移書問狀從之契丹解去

碑神道

除樞密副使當是時契丹已盟大臣方言符

瑞而公每不然之獨常從容極言天下雖

安不可忘戰去兵之意及它爭議甚衆

真宗多以公言爲是

碑神道

公少慷慨以武力智謀自喜又能好書賓友

自始仕以至登用遇事謇謇未嘗有所顧憚

王冀公丁晉公用事每廷議得其不直輒

面詆之真宗初或甚忤然終以此知公

而天下至今稱其正直

碑神道 真宗末王欽若每奏事

或懷數奏出其一二其餘皆匿之既退以己意稱聖

旨行之嘗與馬知節俱奏事上前欽若特退知節

目之曰懷中奏何不盡出之又王文正遺事曰樞

密劄子莫讀官家馬公退見王文正公詞色尚怒因

語公曰諸子上前議論如此知節變歛以笏擊死

之但恐驚動君相耳公歛撫久之

馬公方直惟公力保庇於上前

真宗東封泰山車駕發京師上及從官皆

蔬食封禪禮畢上勞宰臣王旦等曰卿

等久食蔬不易旦等皆再拜馬知節獨進

言蔬食者唯陛下一人耳王旦等在道

與臣同次舍無不私食肉者於是旦等皆

再拜曰誠如知節之言

碑記

三之五

樞密曹武穆公

公名瑄字寶臣武惠王之子以父任補西頭供奉官閣門祗候知渭州真宗即位遷西上閭門副使徙鎮戎軍爲環慶鈴轄兼知邠州徙真定鈴轄復爲涇原鈴轄兼知渭州移知秦州兼緣邊安撫使天禧中爲鄜延路副都總管拜宣徽北院使簽書樞密院事除南院使環慶路都總管安撫使乾興初謫左衛大將軍知萊州復華州觀察使知青州徙天雄永興軍拜昭武軍節度使知真定府定州都總管天聖八年薨年五十八嘉祐中詔配享 真宗廟庭

後更盛強無以息民當是時朝廷欲以恩致德明寢其書不用而河西大族延家妙娥等遂拔其部人來歸諸將猶豫未知所以應公曰德明野心去就尚疑今不急折其羽翮而長養成就之其飛必矣即自將騎士入天都山取之內徙德明由此遂弱而至死不敢窺邊王荆公撰行狀

曹南院知鎮戎軍日嘗出戰小捷虜兵引去瑄偵虜兵去已遠乃驅所掠牛羊輜重緩驅而還頗失部伍其下憂之言於瑄曰牛羊無用徒糜軍不若棄之整衆而歸瑄不答使人候虜兵去數十里聞瑄利牛羊而師不整遽還襲之瑄愈緩行得地利處乃止以待之虜軍將至近使人請之曰蕃軍遠來必甚疲我不欲乘人之怠請休憩士馬少選決戰虜方苦疲甚皆欣然嚴軍歇良久瑄又使人諭之歇定可相馳矣於是各鼓軍而進一戰大破虜師遂棄牛羊而還徐謂其下曰吾知虜已疲故爲貪利以誘之比其後來幾行百里矣若乘銳便戰臣狼顧而西憂方其國危子弱不即捕滅

猶有勝負遠行之人若小憇則足痺不能立人氣亦闌吾以此取之

筆談

行

知渭州公乃圖涇原環慶兩路山川城郭戰

守之要以獻 真宗留其一樞密院而以

其一付本路使諸將出兵皆按圖議事

行

秦西南羌唃廝囉宗哥立遵始大遵獻方物

求稱贊普公上書言夷狄無厭一足其求

必輕中國大臣方疑其事會得公書遂不

許而猶以爲保順軍節度使公曰我狃遵

矣又將爲寇吾治兵以俟爾遵使其舅賞

樣丹招熟戶郭廝敦爲鄉導公即誘樣丹

捕廝敦而許以一州樣丹終殺廝敦公遂

奏以爲潁州刺史而樣丹亦舉南市城以

獻先是張吉知秦州生事熟戶多去爲遵

耳目及公誅樣丹即皆惶恐避逃公許之

入贖自首還故地而至者數千人後遂帖

服皆爲用至明年唃遵果悉衆號十萬寇

三都公帥三將破之追北至沙州所俘斬

以萬計事聞除客省使康州防禦使其後

又破滅馬波叱臘鬼留等諸羌唃遵遂以

窮孤逃入磧中而公斥境隴上置弓門威

遠九十寨自是秦人無事矣

行

曹侍中將薨 太宗親臨視之間以後事對

曰臣無事可言固問之對曰臣二子璵與

璫材器有取臣若內舉皆堪爲將 上問

其優劣對曰璵不如璫已而果然璫知秦

州嘗出巡城以城上遮箭版大高召主者

令下之主者對曰舊如此久矣璫怒曰舊

固不可改邪命牽出斬之僚佐以主者老

將諳兵事罪小宜可赦皆諫璫不聽卒

誅之軍中憚伏西蕃犯塞候騎報虜將至

璫方飲酒自若頃之報虜去城數里乃起

貫戴以帛纏身令數人引之身停不動上

馬出城望見虜陣有僧奔馬往來於陣前

檢校璫問左右曰彼布陣乃用僧邪對曰

不然此虜之貴人也璫問軍中誰善射者

衆言李超璫即呼超指示之曰汝能取彼

否對曰憑太保威靈願得十五騎裏送至

虜陣前可以取之璫以百騎與之勑曰不

獲而返當死遂進至虜陣前騎左右開超

射之一發而斃於是虜鳴笳嘯而遁璫以

大軍乘之虜衆大敗出塞窮追俘斬萬計改邊鑿壕西蕃由是畏服至今不敢犯塞每言及璫則加手於頂呼之爲父云璫在秦州有士卒十餘人叛赴虜中軍吏來告璫方與客奕棋不應軍吏亟言之璫怒叱之曰吾固遣之去汝再三顯言邪虜聞之亟歸告其將盡殺之聞記

曹太尉璫知秦州立邊內寇是時公方灼灸才數壯猝起應敵指揮號令及事定久之瘡愈癥大數寸蓋用力氣使然也曹公在邊蕃部有過惡者皆平定之每以錢將官爲名出郊而兵馬次序以食品爲節若曰下某食即某隊發比至水飯則捷報至矣大帥料敵當如此東齋記事

曹璫之守秦州也州之西止於文盈關關之所在最爲要害關之左右皆蕃族也璫以恩信結之咸爲之用故秦州每歲出兵以守文盈而已所守既寡則州兵雖少而足用糧草可以自給自後帥臣守其舊規不

敢增改龍川志

公爲將幾四十年用兵未嘗敗衄尤有功於

西方舊羌殺中國人得以羊馬贖死如羌

法公以謂如此非所以尊中國而愛吾人奏請不許其贖又請補內附羌百族以上

爲軍主假以勳階爵秩如王官至今皆爲成法陝西歲取邊人爲弓箭手而無所給

公以塞上廢地募人爲之若干畝出一卒若干畝出一馬至其種斂爲發州兵戍守

至今邊賴以實所募皆爲精兵璫募弓箭手使馳射校強

弱勝者子田二頃再更秋課市一馬馬必勝甲以下圓爲一指揮官籍之則加田二十畝至三百人以上圓爲方田環之丘馬杜擇要害處爲禁堡使自墮其地爲方田環之丘馬杜一馬死衆爲出錢市馬開邊濠率令深廣丈五尺山險不可墮者因其峭絕治之使足以限虜後皆爲法在渭州取隴外籠干

川築城置兵以守曰後當有用此者及李元昊叛兵數出卒以籠干爲德順軍而自

隴以西公所措置人悉以爲便也自三都之戰威震西海唃廝囉聞公姓名即以手加額在天雄契丹使過魏地輒陰勒其從人無得高語疾驅至多憚公不敢仰視契丹旣請盟真宗於兵事尤所重即有邊

奏手詔誥難至十餘反而公每守一議終無以奪 真宗後愈聽信有論邊事者往往密以付公可否行狀

公在西府丁謂用事稍除不附已者既貶寇萊公指公爲黨出公環慶又降知萊州公自知宿將爲謂所忌恐益爲竒中即日上道從弱卒十餘人不以弓韁矢箇自隨行狀

天雄卒有犯法衆謂獄具必殺之公乃處以常法或以爲疑公笑曰臨邊對敵斬不用命者所以令吾衆非喜殺也平時治內郡安事此乎初守邊時山東知名士賈同造公客外舍公欲按邊即同舍邀與俱同問從兵安在曰已具旣出就騎見甲士三千列立人音不徹舍同歸語人曰瑋果名將也公爲將不如其父寬然自爲一家去公好讀書所如必載書數兩兼通春秋公羊穀梁左氏傳而尤熟於左氏行狀

寶元中王忠穆公爲樞密使河西首領趙元昊叛 上問邊備輔臣皆不能對明日樞密四人皆罷忠穆謫虢州翰林學士蘇公

儀與忠穆善出城見之忠穆謂公儀曰鬷之此行前十年已有人言之公儀曰必術士也忠穆曰非也昔時爲三司鹽鐵副使疏決獄囚至河北是時曹南院自陝西謫官初起爲定帥鬷至定治事畢瑋謂鬷曰決事已畢自此當還明日願少留一日欲有所言鬷旣愛其雄材又聞欲有所言遂爲之留明日具饌甚簡儉食罷屏左右曰公滿面權骨不爲樞輔即邊帥或謂公當作相則不然也然不十年必摠樞柄此時西方當有警公宜預講邊備蒐閱人材不然無以應卒鬷曰四境之事惟公知之何以見教曹曰瑋在陝西日河西趙德明嘗使人以馬博易于中國怒其息微欲殺之莫可諫止德明有一子方年十餘歲極諫不已曰以戰馬資鄰國已是失計今更以貨殺邊人則誰肯爲我用者瑋聞其言私念之曰此子欲用其人矣是必有異志聞其音往來乎市中瑋欲一識之屢使人誘致之不可得乃使善畫者圖其貌旣至觀

之真英物也此子必須爲邊患計其時節

正在公秉政之日公其勉之

是時殊未以爲然今知其所盡乃元昊也

談筆

五朝名臣言行錄卷第四之一

丞相畢文簡公

公名士安字仁叟代州雲中人乾德四

年舉進士歷知台饒乾三州入爲左拾

遺兼冀王府記室叅軍知制誥淳化中

召入翰林爲學士以父名义林抗章引避議者以禮律二名不偏諱却之

真宗尹京以爲判官東宮建兼右庶子及

即位權知府事再爲學士景德初遷吏

部侍郎叅知政事踰月拜平章事二年

冬薨年六十八

吳越入朝公以選知台州旣至言錢氏所上

圖籍皆張侈賦數頑一用舊籍以輯新民

詔從之

劉莘老碑

端拱中詔王府官各上所爲文帝問近臣

曰文吾旣知之其行孰優皆以公對帝

喜曰是也以本官知制誥召爲翰林學士

大臣以張洎言帝曰洎視士安詞執踐

歷固不減但履行遠在其下耳

碑神道

公知開封府近臣有怙勢爲不法彊買民家

定婚子者公請對白其橫奪還之

碑神道

絕漸許其成 帝謂虜悍如此恐不可保

契丹謀入寇公首疏五事應詔陳選將餉兵

理財之策甚備

帝多納用於是中書關

宰相乃進公吏部侍郎叅知政事入謝

帝曰未也行且相卿然時方多事求與卿

同進者其誰可公頓首辭謝曰臣材駑朽

不足以勝任惟寇準兼資忠義善斷大事

此宰相才也 帝曰聞其剛使氣對曰準

資方正慷慨有大節忘身徇國秉道疾邪

此其素所蓄積朝臣罕出其右者第不爲

流俗所喜今天下之民雖蒙休德涵養安

佚而西北跳梁爲邊境患正若準者所宜

用也 帝曰然當籍卿宿德鎮之不閱月

拜公本官平章事寇公實並命而以公監

修國史位在上既而契丹益犯邊北州皆

警二公始合議請

帝幸澶淵時景德元

年九月也虜統軍順國王撻覽引兵入塞

號二十萬初雲州觀察使王繼忠戰沒虜

中至是爲虜人奏請議和大臣莫敢如何

其事獨公以爲可信力贊 帝當羈縻不

公曰臣嘗得虜降人言虜雖深入屢挫不

甚得志陰欲引去而耻無名且彼寧不畏

人乘虛覆其穴此請殆不妄繼忠之奏臣

請任之帝喜乃手詔繼忠許其請和時已

詔巡幸而議者猶關閏二三大臣有進金

陵及成都圖者公亟同寇公請對力陳其

故堅定前計 帝乃幸澶淵軍數十萬虜

大震然猖狂乘衆猶掠德清至澶北鄙會

官軍伏弩發射撻覽死衆潰遁去而講和

之計遂定初 帝嚴兵將行太白晝見流

星出上台北貫斗魁或言兵未宜北或言

大臣應之公適卧疾移書寇公曰屢請昇

疾從行而詔不許今大計已定惟君勉之

士安得以身當星變而就國事所願也已

而少間追至澶淵因從以還兵罷乃按邊

要選良守將易置之雄州以李允則定州

馬知節鎮州孫全照保州楊延明它所擇

用各得其任令塞下止驅掠通互市除鐵禁招流亡廣儲畜未幾夏州趙德明亦欵

塞內附二方既定中外略安量時制法次
第施行如推酷母得增額平反已决死罪
錄爲勞訟不干已者坐以重至今不易復
置賢良方正直言極諫等科以廣取士每
對必爲帝言崇儉息民近忠直遠諛佞
是爲政要故當時天下無事號至治云碑神道
公資端重儀觀少以名節自厲貫于夷險
白首不易平生無一語過差雖貴奉養無
異平素未嘗殖產爲子孫計故天下稱其
清而其亡也帝謂寇公曰畢士安君子
人也事朕南府東宮以至輔相飭躬謹行
有古人之風後王文正公爲相嘗面奏曰
陛下前稱畢士安清畏如古人在位聞之
無不感歎且士安仕至輔相而四海無田
園屋第沒未終喪家用已屈今其妻有貸
於臣家其不負陛下所知滋可見矣是
固宜有以周之然當出上恩非臣敢爲
私惠時也帝聞歎息賜白金五千兩碑神道

公平生寡交遊無黨援唯王晉公呂公端見
引重王文正公寇萊公楊文公相友善既

引寇公同政而寇公守正疾惡小人多不便日思所以傾之者布衣申宗古告其交
通安王元傑寇公皇恐莫知所以自明公
力辨其誣下宗古吏具得姦罔斬之寇公
乃安王禹偁濟州白屋子嘗以事至公官
舍陰識其非常童留之教以學後遂登科
進用更在公前及公繼知制誥其命乃禹
偁詞也公去潞州事連禹偁亦謫黃州公
猶厚資其行云碑神道

公端方沉雅有清識所至以嚴正稱然性謙
退嘗謂人曰僕仕官無赫赫之譽但力自
規檢庶幾寡過耳

咸平中詔選官校勘三國志晉唐書或有言
兩晉事多鄙惡不可流行者真宗以語
宰相公對曰惡以戒世善以勸後善惡之
事春秋備載帝然之遂命刊刻蓬山志

公平生寡交遊無黨援唯王晉公呂公端見
引重王文正公寇萊公楊文公相友善既

四之二

丞相萊國寇忠愍公

公名準字平仲華州下邽人中進士第
知歸州巴東縣通判鄆州 太宗召對

稱旨爲三司度支推官鹽鐵判官淳化

二年擢左諫議大夫樞密副使改同知

院事罷知青州明年召參知政事至道

二年罷知鄆州咸平初徙河陽同州鳳

翔府知開封府除三司使景德元年同

平章事三年出知陝州從封泰山徙天

雄軍入爲樞密使同平章事未幾以使

相罷判河南府永興軍天禧元年復入

相三年罷爲太子太傅降太常卿知相

州徙安州貶道州司馬乾興元年再貶

雷州司戶叅軍天聖元年徙衡州司馬

未行而薨年六十三後十餘年贈中書

令賜謚詔翰林學士孫抃撰神道碑御

篆其首曰旌忠云

太宗幸魏也公之年十有六以父陷蕃上書
行在辭色激昂舉止無畏 上壯之命有

司記姓名後二年進士及第寢以貴顯
公年十九舉進士時 太宗取人多問其年
年少者往往罷遣或教公增其年公曰吾
初進取可欺君耶

知歸州巴東縣每期會賦役不出符移唯具

鄉里姓名揭縣門民莫敢後者嘗賦詩有

野水無人渡孤舟盡日橫之句時以爲若

得用必濟大川手植雙栢於縣庭至今民

以比甘棠謂之萊公栢政要○又燕談云元祐
祠俱焚明年蒲陽鄭賴來爲令悼栢之焚惜公手植

不忍剪伐種凌霄於下使附幹以上以著公遺迹且

之恩

太宗時寇公爲貞外郎奏事忤 上旨 上

拂衣起欲入禁中公手引 上衣令 上

復坐決其事然後退 上由是嘉之嘗曰

朕得寇準猶唐文皇之得魏鄭公也

記聞

太宗時一歲大旱 天子以爲憂嘗輦過館

中汎以問衆衆皆曰水旱天數也堯湯所

母奈何準獨曰朝廷刑罰偏頗凡天旱爲

是發耳 上怒起入禁中頃之召準問所

以偏頗狀準曰願召兩府至前臣即言之

有詔召兩府入準乃言曰某子甲坐贓若

干少爾罪乃至死叅知政事王沔其弟淮

盜所主守財至千万以上顧得不死母罪

非偏如何上顧問汚污頓首謝即皆罷

去其幕遂大雨上大喜以準可用遂驟

進劉貞父撰萊公傳○又遺事云公性忠朴喜直言無穎避時人爲之語曰寇準上殿百僚服栗

公在青州太宗久不豫驛召還問後事公

曰知子莫若父臣愚不當與也固問之公

再拜曰臣觀諸皇子惟壽王得人心上

大悅遂定策以壽王爲太子謁太廟還六

宮登樓以觀百姓皆合手叩額呼相慶

曰少年天子也李后聞之不悅以告上

上即召公責曰百姓但知有太子而不知

有朕卿誤朕也公曰太子萬世嗣社稷之

主也若傳之失其人是爲可憂今天下歌

其得賢臣敢以爲賀上意始解遺事

章聖即位公守青州上想見之會遣中使

撫巡山東因令問公安否且促取朝見表

來公再拜謝曰陛下若不棄臣朝召而

夕行也要君之章實不敢上既而召還遂

領相印

遺事○按此乃太宗朝事也

契丹犯澶淵急書一夕凡五至萊公不發封

飲笑自如明日同列以聞真宗大駭取

而發之皆告急也大懼以問公曰陛下

欲了欲未了邪曰國危如此豈欲久耶曰

陛下欲了不過五日爾其說請幸澶淵

上不語同列懼欲退公曰士安等止候駕

起從駕而北上難之欲還內公曰陛下

下入則臣不得見而大事去矣請無還而

行也遂行六軍百司追而及之議

澶淵之役王超傳潛兵力弗加遂致中外之

議不一至有以北戎狃開運之勝聞於上

者唯寇萊公首乞親征李沆宋湜贊之然

而群下終以未必勝爲言時陳堯叟請幸

蜀王欽若乞幸江南上召萊公問之公

曰不知誰爲此謀者上曰卿姑斷其可

否勿問其人也公曰臣欲得獻策之人斬

以釁鼓然後北伐耳上悟遂決澶淵之

行次長垣遣置邊河守將準侍上側積制

見東軒筆錄遺事及行聞亦與此同

書數十通近臣在東西廡下呼而命之皆辭曰無兵詔報曰百姓皆兵府庫皆財聽若所爲不責若野戰但陷失城郭則以軍法從事皆馳傳去州郡卒無陷者公傳

公從 上在澶淵王欽若陰請幸金陵陳堯叟請幸蜀

上以問公時欽若堯叟在旁公心知二人所爲陽爲不知曰誰爲

陛下畫此策者可斬也今虜勢憑陵

陛下

當率勵衆心進前禦敵以衛社稷柰何欲

委棄宗廟遠之楚蜀邪且以今日之勢鑿

輿回軫一步則四方瓦解萬衆雲散虜乘

其勢楚蜀可得至邪

上悟乃止二人由

是怨公記聞○又曰衆與在河上行宮召公入許事公將入聞內中人謂上曰群臣欲將

官家何之何不速還京師及入見上間以二人之策公曰群臣怯懦無知不異向者婦人之言云云上善其計遂北渡河○接此二說與前說異當以前說爲正然其所記葉公之言爲尤詳故并錄之

契丹寇河北南至冀貝虜騎甚盛州郡震動

天子北巡至澶州虜騎已過魏府矣

上

疑不欲渡河駐南澶州準勸

上北渡以

固士卒心母令虜得乘勝

上猶豫未決

時陳堯叟勸

上避之蜀王欽若勸

上

避之金陵 上以問準準曰誰爲 陛下

畫此計者 上曰顧所畫如何耳母問其

名準曰臣姑欲知之先斬此曹以令天下

且 先帝建都垂五十年天下財用兵甲

聚於京師宗廟社稷之所寄也不幸有事

陛下當與臣等以死守之今一旦棄去非

復 陛下所有若盜賊因緣而起 陛下

當何歸乎 上默然按此亦與涑水記聞之說同

準又勸

上北渡 上猶未決因起更衣準亦下殿

去時高瓊爲殿前都指揮使宿衛殿下準

謂瓊曰事當柰何太尉胡不一言瓊曰相

公謀之廟堂瓊何敢與知然相公所以謂

上何準曰今渡河則河北不勞力而定不

渡則虜日益熾人心不敢自固雖有智者

不能善其後矣瓊呼曰 陛下聽寇準語

準所言是也 上還問之語良久準即昧

瓊以其兵先渡又自牽馬奉 上

上乃從之既至澶州 上御城北門準居 上

前 上盡以軍事委準準因承制專決號

令明肅士卒喜悅虜數千乘勝薄城下

有詔吏士迎擊之斬獲太半虜乃引退不敢復逼會暮上還宮留準居城上使人視準何爲曰準方飲酒歌笑上未嘗不釋然也

遺事云上至瀘州賊備未退公登城必禽賊矣上因飾灘之北門將士望見黃星皆呼萬歲聲震原野勇氣百倍○又記聞曰公在瀘淵每夕與楊德欽飲博謳歌喧呼常達旦或就寢則鼾息如雷上使人覩之喜曰得渠如此吾後憂相持十餘日契丹計索欲引去始遣使請和旣有約矣又率其衆詐欲填壕會有飛矢射其統軍殺之契丹大擾其請和遂益堅準不肯虜使來益恭上將許之準欲邀使稱臣且獻幽州地時上厭兵事姑欲羈縻不絕而已於是有譖準不願與虜平幸有兵事以自取重上亦不悅準不得已乃許之當時虜舉國來寇入中國千餘里其歸不十日不能出漢地郡邑堅壁清野以待寇虜人馬飢乏百萬之衆可母戰而死虜窘如此誠少抑緩之契丹不敢不稱臣幽州可必得也

萊公傳○又遺事云公曰始用召策可數百年無事不然四五十年後臣恐我心又生矣上曰朕不忍生靈受困不如且聽其和四五十年後安知無能擇塞者乎戎遂得和

和議成諸將請設伏邀擊可使虜匹馬不返萊公勸帝勿從縱虜歸國以保盟好

見真宗之次瀘淵也一日語萊公曰今虜騎未退而天雄軍截在賊後萬一陷沒則河朔皆虜境也何人可爲朕守魏萊公曰當此之際無方略可展古人有言智將不如福將臣觀叅知政事王欽若福祿未艾宜可爲守於是即時進熟出勑退召欽若諭以上意授勑俾行欽若茫然自失未及有言公遽曰主上親征非臣子辭難之日叅

虜兵既退來求和親命曹利用與之約時契丹已疲又懼鎮定大兵扼其歸路見利用至甚喜寢以珠緣貂襍虜主求割河北利

用曰如此臣得族罪矣不敢以聞許歲給金繒二十萬虜嫌其少利用復還奏之上曰百萬以下皆可許也利用出準召利用至幄次語之曰雖有勑旨汝往所許母得過三十萬過三十萬勿來見準準將斬汝利用股栗再至虜帳果以三十萬成約而還

聞記

政爲國柄臣當體此意駟騎已集仍放朝辭便宜即塗身乃安也遽酌大白飲之命曰上馬益欽若驚懼不敢辭飲訖拜別公答拜曰參政勉之回日即爲同列也欽若馳入魏則戎虜滿野無以爲計但屯塞四門終日危坐越數日虜騎退乃召爲次相或云王公數進疑辭於上前故萊公因

事出之以成勝敵之勲耳

東軒筆錄

初契丹入寇陳堯叟奏請公河皆撤去浮橋舟船皆收泊南岸勒下河陽河中陝府如其奏百姓驚擾知河中府王濟獨不肯撤封還勅書且奏以爲不可陝州通判張稷時以公事在外州中已撤浮橋稷還聞河中不撤乃復脩之寇公由是知此二人明年召濟爲知雜御史稷爲三司判官濟性貶直衆多嫌之及寇公罷濟亦出守而卒

記聞○又談叢曰澶淵之役真宗欲南下萊公不可謂是棄中原也欲斷橋因河而守公曰是棄河北不可棄也

澶淵之役所下一紙書爾州縣堅壁鄉村入保金幣自隨穀不可徙隨在壅藏寇至勿

戰故虜雖深入而無得才破德清一城而得不補失未戰而困談叢章聖嘗謂兩府欲擇一人爲馬步軍指揮使公方議其事吏有以文籍進者公問其故曰例薄也公叱曰朝廷欲用一牙官尚湏檢例即安用我輩哉壞國政者正由此耳

事遺

上以澶淵之功待公至厚群臣無以爲比數稱其功王欽若疾之承間言曰澶淵之役準以陛下爲投璣與虜博耳苟非勝虜則爲虜所勝非爲陛下畫萬全計也且城下之盟古人耻之今虜衆悖逆侵迫畿甸準爲宰相不能殄滅凶醜卒爲城下之盟以免又足稱乎上由是寢諫之頃之準罷而天書事起記聞○又聞見錄云上既回鑾每歎萊公之功小人或譖之曰陛下知博乎錢輸將盡取其餘盡出之謂之孤注陛下准之孤注也尚何念帝聞之驚禮遂棄甚甚萊公眷

公鎮大名府北使道由之謂公曰相公望重何以不在中書公曰皇上以朝廷無事北門鏁鑰非準不可據

大中祥符元年正月天書降于宮中承天門
天子以改元其六月又降于泰山是歲十
月封泰山間二歲祀后土汾陰天子奉
天書謹甚載以玉輶天書所行天子不
敢當其道居無幾何復有神降于延恩殿
號稱天尊天子親自見之上於是益
崇飭祀事自天書始降則築昭應宮其後
復置會靈景靈之屬而祀老子于亳州天
下無慮皆神事矣準是時出爲外官又不
信天書上益疎準最後知京兆府都監
朱能復獻天書上以問王旦旦曰始不
信天書者準也今天書降準所當令準上
之則百姓將大服而疑者不敢不信也
上從之使中貴人逼準朱能素事宦者周
懷政而準姪王曙居中與懷政善勸準與
能合準始不肯曙固要準準亦因此復爲
中書侍郎平章事天禧三年也萊公傳

太上皇而誅丁謂曹利用等於是引李迪
楊億曹璫盛度李遵勗等叶力處盡已定
允誥命盡使楊億爲之且將舉事會萊公
因醉漏言有人馳報謂謂夜乘犢車徃利
用家謀之明日利用入盡以萊公所謀白
太后遂矯詔罷公政事及真宗上仙遂
指公爲反而投海上其事有類上官儀者
天下冤之楊億臨死取當時所爲詔誥及
始末事迹付遵勗收之章獻上仙遵勗
乃抱億所留書進呈仁宗及叙陳本末
仁宗盡見當日曲直感歎再三遂下詔湔
滌其冤贈中書令謚曰忠愍又贈楊億禮
部尚書謚曰文允預萊公黨而被逐者皆
昭雪之故李淑爲億贈官制曰天禧之末
政斬宮闈能叶元臣議尊諸極蓋謂是也

東軒筆錄○又龍川志云真宗晚年得風疾自疑
不起嘗卧枕官者周懷政股與之謀欲命太子監國
懷政東宮官也出與寇準謀之準遂議立太子廢劉
后黜丁謂等使楊億草具詔書億私語其妻弟張演
曰數日之後事當一新語稍洩丁謂夜乘犢人車與
曹利用謀之誅懷政黜准召誥至中書惟懷政便俱
下面無人色謂素重億無意害之徐曰謂當政官煩
公爲一好詞耳億乃少安準初爲此謀欲遣使四方
宣示風指誅異己者使楊億爲詔書遣兵備王曙出
使曙知其不可力止之意其必有禍敗藏其詔書草

天禧末真宗寢疾章獻明肅劉太后漸
預朝政真宗意不能平寇萊公探此意
遂欲廢章獻立仁宗尊真廟爲

使其妻縫置夾衣中及劉后既沒朝廷方欲理準舊訛譖出其書文字磨滅殆不可復識由此億得贈官賜謚準爲人忠亮自信無異心然使之得志必有恣橫失衆之事未必不爲國無禍也○又記聞曰真宗不豫寇萊公與周懷政密言於上請傅伍太子上許之自皇后以下皆不與知旣而月餘無所聞二月二日上幸後苑命後宮挑生菜左右皆散去懷政伺上獨處密懷小刀至上所涕泣言曰臣前言社稷大計陛下既許臣等而月餘不決何也臣請割心以明忠款因以刀割其脣僵仆於地流血淋漓上大驚因是疾復作左右扶輿入禁中皇后命收懷政下獄案聞其狀又於官中索得萊公奏言傳位事乃命親軍校楊崇勲密告太冠準周懷政等謀廢上立太子遂誅懷政而敗萊公○按此三書所載大同小異今並存之

公好士樂善不倦推薦种放丁謂之徒皆出其門然嘗語所親曰丁生誠竒材惟不堪重任公爲丞相謂叅知政事嘗會食都堂羹染公穎謂起拂之公正色曰身爲執政而親爲宰相拂穎耶謂慙不勝公恃正直而不虞巧佞故卒爲所陷事遺

公爲樞密使曹利用爲副使公以其武人輕之議事有不合者輒曰君一夫耳豈解此國家大體利用由是銜之真宗將立劉后公及王旦向敏中皆諫以爲出於側微不可劉氏宗人橫於蜀奪民鹽井上以後故欲捨之公固請行法是時上已不

豫不能記覽政事多宮中所決丁知曹寇不平遂與利用合謀請罷公政事除太子少傅上初不知歲餘忽問左右吾目中久不見寇準何也左右亦莫敢言上崩太后稱制公再貶雷州是歲丁亦獲罪聞記

○又傳遊錄太丁謂言先朝因節日賜宴于寇相第寇好以大白飲人時曹利用爲樞密副使不領其意寇怒曰若一夫耳敢爾邪曹厲聲曰利用在樞府而相公謂之一夫明日當於上前辨之自此二公不協厥後發萊公之事者曹詔也預謂何事然中外皆知萊公之禍丁有力焉○又遺事云章聖不預謂待臣曰使朕無後世憂者惟寇準李迪爲可託及大漸乃用丁謂而熙公皆非上意也

公始謫道州司馬素無公宇百姓聞之競荷瓦木不督而會公宇立成頗亦宏壯守土者聞于朝遂再有海康之行傳遊

公之貶雷州也丁謂遣中使賚勑往授之以錦囊貯劍揭於馬前既至公方與郡官宴飲驛吏言狀公遣郡官出迎之中使避不見入傳舍中久之不出問其所以來之故不答上下皆皇恐不知所爲公神色自若使人謂之曰朝廷若賜準死願見勑書中使不得已乃以勑授之公乃從錄事叅軍借綠衫着之短纓至膝拜受於庭升階復

宴飲至暮而罷

聞記

公貶死於雷 詔還葬雒陽過公安民皆迎祭哭其喪斬竹掃地以掛紙錢焚之尋復生笋成林邦人神之號曰相公竹因立廟其旁祀奉甚謹劉貢父王樂道各嘗爲文刻石以記其事見塵史及名臣傳○又東軒筆錄云公赴貶雷州道出公安剪竹掃於神祠之前而祝曰準之心若有負朝廷此枯竹當再生其竹果生○按此竹必不生若不負朝廷此枯竹當再生其竹果生○接此說與前二書異

竊意前說爲是

公少時不脩小節頗愛飛鷹走狗太夫人性嚴嘗不勝怒舉秤鉗投之中足流血由是折節從學及貴母已亡每捫其痕輒哭聞記

公初爲樞密直學士賞賜金帛甚厚乳母泣曰太夫人不幸時家貧求一縑作衾襚不可得豈知今日富貴哉公聞之慟哭盡散金帛終身不畜財產後雖出入將相所得

俸祿惟務施與公外奢內儉無聲色之娛

寢處一青幃二十餘年時時有破壞益命

補葺或以公孫洪事蘄之笑答曰彼詐我誠雖弊何憂且不忍處之久而以弊復棄

也蘄者愧之事

處士魏野贈公詩曰有官居鼎鼐無宅起樓臺及上即位北使至賜宴兩府預坐北使歷視坐中問譯者曰誰是無宅起樓臺即位南方須大臣鎮撫寇公暫撫南夏非久即還要政

鄧州花蠟燭名著天下雖京師不能造相傳

云是冠萊公燭法公嘗知鄧州而自少年

富貴不點油燈尤好夜宴劇飲雖寢室亦

燃燭達旦每罷官去後人至官舍見廁溷

間燭淚在地往往成堆杜祁公爲人清儉

在官未嘗燃官燭油燈一炷熒然欲滅與

客相對清談而已二公皆爲名臣而奢儉

不同如此然祁公壽考終吉萊公晚有南遷之禍遂歿不反雖其不幸亦可以爲戒

歸田

也

準爲人敏銳多智慷慨好樂賓客奢侈玉食

其自奉養時時越法度然不治產業而矜

權尚氣收取聲名其天性也

傳公

王元之之子嘉祐爲館職平時若愚駢獨冠

萊公知之喜與之語萊公知開封府一旦

我矣叢談

問嘉祐曰外人謂劣丈人何嘉祐曰外人皆云丈人旦夕入相萊公曰於吾子意何

如嘉祐曰以愚觀之丈人不若未爲相爲善相則譽望損矣萊公曰何故嘉祐曰自古賢相所以能建功業澤生民者其君臣相得皆如魚之有水故言聽計從而功名俱美今丈人負天下重望相則中外有太平之責焉丈人之於明主能若魚之有水乎此嘉祐所以恐譽望之損也萊公喜起執其手曰元之雖文章冠天下至於深識遠慮殆不能勝吾子也聞記

張忠定公守蜀聞萊公大拜曰寇準真宰相也又曰蒼生無福門人李畋怪而問之曰人千言而不盡者準一言而盡然仕太早用太速不及學耳張冠布衣交也萊公兄事之忠定常面折不少恕雖貴不改也萊公在岐忠定在蜀還不留既別顧萊公曰曾讀霍光傳否曰未也更無它語萊公歸取其傳讀之至不學無術笑曰此張公謂

張乖崖常稱使寇公治蜀未必如詠至於澶淵一擲詠亦不敢爲也深歎服之聞記準疏通博裕果敢沈毅能斷大務不循細檢喜風幹善議論與人無城府接物無崖岸顧大義可爲者必奮厲翔躍以身先之其勇若賁獲至於外險中艱斬然涯垠亦坦坦無退効意聞一善薦道推輓不進用不已附離苟合者疾之如仇讐孫抃奉勅撰旌忠碑準得罪南行過零陵踰大陂溪夷承間鈔掠而去已而酋長召告之曰若等奈何竊賢相行橐神明其佑若乎趣遣種人持所掠還準伏道下引道且拜準慰遣之至南海晨旦朝謁從事如常時謂其子曰守法奉正士人常操以窮通成敗易之者非吾意也爲層樓於署東偏置机榻其間危坐終日寂無它營經史老莊及天空書環列前後暇或看誦之賓至則憑高瞰虛笑語燕燕若初無廊廟之貴者嶠南山水峻絕馬不能進郡縣官有伐竹爲輕輿以迓準者

準謝曰吾罪人騎馬足矣冒炎溽捫險阻

四之三

日行百里左右爲之泣下準昂然無隕獲

太尉衛國高烈武王

容色其度量過人如此及雷陽吏以圖獻

王名瓊家世燕人徙亳州之蒙城事

閱視之首載郡東南門抵海岸凡十里準

太宗爲御龍直指揮使累遷歸義軍節

恍然悟曰吾少時有到海祇十里過山應

度使殿前都指揮使景德元年從幸澶

萬重之句迺今日意爾人生得喪豈偶然

淵有功明年以病求解兵柄授檢校太

耶碑旌忠

尉忠武軍節度使三年薨年七十二王

丁謂敗得竄道繇海康準從者有欲釋憾謀

曾孫女配英宗皇帝是爲宣仁聖

不利於謂準知之陳大席一廡間設戲具

烈皇后云

悉召坐且命之博奕因隱几觀焉聞謂行

太平興國四年從征太原太宗引兵自幽

迺罷董忠碑○又韓田錄云董忠公題雷州時

州還聞虜兵盛至留王夜作引龍直樂于

丁晉公與焉相處在中書丁當秉筆初欲擬

御營遲明王度車駕已遠潰圍轉戰以出

崖州而丁忽自疑語馮曰崖州再涉鰲波如何馮唯

至行在所而六班卒不至太宗欲誅六

唯而已丁乃徐擬雷州丁之脫也馮遂擬崖州當時

班王曰陛下晨夕兼行令不蚤下主將

好事者相語曰若見雷州寇司戶人生何處不相逢

比丁之南也寇復移道丁當來遣人以薰羊

逆于境上而收其僨杜門

不放岀聞者多以爲得體

準平生著述於草疏尤工旨粹言簡多所開

益餘藁即焚滅棄去雖至戚不得見好爲

詩警策清悟有劉夢得元微之風格其氣

磅礴奇拔則又過之碑旌忠

潘美亦在太原舊制節度領軍職者居上

瓊以美舊臣表請居下瓊後爲步軍都指

揮使會戍兵以廩食陳弱譁言者瓊知之

一日巡營士卒方聚食因取其飯啖之謂曰邊鄙無事而坐飽此宜知幸也

求蒙

管軍貞闕王兼領二司王乃言曰臣老矣如
有負薪之憂誰爲可任者先朝自殿前而
下各置副都指揮使及都虞候常有十人
職近事親易以第進又使士卒預識其威
名緩急臨戎上下得以附習此軍制之大
要也 上從之

碑神道

景德元年契丹直抵澶州 真宗北幸駐驛

韋城大臣有勸

上南巡者召問王行幄

王晏然曰虜去國遠鬪勢不能持久况羽
檄召天下兵行且至進則可以決有功今
止軍不發衆情大惑誰爲 陛下建此者

真宗曰將更議於大臣王曰 天子親御

六軍蒙犯霜露國之安危事在轉漏尚何

議也遂發韋城次澶州將抵浮橋左右猶

躊躇未進王下馬自扶輦擁衆渡河既而

請 帝御北城觀兵漢軍望黃蓋皆仰呼

萬歲而虜人亦大呼聲聞數十里其種酋
皆駭視失色有頃弩伏發射契丹貴將撻

覽死遂奉書請盟師還賜燕于行宮而李
繼隆石保吉魏咸信酒酣爭功王曰 天

子神武一舉而折敵公等何功之與也 繼
隆等愧甚

殿前都指揮使高瓊因請幸河北曰上在澶淵南城

陛下不幸北城比城百姓如喪考妣馮拯在旁呵之

曰高瓊何得無禮瓊怒曰君以文章爲大臣今虜騎

充斥如此猶責瓊無禮君何不賦一詩詠退虜騎邪

上乃幸北城至浮橋猶駐輦未進瓊以所執韁繩輦

夫背曰何不亟行今已至此尚何疑焉上乃命進

輦既至登北城門樓張黃旗城下將士皆呼萬歲

氣勢百倍會虜大將捷覽中驚死虜衆遂退

上命冠準召瓊詣中書戒之曰卿本武臣勿強學儒

士作書語也○又談叢曰契丹侵澶萊公相

此伐臨河未度是夕內人相泣明日奏知政事王欽

若請幸蜀閩密副使陳堯叟請幸蜀真宗以問

諸將王乃大呼道遙子公捷若其議是也上與後宮御脫王

浮淚而下數日可至殿上皆以爲然公大驚色脫王

徐曰但陛下去都城一步則城中別有主矣史卒

皆比人家在都下將歸事其主誰肯送陛下者金

陵豈可到祁公又喜遇望曰瓊知此何不爲上駕

耶王乃大呼道遙子公捷帝以升遂渡河而成功

○又元金語錄曰太祖與羣臣言未嘗文談蓋欲

之皆一代雄傑也

它日衛士有白票粟陳腐者王曰邊防戰守

之兵暴露寒苦而所食粟與敵同色若等

日既食太官月所給又先進樣於上前

豈特諸軍比也有一言以動吾軍者斬於

是衆莫敢有言其後王被疾久不出輒有

遺陳粒殿上者中貴人得之以聞人賜精

米一斛王嘆曰安有是邪遂以疾辭典軍

碑神道

王素爲寇準所知而王欽若以南巡之議恨

準準罷相欽若知樞密院王疾甚

真宗趣駕欲臨問欽若乃言天子問疾所以寵

勲臣今瓊無破敵之功不可往帝乃止

碑神道

真宗嘗問卿子幾人曰臣子十有四人臣誠

愚不肖然未嘗不教以知書於是賜諸經

史於其家每戒諸子母曲事要執以勦進

身若吾奮節行間至秉旄鉞豈因人力哉

又嘗與諸子論蔚昭敏李斌之爲人諸子

曰此衆之所非也王曰吾常與此二人者

言其忠質一心無銖髮敢欺朝廷衆之所

非吾之所取也

碑神道

四之四

內翰楊文公

公名億字大年建州浦城人七歲能屬

文年十一太宗聞其名詔送闕下試

詩賦授祕書省正字令就祕閣讀書

真宗即位拜左正言與修

太宗實錄知處州召還知制誥召入翰林爲學士

同修國史會母病陽翟請歸省不待報

而行貶太常少卿分司西京起知汝州

會加玉皇聖號表求陪預召還參詳儀

制天禧四年復爲翰林學士是冬卒年

四十七仁宗即位贈禮部尚書賜謚

曰文

楊文公年十一太宗親試一賦二詩頃刻

而成上喜送中書再試執政令賦喜朝

京闕詩亦立就且有顧秉清忠節終身立

聖朝之句宰相表賀

湘山野錄

楊大年每欲作文則與門人賓客飲博投壺

奕碁語笑謹而不妨締思以小方紙細

書揮翰如飛文不加點每盈一幅則命門

人傳錄門人疲於應命頃刻之際成數千

言真一代之文豪也

歸田錄

楊文公允爲文章所用故事常令子姪諸生

檢討出處每段用小片紙錄之文既成則

綴粘所錄而蓄之時人謂之袖被焉

呂氏家塾記

楊大年爲學士時草答契丹書云鄰壤交歡

進草旣入真宗自注其側云朽壤鼠壤

糞壤大年遽改爲鄰境明旦引唐故事學

士作文書有所改爲不稱職當罷因亟求

解職真宗語宰相曰楊億不通商量真

有氣性

歸田錄

楊文公以文章擅天下然特剛勁寡合有惡

之者以事譖之大年在學士院忽夜召見

於一小閣深在禁中旣見賜茶從容顧問

久之出文藁數篋以示大年云卿識朕書

蹟乎皆朕自起草未嘗命臣下代作也大

年皇恐不知所對頓首再拜而出乃知必

爲人所譖矣由是佯狂奔于陽翟真宗

好文初待大年眷顧無比晚年恩禮漸衰

亦由此也

歸田錄

楊文公性剛介寡合唯與李維路振刀衍劉筠數人厚善王欽若驟貴公素薄其爲人

欽若衡之陳彭年方以文史進亦忌公名出己右相與擠之會公母病陽翟別墅公請歸省遂不待報而行

楊文公少以文進而方直自守後因母病有陽翟之行王文正公恐人害之白上遣

使賜醫藥旣而言事者彈劾不已卒以亞

卿分司上嘗語輔臣曰聞楊億好謗時

政王公曰楊億文人幼荷國恩若諧謠過

當則恐有之至於謗訕臣保其不爲也王

公器重文公至深頗思其歸乃因中書齋

宿覽文公近詩而與趙文定諸時賢繼和

上知之乃諭公召文公還爲祕書監久之

有問公者曰楊大年何不早與舊職公曰

大年向以輕去上左右人言可畏賴

上終始保全之今此職欲出自清衷以全

君臣之契公薨後文公方復禁署

王文正公遺事

楊文公爲執政所忌母病謁告不俟朝旨徑歸韓城與弟倚屋踰年不調公有啓謝朝

中親友曰介推母子願歸綿上之田伯夷

弟兄甘受首陽之餓後除知汝州而希旨

言事者攻之不已公又有啓與親友曰已

擠溝壑猶下石而未休方困蒺藜尚關弓

而相射雜記青箱

楊億在翰林丁謂初參政事億例賀焉語同

列曰骰子選爾何多尚哉未幾辭親疾逃

陽翟別墅遺授

楊文公以直道獨立時有挾邪說以進者面

戲公曰君子知微知章知柔知剛公應聲

答曰小人不恥不仁不畏不義家塾記

楊文公天性穎悟自幼及終不離翰墨喜誨

誘後進以成名者甚衆聞人有片辭可紀

必爲諷誦手集當世述作數十篇重交遊

性耿介坦夷敦尚名節多周給親故廩祿

亦隨而盡善談吐有味然評品人物善惡

太明人多怨之

范文正公讚公之像曰公以命世之才其位

不充故天下知公之文而未知其道也昔

王文正公居宰府僅二十年未嘗見愛惡

之迹天下謂之大雅冠萊公當國 真宗

有澶淵之幸而能左右天子如山不動却

戎狄保宗社天下謂之大忠樞密扶風馬

公慷慨立朝有犯無隱天下謂之至直此

三君子者一代之儔人也公與三君子深

相交許情如金石則公之道其正可知矣

四之五

丞相王文康公

公名曙字晦叔河南人中進士第咸平中舉賢良方正科後以樞密直學士知

益州入爲給事中兼群牧使寇萊公罷

相遠貶公其婿也亦貶郢州團練副使

起知襄州徙河南府仁宗召爲御史

中丞兼理檢使以尚書工部侍郎叅知

政事以疾出知陝州河陽河南府復入

爲樞密使拜同中書門下平章事逾月

薨

王晦叔知益州賊盜贓無輕重一切戮之蜀

中股慄不數月賊寇屏竄列郡皆外戶不

閉先是張詠守蜀季春糴廩米其價比時

估三之一以濟貧民凡十戶爲一保一家

犯罪一保皆坐不得糴民以此少敢犯法

至是獻議者改詠之法窮民無所濟復爲

冠晦叔奏復之傳名臣

王文康治蜀頗以法御下有謗其太苛會劉

憲召還爲右正言真宗召問凌策王曙

治蜀孰優曰凌策在蜀值歲豐故得以平易治之王曙值歲歉慮民爲盜故以法治

之使之易地則皆然真宗善其言名臣傳

王文康公薛簡肅公俱嘗鎮蜀而皆有名

章獻時同爲執政一日奏事已因語蜀事

文康曰臣在蜀時有告戍卒反乃執而斬

之於營門遂無事簡肅曰臣在蜀時亦有

告戍卒反者叱出之亦無事湘山野錄

王清昭應宮災守衛者皆坐繫御史獄王文

康公上疏曰昔魯桓僖宮災孔子以爲桓

僖親盡當毀者也遼東高廟及高園便殿

災董仲舒以爲高廟不當居郡國便殿不

當居陵旁故災魏崇華殿災高堂隆以爲

天以臺榭宮室爲戒宜罷勿治文帝不聽

明年復災今所建宮不應經義災變之來

若有警者願除其地罷諸禱祠以應天變

仁宗與太后感悟遂薄守衛者罪已而

詔以不復繕脩諭天下公方嚴簡重有大

臣體嘗言人臣患不節儉今居第多踰僭

服玩奢侈僕妾無數宜有經制及貴顯深

自抑損齋居蔬食泊如也

五朝名臣言行錄卷第五之一

謝希深歐陽永叔官洛陽時同游嵩山歸暮

丞相沂國王文正公

抵龍門香山雪作留守錢文僖公遣吏以

公名曾字孝先青州益都人咸平中由

厨傳歌妓至且勞之曰山行良勞當少留

鄉貢試禮部御前皆第一通判濟州

龍門賞雪府事簡無遽歸也錢遇諸公之

代還特召試政事堂直史館三司戶部

厚類此後錢謫漢東諸公送別至彭婆鎮

判官知制誥兼史館修撰爲翰林學士

錢置酒作長短句俾妓歌之甚悲錢泣下

知通進銀臺司遂以右諫議大夫叅知

諸公皆泣王文康公代爲留守御吏如束

濕諸公俱不堪其憂日訝其多出游責曰

公等自比寇萊公何如萊公尚坐奢縱取

政事時宮觀皆以輔臣爲使公當使會

禍貶死况其下者希深而下不敢對永叔

靈辭不拜罷知應天府天雄軍復叅知

公等自比寇萊公何如萊公尚坐奢縱取

政事兼太子賓客仁宗立拜中書侍郎

同平章事王清昭應宮使天聖中官

災出知青州天雄軍河南府景祐元年

拯酒在老不知退爾時王公年已高若爲

爲樞密使明年復相出判鄆州寶元元

之動卒薦永叔入館然永叔猶不忘錢公

年薨年六十一

或謂錢公易名者三卒得美謚永叔之力

公青州發解及南省庭試皆爲首冠中山劉

子儀爲翰林學士戲語之曰狀元試三場

一生喫着不盡沂公正色荅曰曾平生之

志不在溫飽

筆錄

公自濟州代還當召試學士院宰相寇萊公

竒之特召試政事堂

五朝名臣言行錄卷第四

景德中朝廷始與北虜通好詔遣使將以北朝呼之王沂公以爲太重請止稱契丹本號可也 真宗激賞再三朝論贊之記聞祥符中王沂公奉使契丹館伴邢祥頗肆談辨深自銜鬻且矜新賜鐵券公曰鐵券蓋勲臣有功高不賞之懼賜之以安反側耳何爲輒及親賢祥大沮失聞記

祥符中公在掖垣時瑞應沓臻公嘗請對

上語及之公奏曰斯誠國家承平所感而致然願推而勿居異日或有灾沴則免夫輿議退又白於執政及後飛蝗旱暵公乃亟被擢用馬沂公言行錄

公以建昭應宮上疏陳事之不便者五條以諫請殺其制其餘論事甚衆皆削其藁惟此疏偶存言行錄

公在閣下累年時楊文公已居內制楊性詆諧好嘲謔冗僚友無不狎侮至公則曰第四廳舍人不敢奉戲故李翰林昌武尤所歎服常曰若王舍人可謂不可得而親踈也言行錄

公任審刑日建議違制湏親被乃坐未幾外郡有以具獄讞聞 章聖俾以違制坐之公奏以制非親被請從違失 上曰若卿之言自爾無復有違制之罪公遽曰誠如聖旨自爾亦無復輕議矣 上怡然可其奏時佐吏趙廓同侍嘗以語人曰廓始聞王公抗議不覺跼蹐自失後陰察王公未嘗語於人亦無自得之色言行錄公前在政府日請置諫臣以廣言路後公再出守外藩孔道輔曹脩古皆以言事謫去及公肆觀屢以爲言恐杜天下之口言行錄寇萊公鎮秦民有趨登聞鼓興訟者 上以問公公奏曰長安故都民心豪舉若寇準重官或以訟解則後人何由鎮服矣 上意釋然但命降詔以諭之言行錄公辭會靈使領 真宗疑其自異王欽若從而擠之會公市賀皇后家舊第其家未徙而公使人輦土置其門賀氏入許禁中公遂罷去

章聖不豫劉后諷宰臣丁謂欲臨朝中外汹

凶無敢言者時宰相王曾謂后戚錢惟演曰漢之呂后唐之武氏皆非據之位其後子孫誅戮不得保首領公后之肺腑何不入白皇后萬一宮車不諱太子即位太后輔政豈不爲劉氏之福乎若欲稱制以取疑於天下非惟爲劉氏之禍恐亦延及公矣惟演大懼入白之其議遂止政要○又言行錄曰

章聖父不預莊憲太后欲自臨朝令上居東宮於賓善堂次事會公自大名召還再戒鈞席語錢惟演曰皇儲冲幼非中宮不可獨立中宮非倚皇儲之重則人心不附矣惟演亟入白之兩官由是益親人遂間無

初章聖上儻外尚未聞中書密院同入問起居召詣寢閣東面垂帷明肅傳遺命輔立皇太子及皇太后權聽斷軍國大事退而發哀公於殿廬草具遺制丁謂欲去權字加淑妃爲皇太妃字公執咨曰皇帝冲年太后臨朝斯已國家否運稱權猶足示後况言猶在耳何可改也且增減制書有法豈期表則之地先欲亂之耶曷爲更載立妃之文必若尊禮當俟事定而議謂勃然曰參政却欲擅改遺制乎公曰曾適來寢殿中實不聞此言若誠有之豈敢改也諸公無相同者遂依違而行然權字遂不敢去故謂之敗公首被爰立之命言行錄

章獻明肅太后權處分軍國事聽斷儀式久而未定丁謂欲每議大政則皇帝坐後殿朝執政朔望則皇帝坐前殿朝群臣其餘庶務獨令入內押班雷允恭禁中附奏傳命中書樞密院平決之公時判禮儀院乃采用蔡邕獨斷所述東漢故事皇帝在左母后在右同殿垂簾中書樞密院以次奏事如儀人心乃定公嘗於廣坐抗語丁相曰政出帷房斯已國家之否運然推之至公不猶愈於政出群下乎言行錄○又政要所載與此同但云庶務悉令雷允恭傳奏取旨陛下不覆曾獨奏曰天下者大祖太宗先帝之天下也非陛下之天下也奈何使兩宮異位不共天下之政是壅主上之聰明絕下情而不使通况官人傳政亂之始也餘並同

真宗初上仙公與丁謂同在中書公獨入劄子乞於山陵已前一切內降文字中外並不得施行又乞今後凡兩府行下文字中書候宰臣參政密院樞密使副簽書負方

許中外承受兩宮可其奏謂聞之愕然自失由是深憚公矣

東軒筆錄

丁謂旣逐李文定於衡州遣中使齋詔賜之

不道所以李聞之欲自裁其子東之救之

得免謂因大行貶竄王欽若丁度等皆投

之遠方時王沂公叅知政事不平之曰責

太重矣謂孰視久之曰居亭主人恐亦未

免也沂公蹶然而懼因密謀去之內侍雷

允恭旣有力於謂謂深德之至是允恭爲

山陵都監司天邢中和爲允恭言今山陵

上百步法宜子孫類汝州秦王墳允恭曰

如此何故不就中和曰恐下有石并水耳

允恭曰先帝獨有上無它子若如秦王

墳何故不用中和曰山陵事重踏行覆按

動經日月恐不及七月之期爾允恭曰第

移就上穴我走馬入見太后言之安有

不從允恭素貴橫人不敢違即改穿上穴

及允恭入白太后太后曰此大事何

輕易如此出與山陵使議可否允恭見謂

具道所以謂亦知其非而重違允恭無所

可否唯唯而已允恭不得謂決語入奏太后曰山陵使亦無異議矣旣而上穴果有

石石盡水出沂公具得其事以謂擅易陵

地意有不善欲奏之而不得間語同列曰

曾無子欲令弟子過房來日奏事畢略留

奏之謂不以爲疑太后聞之大驚即命

差官按劾其事而謂不知也比知之於簾

前訴之移時有內侍卷簾曰相公誰與語

駕起久矣謂知太后意不可回以笏叩

頭而退謂旣得罪山陵竟就下穴蓋謂所

坐本欲庇雷允恭不忍破其妾作耳然其

邪謀深遠得位歲久心不可測雖沂公以

計傾之而公議不以爲非也

龍川志

沂公在中書得光州奏祕書監致仕丁謂卒

頑謂同列曰斯人平生多智數不可測其

在海外由能用智而還若不死數年未必

不復用斯人復用則天下之不幸可勝道

哉吾非幸其死也

東軒筆錄

曹利用旣授南陽之命將入謝莊憲慮其

詆訐而未有以却之遣中使江德明問公

公亦慮其交惡兩官遽請傳宣放謝利用
泯默而去初利用恃恩恣橫公每加裁抑
及其得罪公獨極言其枉太后曰卿當
言利用之非今何爲佑之公對曰臣所述
利用侵官弄權蠹壞朝廷綱紀今被以不
軌則爲枉爾故卒從輕議錄言行

明肅攝政馬季良聯姻劉氏以非道干進
太后欲擢爲龍圖閣待制顧公守正難之
太后果欲擢爲龍圖閣待制顧公守正難之
會公移疾數日喻貳政者擢季良且曰王
曾在告當亟行之諸公承順忽遽故季良
止以太常丞充職蓋三丞未嘗有預內閣
清職者中外誼傳而公持正之名益重焉

錄言行

天聖中陳堯咨尹京自以先朝初榜狀元未
大用頗觖望常爲誣謗明肅惑焉公奏
曰臣等職預弼諧敢不心存公正但讒人
罔極不可不察臣請以藥物喻之醫方謂
藥有相使相反惡者而甘草爲國老以其
性能和衆藥故湯劑中不以寒溫多或用
之而班猫有毒相反若同用之則致害人
此其驗也后即時大悟數日陳有廉車
之命出守於外錄言行

天聖中楊崇勲帥殿衛日詣中書白事屬微
雨新霽穿泥轍直登階公領之不以常禮
廷坐楊退劾奏其罪送宣徽院問狀翌日
奏請傳詔釋之明肅訝其然公曰崇勲
武夫不知朝廷之儀舉奏者柄臣所以振
紀綱寬釋者人主所以示恩德如此則仁
愛歸於上而威令肅於下矣錄言行

王欽若再秉大政屢以宮觀奉蹠簡不若
昔時爲言明肅依違未能決公一日於
簾前奏曰天道遠人道邇天禧中靈文降
言先帝聖壽三萬日時欽若率先慶抃

天聖初公嘗詮錄古先聖賢事跡凡六十事
繪事以獻上嘉納之降詔褒美仍勑鑄
板模印均賜近侍因命禁署月繪二十軸
以進焉公又建議請擇名儒勸講尋命孫
奭馮元更侍經筵及戴禮終帙公率同列
獻詩以賀後孫公即世馮亦外補公自魏
移洛經塗肆觀復以講席爲言錄言行

曰三萬日八十三歲 太后必亦記之後
乃無驗然則今日欽奉之禮自不湏過當
欽若誠然而退自爾不復言言行錄

韓魏公言希文師曾畏沂公師曾初入館編

別錄

及公而猥當柄用乃先於公者蓋以搢紳
之士畏公而不畏曾故也公誠能去其可
畏之跡使人無所復畏登庸調化必有日
矣杜杞書杞

公嘗言始參大政屬故太尉王公當國每進
用朝士必先望實或曰某人才某人賢則
曰誠知此人然歷官尚淺人望未著且俾

養望歲久不渝而後擢任則榮塗坦然中
外允愜故公執政之日遵行是言而人皆
心服言行錄

公留守洛師屬歲歉里有困積者飢民聚黨

脅取隣郡以強盜論報死者甚衆公但重
笞而釋之遠近聞以爲法全活者數千計

仍上言國初江浙未下之日嘗命陝雍晉
絳歲漕粟以赴京師遂詔給陝粟二十萬

儲廩充而民息有于今賴之言行錄

公凡更四鎮所至悉興學校輶俸錢以助其

費青州仍出家藏書以備習讀言行錄

公非聖之書未嘗再覽邪誕之事未嘗致毀
亦不之信南都府署之內有神祠頗推靈
外豈惟演所敢侔哉公曰不然曾之才不

列耶師曾終身以爲媿別錄
韓魏公言王沂公當國門下未嘗見顯拔一
人希文乘間輒諷之曰明揚士類宰相之
任也公之盛德獨少此爾沂公徐應之曰

司諫不思邪恩若已出怨將誰歸希文憫

然嘆曰真宰相也

公別錄○又歸田錄云王沂公方正持重最爲賢相嘗

以大臣執政不當收恩避怨曰恩欲歸已怒使誰當聞者歎服以爲名言

錢惟演出守河橋詣公爲別公酌酒餞之錢

曰惟演身列將相不爲不重然朝廷每闕輔相議不在中惟公憐之公答曰相公才

用閥閱豈曾所敢望然曾忝冠宰府僅已

數年相公尚寄藩屏者何也錢曰惟演才

識不茂寔假遭逢相公科第文章揚歷中

外豈惟演所敢侔哉公曰不然曾之才不

惟日有請禱公下車之始即杜其出入之所惟朔望俾牙校致奠訖無他異時訛言有恠物夜飛下食小兒者遠近相恐未昏則捷戶滅燭蔽匿童稚以黃紙薰炷置門用爲厭勝公聞之戒徹巡之吏悉令屏去有爲先倡者捕而重笞逐出於境民情遂安妖至襄邑而止

錄言行

公再莅大名代陳堯咨既視事府署毀圮者即舊而葺之無所改作什器之損失者寧補之如數政有不便委曲彌縫悉掩其非及移守洛師陳復爲代覩之歎曰王公宜其爲宰相我之量弗及已蓋陳以昔時之嫌意謂公必返其故發其隱也

錄言行

公再莅大名治政益信於俗民居軍伍咸盡像以事之時虜使每往復入境皆云此府王公在焉必沐浴潔服而後入

錄言行

公前罷叅政日往候故太尉王公王已疾困辭弗得見既而顧其壻范令孫再言曰王君介然他日勲業德望甚大顧余不得見之耳且曰王君昨以避諱會靈使領拂

上意而王君進對詳雅詞直氣和了無所憚且王君始被進用而能若是僕在政府幾二十年每進對忤意即躡躅不能自容以是知其儻度矣初公自登朝歷掖垣內署每謁王公必語及闢政公辭以不在其位不敢預聞王曰嘻君他日必當重任期君振舉之耳

錄言行

韓魏公言王沂公德器深厚而寡言當時有得其品題一兩句者人皆以爲榮琦爲諫官時因納劄子忽云近日頻見章疏甚好只如此可矣向來如高若訥輩多是擇利范希文亦未免近名要須純意於國家事爾琦聞此言益自信也

別錄

公嘗語曰昔楊文公有言人之操履無若誠實吾每欽佩斯言苟執之不渝夷險可以一致

錄言行

公自奉甚薄待客至厚於滋味無所偏嗜庖人請命未嘗改饌事諸父諸母乳母盡其孝謹葬外氏十餘喪嫁姻族孤女數人

錄言行

王沂公與孫冲同榜沖子京一日往辭沂公

相留云喫食了去飭子弟云已留孫京喫

食安排饅頭饅頭時爲盛饌也食後合中

送數軸簡紙開看皆是他人書簡後截下

紙其儉德如此

韓莊敏遺事

王沂公當國屢薦呂許公夷簡是時

明肅

太后聽政沂公奏曰臣屢言夷簡才望可

當政柄而兩官終未用以百度

太后之

意不欲其班在樞密使張晏之上耳且晏

一赤脚健兒豈容妨賢如此

太后曰固

無此意行且用夷簡矣沂公曰兩宮既已

許臣臣請即令宣召學士草麻

太后從

之及許公大拜漸與沂公不叶

東軒筆錄

公資質端厚眉目如刻畫盛服屹然入朝進

止有常處平居寡言自奉廉約人莫敢干

以私楊文公嘗目之曰王君揚休山立宗

廟器也

胡文定公曰李文靖澹然無欲王沂公儼然

不動資稟既如此又濟之以學故是八九

分地位也

五之二

丞相李文定公

公名迪字復古其先趙郡人後家濮州舉進士第一歷通判徐兗州知鄆州爲

三司鹽鐵副使知制誥以集賢院學士

知永興軍徙陝西都轉運使入翰林爲

學士天禧中拜給事中參知政事仁

宗爲皇太子命兼賓客拜吏部侍郎同

平章事出知鄆州仁宗即位太后

預政貶衡州團練副使起知舒州江寧

河南府太后崩復入相景祐中出知

亳州召還除資政殿大學士降太常卿

知密州復拜大學士除彰信軍節度使

知天雄軍徙青州以太子太傅致仕薨

年七十七

李文定公爲舉子時從种放明逸先生學將

試京師携明逸書見柳開仲塗以文卷爲

贊與謁俱入久之仲塗出曰讀君之文須

沐浴乃敢見因留之門下一日仲塗自出題令文定與其諸子及門下客同賦賦成

驚曰君必歿天下爲宰相令門下客與諸子拜之曰異日無忘也及文定爲宰相仲塗門下客有柳某者文定命長子東之娶其女不忘仲塗之言也文定所擬賦題不傳如王沂公曾初作有物混成賦識者知其決爲宰相蓋所養所學發爲言辭者可以觀矣程明道先生爲伯溫云開見錄

李文定公罷陝西都轉運使還朝是時真

開見錄

宗方議東封西祀修太平事業知秦州曹

璫奏羌人潛謀入寇請大益兵爲備上大怒以爲璫虛張虜勢恐燭朝廷以求益兵以迪新自陝西還召見示以璫奏問其虛實欲斬璫以戒妄言者文定從容奏曰

璫武人遠在邊鄙不知朝廷事體輒有奏

陳不足深罪臣前任陝西觀邊將才略無

能出璫之右者他日必能爲國家建功立

事若以此加罪臣爲陛下惜之上意

稍解迪因奏曰璫良將必不妄言所請之

兵亦不可不少副其請臣觀陛下意但

不欲從鄭州門出兵耳秦之旁郡兵甚多

上曰今當出金帛數百萬借三司公

可發以戍秦臣在陝西籍諸州兵數爲小

冊常置鞶囊中以自隨今未敢以進上

曰趣取之迪取於鞶囊以進上指曰以

某州某州兵若干戍秦州卿即傳詔於樞

密院發之旣而虜果大入寇璫迎擊大破

之遂開山外之地奏到上喜謂迪曰山

外之捷卿之功也聞記

上將立章獻后迪爲翰林學士屢上疏諫

以章獻起於寒微不可母天下由是

章獻深銜之周懷政之誅上怒甚欲責

及太子群臣莫敢言迪爲叅知政事俟

上怒稍息從容奏曰陛下有幾子乃欲

爲此計上大寤由是獨誅懷正等而東

宮不動搖迪之力也聞記

公在翰林時仍歲旱蝗國用不給一日歸沐

忽傳詔對內東門上出三司所上歲出入

財用數問何以濟公曰祖宗初置內藏

庫欲復西北故土及以支凶荒今邊無他

費陛下用此以佐國用賦歛寬民不勞

矣上曰今當出金帛數百萬借三司公

曰天子於財無内外願下詔賜三司以顯示德澤何必曰借 上悅又言 陛下東封時敕所過無伐木除道行宮裁加塗蕪而已及幸汾毫土木之役過往時幾百倍今旱蝗之災殆天意所以儆 陛下也上曰卿之言然一二臣誤朕爲此

真宗晚年不豫嘗對宰相盛怒曰昨夜皇后以下皆云劉氏獨置朕於宮中衆知 上眊亂誤言皆不應李迪曰果如是何不以法治之良久 上寤曰無是事也 章獻在帷下聞之由是惡迪聞記

真宗不豫大漸之夕李文定公與宰執以祈禳宿內殿時 仁宗幼冲八大王元儼者有威名以問疾留禁中累日不肯出執政患之無以爲計偶翰林司以金盃貯熟水曰王所湏也文定取案上墨筆攬水中盡黑令持去王見之大驚意其有毒也即上馬去文定臨事大率類此聞見錄

真宗旣疾甚殆不復知事李迪丁謂同作相內臣雷允恭者嬖臣也自劉后以下皆畏

事之謂之進用皆允恭之力嘗傳宣中書欲以林特爲樞密副使迪不可曰除兩府湏面奉聖旨翌日爭之上前聲色俱厲謂辭屈俛首鞠躬而已謂既退迪獨留納劄子 上皆不能省記而二相皆以郡罷允恭傳宣謂家以中書闕人權留謂發遣謂因直入中書見同列召堂吏諭之索文書閱之來日與諸公同奏事 上亦無語衆退獨留及出道過學士院問院吏今日學士誰直曰劉學士筠謂呼筠出口傳聖旨令謂復相可草麻筠曰命相必面得旨果爾今日必有宣召麻乃可爲也謂無如之何它日再奏事復少留退過學士院復問誰直曰錢學士惟演謂復以聖旨語之人爲之一空將草李公責詞時宋宣獻知制誥當直請其罪名謂曰春秋無將漢法不道皆其事也宋不得已從之詞旣上謂猶嫌其不切多所改定其言 上前爭議曰惟此震驚遂至沉頓謂所定也及謂貶

朱崖宋猶掌詞命即爲之詞曰無將之戒
深著於曾經不道之誅難逃於漢法天下
快之龍川志○又記聞云真宗不豫冠率得罪
丁謂李迪同爲相以其事進呈上命除準
小慶知州謂退署其紙尾曰奉聖旨除遠小慶知州
迪曰歸者聖旨無遠字謂與君面奉德音君授撫改聖旨以底準邵由是二人鬭鬭更相論奏上命
翰林學士錢惟演草制罷謂政事惟演出迪而留
謂外人先聞其事制出無不愕然上亦不復省也
○又立丁謂與迪同奏事退既下殿謂矯書聖語欲
爲林特遷官迪不勝忿與謂爭辨引手板欲擊謂謂
走獲免因更相論奏詔二人俱罷相迪知鄆州明日
謂復留爲相

迪至鄆半歲 真宗晏駕迪貶衡州團練副使謂使侍禁王仲宣押迪如衡州仲宣始至鄆州見通判以下而不見迪迪皇恐以刃自剄人救得免仲宣凌侮迫脅無所不至人往見迪者輒籍其名或餽之食留至臭腐棄捐不與迪客鄧餘怒曰豎子欲殺我公以媚丁謂邪鄧餘不畏死汝殺我公我必殺汝從迪至衡州不離左右仲宣頗憚之迪由是得全至衡州歲餘除祕書監知舒州 章獻太后上仙迪時以尚書右丞知河陽召復爲相迪自以受不世之遇盡心輔佐知無不爲呂夷簡忌之潛短之

於 上歲餘罷相出知某州迪謂人曰迪不自量恃 聖主之知自以爲宋璟而以呂爲姚崇而不知其待我乃如是也記
李文定與呂文靖同作相李公直而疎呂公巧而密李公嘗有所規畫呂公覺非其所能及問人曰李門下誰爲謀者對曰李無它客其子東之慮事過其父也呂公因謂李公公子東之才可用也當付以事任李公謙不敢當呂公曰進用才能此自夷簡事公勿預知即奏除東之兩浙提刑李公父子不悟也皆喜受命二公內既不協李公於 上前求去 上怪問其故李奏曰老疾無堪夷簡公相謾欺具奏所以 上召呂面質之時燕王貴盛嘗爲其門僧求官二公共議許之既而呂公遂在告李公書奏與之久之忘其實反謂呂獨私燕邸呂公以案牘奏 上李慚懼待罪遂免去其後王沂公久在外意求復用宋宣獻爲叅知政事甚善呂公爲沂公言曰孝先求復相公能容之否呂公許諾宣獻曰孝先

五之三

參政魯肅簡公

於公事契不淺果許則宜善待之不宜如復古也呂公笑然之宣獻曰公已位昭文孝先至以集賢處之可也呂公曰不然吾雖少下之何害遂奏言王曾有意復入上許之呂公復言願以首相處之上不可許以亞相乃使宣獻問其可否沂公無所擇既至呂公專決事不少諱二公又不協王公復於上前求去上問所以對

仁宗在東宮魯肅簡公爲諭德其居在宋門外俗謂之浴堂巷有酒肆在其側號仁和

賄成臣不能盡記王博文自陳州入知開封府所入三千緡上驚復召呂公面詰之呂公請付有司治之乃以付御史中丞范諷推治無之王公乃請罪求去蓋呂公族子昌齡以不獲用爲怨時有言武臣王博古嘗納賂呂公者昌齡誤以博文告王不審遂奏之上大怒遂王公鄆州呂公亦以節鉞知許州叅知政事宋宣獻蔡文忠皆罷去李王二公雖以疎短去位然天下至今以正人許之

龍川

公名宗道字貫之亳州譙人舉進士歷

樞元年擢右正言仁宗爲皇太子除

兼諭德及即位兼侍講判吏部流內銓

拜右諫議大夫叅知政事居位七年薨

酒有名於京師公往往易服微行飲于其

中一日真宗急召公將有所問使者及

門而公不在移時乃自仁和肆中飲歸中

使遽先入白乃與公約曰上若恠公來

遲當託何事以對幸先見教冀不異同公

曰但以實告中使曰然則當得罪公曰飲

酒人之常情欺君臣子之大罪也中使嗟

歎而去真宗果問使者具如公對真

宗問公何故私入酒家公謝曰臣家貧無

器皿酒肆百物具備賓至如歸適有鄉里

親客自遠來遂與之飲然臣旣易服市人

亦無識臣者 真宗笑曰卿爲官臣恐爲
御史所彈然自此奇公以爲忠實可大用
晚年每爲章獻明肅太后言群臣可大
用者數人公其一也後章獻皆用之歸田錄

魯宗道爲正言事有違誤風聞彈疏 真宗
稍厭之宗道一日自訟於上前曰臣在
諫列而諫守臣職也 陛下以數而厭之
豈非事納諫之虛名俾臣尸素苟祿乎臣
竊愧之願得罷去 上悅其忠慰勉以遣
他日追念其言御筆題殿壁曰魯直遺

章獻太后臨朝魯肅簡公屢有獻替 太后
問唐武后何如主對曰唐之罪人也幾危
社稷 太后默然時有上言請立劉氏七
廟者 太后以問輔臣衆不敢對公獨曰
不可退謂同列曰若立劉氏七廟如嗣君
何 帝 太后將同幸慈孝寺欲以大安
輦前 帝行公曰婦人有三從在家從父
嫁從夫夫歿從子 太后乃命輦後乘輿
行執政多任子於館閣讀書公曰館閣育
天下英才豈紓袴子弟得以恩澤處耶吾

子誠幼已任京官然終不使恩國恩樞密
使曹利用恃權驕橫公屢折之 帝前時
責咸用事者莫不憚之目爲魚頭參政因
其姓且言骨鰻如魚頭也

魯肅簡公立朝剛正嫉惡少容在政府七年
務裁抑僥倖不以名器私人及薨太常謚
曰剛簡議者不知爲美謚以爲因謚譏之
竟改爲肅簡公與張文節公知白當垂簾
之際同在中書二公皆以清節直道爲一
時名臣而魯尤簡易若曰剛簡尤得其實
也歸田錄

五之四

叅政薛簡肅公

公名奎字宿藝絳州正平人中進士第
歷隰州推官知莆田長水縣徙知興州
入爲殿中侍御史出爲陝西轉運使遷
江淮制置發運使擢三司戶部副使出
知延州權知開封府權御史中丞出知
并州改秦州加樞密直學士知益州召
權三司使遂拜叅知政事罷判尚書都
省薨年六十八

薛簡肅公舉進士時摯謁馮魏公首篇有囊
書空自負早晚達明君之句馮掩卷而謂
之曰不知秀才所負何事讀至第三篇春
詩云千林如有喜一氣自無私乃曰秀才
所負者如此東齋記事

契丹使蕭從順來朝是時莊憲明肅太后
垂簾聽政從順謂南使至契丹者皆見太
后遂亦請見朝議患之未有以決公獨以
理折之從順乃止

歐陽公撰墓誌

公在開封以嚴爲治肅清京師京師之民至

私以俚語目公且相戒曰是不可犯也及

居蜀則以惠愛稱民有得僞蜀時中書印
者夜以錦囊掛之西門門者以白蜀人隨
之者萬計皆恂恂出異語且觀公所爲公
顧主吏藏之略不取視民乃止老嫗告其
子不孝者子訴貧不能養公取俸錢與之
曰用此爲生以養母子遂相慈孝里富人
三女皆孤民或妄爭其產公析其貲爲三
爲嫁其女蜀人喜亂而易搖公旣鎮以無
事又能順其風俗從容宴樂及其臨事破
姦發伏無一不中蜀人愛且畏之以比張
尚書詠而不苛開封天子之畿益州蜀一
都會皆世號尤難理者而公尤有名其寃
猛之政前後異施可謂知其方矣

基誌

公在成都一日置酒大東門外城中有戍卒
作亂旣而就擒都監往白公公指揮只於
擒獲處令人喫却民間以爲神斷不然妄
相攀引旬月間未能了得又安其徒黨反
側之心也

東齋記事

王文康公薛簡肅公俱嘗鎮蜀而皆有名

章獻時同爲執政一日奏事已因語蜀事

文康曰臣在蜀時有告戍卒反乃執而斬

之於營門遂無事簡肅曰臣在蜀時亦有

告戍卒反者叱出之亦無事

東齋記事

拜參知政事公入謝上曰先帝嘗言卿

可用吾今用卿矣公益感激自勵而素剛

毅守節不苟合旣與政尤挺立無所牽隨

然遂欲繩天下無細大一入於規矩往往

不可其意則歸卧於家歎息憂愧輒不食

家人笑其何必若此公曰吾慚不及古人

而懼後世譏我也

墓誌

明道二年莊憲明肅太后欲以天子袞冕

見太廟臣下依違不決公獨爭之曰太

后必若王服見祖宗若何而拜乎太

后不能奪爲改他服太后崩上見群

臣泣曰太后疾不能言而猶數引其衣

若有所屬何也公遽曰其在袞冕也然服

之豈可見先帝乎上大悟卒以后服

葬於是益以公爲果可用也

墓誌

○又湘山野錄云明肅

太后欲以袞冕謁太廟諫疏交上率臣執議俱不之聽薛簡肅公聞右人語氣明直不文其談獨於簾外

耶女兒奏曰陛下大謁之日還作漢兒拜

公性剛不苟合遇事敢言真宗時數燕大

臣至有霑醉者公諫曰大臣數被酒無威

儀非所以重朝廷也尤善知人范仲淹龐

籍明鎬自爲吏部選人皆以公輔許之後

卒如其言云歸田錄云薛簡肅公知開封時明

公輔期之其後公守泰益嘗辟以自隨優禮特異有

問於公何以知其必貴者公曰其爲人端肅其言簡

而理盡凡人簡重則尊嚴此貴臣

相也其後果至參知政事以卒

五之五

參政蔡文忠公

公名齊字子思其先洛陽人徙家萊州
真宗朝舉進士第一通判兗州直集賢
院 仁宗初修起居注兼御史知雜事
入翰林爲學士出知河南府徙密州應
天府召爲御史中丞擢三司使拜樞密
副使參知政事出知潁州薨年五十二

公幼依外舅劉氏能自力爲學州舉進士第
一以書薦其里人史防而居其次祥符八年
真宗皇帝采賈誼置器之說試禮部
所奏士讀至公賦有安天下意歎曰此宰
相器也凡貢士當賜第者考定必召其高
第數人並見又參擇其材質可者然後賜
第一及公召見衣冠儼然進對有法 天

子以爲無能過者亟以第一賜之

狀○又歸

人由是風化大行

狀行

真宗新棄天下 天子諒陰不言丁晉公用

事專權欲邀致公許以知制誥公拒不往

已而寇萊公王文康公皆以不附連黜公

蔡文忠公喜酒飲量過人既登第通判濟州

以爲

道先生私謚曰存

漏水燕談○賈同字希德門人

通判兗州太守王臻治政嚴急喜以察盡爲
姦利者已逾十年蹤跡連蔓至數百人公
歎曰盡利於民民無所逃是爲政者之過
也爲緩其獄得減死者十餘人餘皆釋而
不問潍人皆曰公德於我使我自新爲善
人由是風化大行

真宗好文雖以文解取士然必視其形神
器識或取其所試文辭有理趣者徐與鑄鼎蒙物賦
云足惟下正詔聞公傾傾銓乃上层實取王臣
之底重蔡齊置器賦云安天下於覆盂其功可大皆

權臣所脅得罪非吾懼也既而晉公敗士

嘗爲其用者皆恐懼獨公終無所屈

狀行

太后修景德寺成詔公爲記而官者羅崇勲
主營寺事使人陰謂公曰善爲記當得參
知政事公故遲之頗久使者數趣終不以

進崇勲怒讒

狀行

莊獻明肅皇太后崩議尊楊太妃爲太后垂
簾聽政議決召百官賀公曰天子明聖
奉太后十餘年今始躬親萬事以慰天下
之心豈宜女后相繼稱制且自古無有
固止不追班太妃卒不預政止稱太后於
宮中

京師有指荆王爲飛語者內侍省得三司小
吏鞠之連及數百人上聞之大怒詔公
窮治迹其所來無端而上督責愈急有
司不知所爲京師爲之恐動公以謂繆妾
之說起於小人不足窮治且無以慰安荆
王危疑之心奏疏論之一夕三上上大
悟乃可其奏止笞數人而已中外之情乃

安

狀行

南海蠻酋虐其部人部人欵宜州自歸者八
百餘人議者以爲不可納宜還其部公獨
以爲蠻去殘酷而歸有德且以求生宜內
之荆湖賜以間田使自營今縱却之必不
復還其部苟散入山谷當爲後患爭之不
能得其後數年蠻果爲亂

狀行

郭皇后廢京師富人陳氏女有色選入宮爲
后公爭之以爲不可自辰至巳辨論不已
上意稍悟遂還其家河決橫壠改而北流
議者以爲當塞公曰水性下而河北卑順
其所趣以導之可無澶滑壅潰之患而貝
博數州得在河南於國家便但理堤護魏
州而已從之澶滑果無患契丹祭天於幽
州以兵屯界上界上驚搔議者欲發大軍
以備邊公獨料其必不動後卒無事公在
大位臨事不回無所牽畏而恭謹謙退未
嘗自伐天下推之爲正人縉紳之士倚以

爲朝廷重

狀行

錢惟演作樞密直學士題名記附離丁謂輒
去寇準姓氏云逆準不書公言於仁宗

曰寇準社稷之臣忠義聞天下豈可爲姦黨所誣哉遂令磨去

公之卒故吏朱宋至穎穎之吏民見宋泣於馬前指公嘗所更歷施爲曰此公之迹也其爲政有仁恩所至如此平生喜薦士如楊偕郭勸劉隨龐籍段少連比比爲當世名臣公爲人神色明秀須眉如畫精學博問寬大沉默一言之出終身可復行狀

仲淹自布素從公遊見公出處語默無一不善門中奉親日視其色諸父昆弟愛之如傷先朝采拔以輔相器之當遺弓之初公懷哀慕不能食者數日家人視其衾衣涕泗霑濕公病汝陰聞拓拔僧稱嘻吁感槩教弟稟言西事甚詳蓋忠孝之性發之天也公於親舊間雖死生不易有孤遺者爲之後世襲文宣公而宰曲阜乾興中四十九代孫承祐卒遂廢十餘年公聞承祐有母弟在抗章請復其嗣有詔從之其立朝也能清其心高其行未嘗取於人兩屋憲

臺方嚴不動百辟畏其風權戚有過則彈劾不隱未嘗求其下也在政府浩然示至公於中外以進賢爲樂以天下爲憂見佞色則嫉聞善言必謝孜孜論道以致君堯舜爲心與大臣扈和而不倚正而不訐無親疎之間有方大之量朝廷爲之重刑賞爲之平范文正公
撰墓誌

五朝名臣言行錄卷第六之一

丞相許國呂文靖公

公名夷簡字坦夫其先萊州人徙壽州

進士及第補絳州推官通判通州知濱州

擢提點兩浙刑獄入爲侍御史知雜事改起居舍人同知通進銀臺知制誥

兩川饑爲安撫使權知開封府仁宗

即位拜參知政事進戶部侍郎同平章

事出判陳州歲中復相封申國公出判

許州從天雄軍未幾復入相從封許國

公兼樞密使拜司空平章軍國重事慶

曆三年請老以太尉致仕薨年六十五

配食仁宗廟庭

歲大水濱州河溢寇忠愍公知大名府請擇

守臣天子親諭宰相以公行至則究利

害固隄防分導水勢卒不爲民患濱人至

今思之

李宗誨
撰行狀

河北自五代末即筭田鑄公嘆曰王道本於

農此何名哉因表除之朝廷推其法它路

自是農器無征行狀

祥符末王沂公知制誥朝望日重一日至中

書見王文正公問君識一呂夷簡否沂公

曰不識也退而訪諸人許公時爲太常博士

通判濱州人多稱其才者它日復見文

正復問如初沂公曰公前問及此人退而

訪之具所聞以告文正曰此人異日與舍

人對秉鈞軸沂公曰公何以知之曰吾亦

不識但以其奏請得之沂公曰奏請何事

曰如不稅農器等數事時沂公自待已不

淺聞文正之言不信也姑應之曰諾既而

許公自濱罷擢提點兩浙刑獄未幾爲侍

從及丁晉公敗沂公引爲執政卒與沂公

並相沂公從容道文正語二公皆嗟嘆以

爲非所及其後張公安道得其事於許公

故於許公神道碑略叙一二

龍川志

祥符中營繕宮館材用所取東南驅動斬材

木者或碎首洞脣官嚴期會以希上意

死者以亡命捕繫妻子公抗疏條白卒緩

其役調夫挽送材木盛冬河涸暴露岸次

又請一切罷遣行狀

嶺南獲賊意以爲蜀盜李順者獻闕下王欽

若在樞府即稱慶 上以屬臺公劾之無

實乃守臣利其功鍛成之具以聞欽若愧

其前慶欲遂致其罪公執平無所變撓

上亦從之

狀行

歲旱蝗公表請飭躬修政略去賚吟小技敕

輔相以弭災變

狀行

寇忠愍公知永興軍府有姦民吏不能制寇

公摘其罪竄湖外過京師上變自訴且告

寇公有異謀公惡姦人得志傷信任之體

請加重刑益遠竄報可公不欲外聞以恩

自歸戒吏不泄語外卒無知者

狀行

時有習妖術者相傳能飛且擾人都下大駭

捕工術數者皆考訊傳致其罪公奏請取

捕吏使參考以防其枉 帝寤遂無寃者

狀行

祥符中崇奉天書設官置使典司其事儀衛

物采甚盛矣 真宗崩比將葬文靖公判

禮儀院建議納天書於方中而官司儀衛

皆罷天慶天祺先天降聖等節但存其名

而已允公處事皆類此

家塾記

入內押班雷允恭擅移永定陵皇堂而丁謂

范之朝廷命公與魯肅簡公乘傳按視盡

得其迹及允恭等盜沒方中金寶以萬計

狀聞乃用按行故地抵允恭罪而罷謂相

狀行

真廟升祔器服一倣宮中務極隆厚公因論

事奏曰 皇太后於 先帝喪祭之禮曲

盡尊奉此雖至誠至孝之道然未足以報

先帝惟遠姦邪獎忠直推心待下克己抑

謙愛惜民財拔擢時彥使邊鄙寧靜人物

富庶 皇帝德業日茂 太后壽樂無憂

此乃報 先帝之大節也 太后又命

真廟神主覆以銀罩及供設用鏤器公引

祀無豐昵清廟茅屋丹楹刻桷之戒手疏

以聞后亦從焉

狀行

太后初臨朝宣諭兩府深不欲行此禮候

皇帝長立別有處分公即日編入時政記

後每言事必引及之以感動后意又多稱
引前代母后臨政所以致禍之道以勸戒

焉狀行

天聖郊燔卒事柄臣例進官至是有司援舊以請公倡同列確讓不拜遂著爲定式

狀行

曹利用得罪遣內侍押班江德明圍其第公

與王沂公列奏利用雖有罪非至不軌乞

從寬宥遂止遠貶

狀行

王清宮災太后見大臣泣且曰先帝尊

道奉天並建宮宇今忽焦灼何以稱遺意

哉公知后旨且復營建因推洪範以明災

異之所致請罷不復建因率同列讓去使

名止令內臣兼領遂不復葺

狀行

公以主上方富春秋宜導之典學擢孫獎

等厯講席以經義輔導後又增置崇政說

書天章閣侍講之職以廣聞見

太后親祠大廟冕服章欲一用天子之制

公帥禮官前請於是冕十旛衣用十章物

數之間悉損於上

狀行

初章懿之誕上也章惠章獻皆以母稱而

懿不得名及是章懿崩公聞之方奏事因

曰竊聞昨夕有宮嬪亡后聞之不憚不待

頃之后獨出曰卿固欲間吾母子耶公曰太后他日不欲保全劉氏乎后乃命公裁之公請葬如禮司天探后意以陰陽拘忌聞公執議益堅卒輟視朝發哭備宮仗葬西原苑中春會太后以君臣宴豫不應罷公固請乃已

狀行○又聞見錄云李宸妃薨章獻厚章獻遽引帝起傾之曰獨坐簾下召公問曰一宮人死相公去云何與公曰相公欲離間吾母子耶公從容對曰陛下不以劉氏爲念臣不敢言尚念劉氏也喪禮宜從厚章獻悟遽曰宮人李宸妃也且奈何文靖乃請治喪皇儀殿太后與帝舉哀後苑百官奉靈舉由西華門以出用一品禮殯洪福寺又謂入內都知羅崇勲曰宸妃當以後服殯洪福寺仁宗言陛下李宸妃所生妃死以非命仁宗號慟喪節不規朝者累日下哀痛之詔自責尊宸妃爲皇后謚南單章獻殿瓊幸洪福寺祭告易梓宮帝親天視之后玉色如生冠服如皇太后者以有水沃天故不壞也帝嘆息曰人言其可信哉待劉氏加厚又龍川志云章獻既沒或疑章懿之喪仁皇遣李用和發其葬視之容兒如生使者馳入奏仁皇於章獻神御前焚香泣告曰自今大婦嫁平生分明矣

公在章獻朝近臣頗以言事去職或勸公宜

退公曰先帝待我厚期以宗廟安寧死

而不愧於先帝故平勃不去所以安漢

仁傑不去所以安唐使吾亦潔虛名而去

治亂未可知也故孜孜燬輔知無不爲雖禍之未形事之將然必先爲之救禦

狀行

太后嘗欲進荆王爲皇太叔公力爭以爲不

可遂止又以荆王子養於宮中既長而弗

出公因對言及以爲不可后曰無他欲令

與皇帝同讀書耳公言皇帝春秋方

盛自當親接儒臣日聞典訓今與童稚處

無益乞早令就邸他日又極言后曰何

至如此公曰前代母后多利於幼稚試披

史籍即可見嫌疑之際不可不謹臣今只

在中書聽旨

狀行后寤即日遣令出宮

大內災宮室略盡比曉朝者盡至日晏宮門

不發不得聞上起居兩府請入對不報

久之追班上御拱宸門樓有司贊謁百

官盡拜樓下公獨立不動上使人問其

意對曰宮廷有變群臣願一望天顏上

爲舉簾俯檻見之乃拜

狀行

明肅太后臨朝一日問宰相曰福州陳絳贓

汚狼籍卿等聞否王沂公對曰亦頗聞之

太后曰旣聞而不劾何也沂公曰外方之

事湏本路監司發擿不然臺諫有言中書方可施行今事自中出萬一傳聞不實即所損又大也太后曰速選有風力更事

任一人爲福建路轉運使二相稟旨而退至中書沂公曰陳絳滑吏也非王耿不足

以擒之立命進熟呂許公俛首曰王耿亦

可惜也沂公不諭時耿爲侍御史遂以爲

轉運使耿拜命之次日有福建路衙校拜

于馬首云押進奉荔枝到京耿偶問其道

路山川風候而其校應對詳明動合意旨

耿遂密訪絳所爲校輒泣曰福州之人以

爲終世不見天日也豈料端公賜問然某

尤爲絳所苦者也遂條陳數十事皆不法

之極耿大喜遂留校於行臺俾之幹事旣

置詔獄事皆不實而校遂首常納禁器于

耿事聞太后大怒下耿吏獄具謫耿淮

南副使皆如許公之料也

澠水
燕談

契丹遣使借兵伐高麗明肅欲與之文請

公堅執不可后云適已微許其使矣不與

恐生怨柰何公曰但以臣不肯拒之旣而

后語其使曰意非不欲應但呂相公堅不可耳使人無語而去趙元昊反有詔削奪在身官爵募能生擒元昊若斬首者即爲節度使仍賜錢萬貫公時在大名府聞之驚曰謀之誤矣立削奏曰前代方鎮叛命一反有不遜之言得無損國體乎朝廷方如此誥誓則有之矣非所以禦戎狄也萬一改之已聞有指斥之詞矣

家鑒

章獻嘗爲大車乘幸浮圖公曰太后既稱制出宜有仗此車無名命有司鎖之不復以進其防微杜漸皆此類

狀行

章獻明肅之盛文靖公整敕防微杜漸者非

一未嘗與人言天下亦莫知也仁宗既

親政大臣或言當垂簾時有劉渙者嘗上章請歸政得罪于太后帝顧文靖公曰當時樞臣欲黜配嶺南賴卿力言得免若公者苟利國家雖舉此不知弗與辨也儻非聖主親發德音人誰知之豈比夫賤丈夫急己之毀譽而緩國之休戚哉

章獻崩上始親政事公手疏爲治之本以

家鑒

諷于上其目有正朝綱塞邪徑禁貨賂
姦壬絕女謁遠近習罷力役節冗費條奏
甚詳

狀行

上以章惠有保護之勤因太后遺誥特上尊名公請刊遺誥止於宮中尊奉后不悅

上不得已出公判陳州將行燕見期以半

歲召還及期果召

行狀

○韓魏公別錄云仁宗

申公曰典故無此事

上曰奈已許之呂曰如此

則陛下宮中姑立之可也呂以此意密語公時諫

官御史知其非而不敢爭也○又龍川志曰章獻崩

呂許公以后遺令冊揚太妃爲皇太后且復垂簾御

史中丞蔡齊將留百官班爭之乃止許公歎曰蔡中丞不知吾心吾豈樂爲此哉

上方年少禁中事莫

主張者其後盛美人等恣橫爭寵無如之何許公之

意或在是矣然人主既壯而母后聽政自非國家令

興雖或能整齊禁中而垂簾之後外家用事亦何所

不至古今母后臨朝如宣仁后專奉帝室不爲私

計蓋未

有也

天下學校久廢公請詔州皆立學國朝公族

分丘邱第無所統一公請置大宗正建陸

親宮置教授官悉授諸衛官以別庶姓

行狀

寇忠愍公以忠義自許邪臣因中以事廢死

南荒公辨其枉請加甄叙及賜謚以褒之

長秋虛位公抗疏請擇勲德之後有豪民陳

狀行

氏女已預推擇公以爲不可乃止即選納

曹氏行狀○韓魏公別錄云呂申公固多不正以結上無皆有說以勝人人亦不能奪也

劉后服未除而勸仁宗立曹后希文進曰又數

做一不好事它日申公語公曰此事外人不知

春秋盛郭后尚美人皆以失寵廢以色進者不可勝數已幾於昏矣不立后無以正之每事自有深意多

此類

寶元中御史府久闕中丞一日李淑對仁

宗偶問以憲長久虛之故李奏曰此乃呂

夷簡欲用蘇紳臣聞夷簡已許紳矣仁

宗疑之異時因問許公曰何故久不除中

丞許公奏曰中丞者風憲之長自宰相而

下皆得彈擊其選用當出聖意臣等豈敢

銓量之仁宗頷之東軒筆錄

初元昊拒命契丹重兵壓境上以伺釁議者

請城洛陽爲遷都之計公獨謂虜畏壯侮

怯易以威制洛邑山川挾隘以壯則不足

以威則退縮遂請建都大名示將親征以

伐虜謀或曰此爲虛聲爾不若增修東都

城池以沮契丹之志公曰此子囊城郢計

也使虜果南嚮則雖城固無益卒申前議

既而契丹求和親割關南之地及劉六符

中書許公從容言曰人臣無外交希文乃

等再至桀驁久留不能遣公奏請於殿外

幕次與虜使相見置酒面議以折之上

以爲然虜使見公畏伏語於館伴使曰觀

宰相如此雖留無益遂亟就道前好如初

狀行

景祐中呂許公執政范文正公以天章閣待

制知開封府屢攻呂公之短坐落職知饒

州康定元年復舊職知永興軍會許公自

大名復入相言於仁宗曰仲淹賢者朝

廷將用之豈可但除舊職耶即除龍圖閣

直學士陝西經畧安撫副使上以許公

爲長者天下亦以許公不念舊惡文正面

謝曰彌以公事忤犯相公不意相公乃爾

獎拔許公曰夷簡豈敢復以舊事爲念邪

及文正知延州移書諭趙元昊以利害元

昊復書語極悖慢文正具奏其狀焚其書

不以聞時宋庠爲叅知政事先是許公執

政諸公唯諾書紙尾而已不敢有所預宋

公多與之論辨許公不悅一日二人獨在

擅與元昊書得其書又焚去不奏它人敢爾耶宋公以爲許公誠深罪范也時朝廷命文正分批文正奏臣始聞虜有悔過之意故以書誘諭之會任福敗虜勢益振故復書悖慢臣以爲使朝廷見之而不能討則辱在朝廷乃對官屬焚之使若朝廷初不知者則辱專在臣矣故不敢以聞也奏上兩府共進呈宋公遽曰范仲淹可斬杜祁公時爲樞密副使曰仲淹之志出於忠果欲爲朝廷招叛虜耳何可深罪爭之甚力宋公謂許公必有言助已而許公默然終無一語上顧問許公何如許公曰杜衍之言是也止可薄責而已乃降一官知耀州於是論者喧然而宋公不知爲許公所賣也尋出知揚州記聞○又行狀云范仲淹在延州馳書使翰元昊已上遣中使於界首等截取其報書仲淹知之使人先路取其書去首尾以進上怒出書以示二府同列有抗言乞斬仲淹者公言閫外之事不可加罪上怒遂釋

夏英公于二府皆其仇也又以其黨賈文元陳恭公間焉猶欲因以傾之譽范富皆王佐可致太平於是天子再賜手詔又開天章閣而命之坐出紙筆使疏時政所當因革諸公皆推范富請退而具草使二官者更往督之且命領西北邊事既而各條上十數事而易監司按群吏罷磨勘減任子衆不利而謗興又使范公日獻二事以困之及請城京師人始笑之初某公每求去以候主意常未厭而去故能三入及老大事猶問西北相攻請出大臣行三邊於是范公使河東陝西富公使河北初某旣廷議乃數出道者院宿焉范公旣奉使宿道者院而某在焉賓退使人致問范公往見之某佯曰參政欲求去邪范公以對某曰大臣豈可一日去君側去則不復還矣今萬里奉使故疑求去耳范公私笑之久而覽報緩而請不獲召堂吏而問曰吾爲西帥每奏即下而請輒得今以執政奉使而請報不迨何也曰某別置司專行鄜

延事故速而必得耳范公始以前言爲然乃請守邊矣而富公亦不還韓又罷去而賈陳相矣及某薨范公自爲祭文歸重而自訟云議

王洙修經武聖略 仁宗覽而善之命呂夷簡用洙直龍圖閣夷簡曰此特會要中邊

防一門耳不足加賞旣出乃謂洙曰夷簡以修經武聖略欲用學士直龍圖閣而上謂特會要中邊防一門耳不足加賞故

不果洙退歸會 上使中人獎諭具道欲

用洙與夷簡以爲不可者洙因出紙筆請

中人具記 上語明日往見夷簡問昨日

嘗語洙者夷簡復稱說如昨洙因出中人

所記示之夷簡起立索笏曰 上萬幾事

繁恐不記夷簡語其後洙又修 祖宗故

事叅知政事范仲淹請用洙直龍圖閣

上已許之仲淹又曰乞宣諭出自 上意

上正色曰當用則用何必出朕意今欲宣

諭是不當用也其命遂寢仲淹大慙而退

此洙自爲孫之翰言之

南豐雜識

景祐末西鄙用兵大將劉平死之議者以朝廷委官者監軍主帥節制有不得專者故平失利詔誅監軍黃德和或請罷諸帥監軍 仁宗以問宰臣呂文靖公公曰不必

罷但擇謹厚者爲之 仁宗委公擇之對

曰臣待罪宰相不當與中貴私交何由知其賢否願詔都知押班保舉有不稱職者與同罪 仁宗從之翊日都知叩頭乞罷諸監軍官官士大夫嘉公之有謀

聞記

仁宗以西戎方熾歎人才之乏允有一介之善必收錄之杜丞相衍經撫關中薦長安

布衣雷簡夫才器可任遽命賜對於便殿

簡夫辯給善敷奏條列西事甚詳 仁宗

嘉之即降旨中書令檢 真宗召種放事

是時呂許公當國爲 上言曰臣觀士大

夫有口才者未必有實効今遽爵之以美

官異時用有不周即難於進退莫若且除

一官徐觀其能果可用遷擢未晚 仁宗

以爲然遂除耀州幕官簡夫後累官至貞

外郎三司判官而才實無大過人者

東軒筆錄

慶曆初 仁宗服藥久不視朝一日聖體康

復思見執政坐便殿促召二府宰相呂許

公聞命移刻方赴召比至中使數輩促公

同列亦贊公速行公愈緩轡既見 上曰

久疾方平喜與卿等相見而遲其來何

也公曰 陛下不豫中外頗憂一旦聞急

召近臣若奔馳以進慮人心驚動耳

上以爲深得輔臣之體聞記

呂相在中書奏令叅知政事宋綬編次中書

總例謂人曰自吾有此例使一庸夫執之

皆可以爲相矣聞記

文靖夫人因內朝皇后曰 上好食糟淮白

魚 祖宗舊制不得取食味於四方無從

可致相公家壽州當有之夫人歸欲以十

奩爲進公見問之夫人告以故公曰兩奩

可耳夫人曰以備玉食何惜也公悵然曰

玉食所無之物人臣之家安得有十奩也

其智慮過人類此聞見錄

公感風眩 天子憂甚手詔拜司空平章軍

國重事三日一入中書公表固辭御府出

萬金藥 上剪髮以賜公手詔曰古人有

言髡可療疾雖無痊驗今朕剪髮合湯藥

表予意也卿久病中書密院臣寮全然不

勾當公事任滯卿錄可以委任臣寮三五

人來卿更調攝副朕眷焉更有西北兩事

子細一一奏來公首奏陳西北事機因薦

范仲淹韓琦文彥博龐籍梁適曾公亮等

數人後皆大用狀行

公薨于鄭訃聞 上震悼對執政語公輒涕

下曰安得憂公忘身理萬事幹四鄙如呂

夷簡者狀行

上嘗大書方正忠良四字以賜及親篆王曾

墓碑額因慨然曰呂夷簡宜賜之遂書懷

忠之碑以賜其後大臣家繼有陳請自此

始也狀行

公於天下事屈伸舒卷動有操術然嘗建幕

萬勝軍雜市井小人浮脆不任戰鬪用宗

室補環衛官驟增俸賜又加遺契丹歲繒

金二十萬當時不深計之至于後世費大
而不可止

六之二

丞相陳文惠公

公名堯佐字希元閩州閩中人中進士第累遷太常丞爲開封府推官貶通判

潮州還直史館歷知廬壽二州兩浙京西河東河北轉運使入爲三司戶部副使天聖初知制誥知通鑑銀臺司出知

河南府徙并州權知開封府爲翰林學士拜樞密副使參知政事出知永興軍

徙廬州同州拜同中書門下平章事罷以使相判鄭州以太子太師致仕薨年

八十二

公爲人剛毅篤實好古博學嘗以言事貶通

判潮州其所言蓋大臣所難言者歐陽公撰

潮之惡溪有鱸魚食人不可近公命捕得鳴鼓于市以文告而戮之鱸患屏息又漏水燕

談云咸平中陳文惠公謫官潮州時潮人張氏子翟魚遂徙今乃賊人則不可赦矣乃命吏督漁者網得戰之其形爲之贊至今人多傳之鱸大者數丈或爲玄黃或蒼白似龍而無角類蛇而有足瞑目利齒見之駭人卵化山谷間大車爲轆者十二三爲餘或爲

龜或爲龜也喜食人畜其食必以尾卷去如象之任舉也

知壽州遭歲大飢公自出米爲糜以食餓者吏民以公故皆爭出米其活數萬人公曰

吾豈以是爲私惠邪蓋以令率人不若身先而使其從之樂也碑神道

錢塘江堤以竹籠石而潮噬之不數歲輒壞

而復理公嘆曰堤以捍患而反病民乃議易以薪土言者以爲非便而丁晉公主之以黜公公爭不已乃徙公京西而籠石爲堤數歲功不就民力大困卒用公議堤乃

成碑神道

河東地寒而民貧奏除石炭稅減官冶鐵課

歲數十萬以便民曰轉運征利之官也利有本末下有餘則上足吾豈爲俗吏哉碑神道

太行山當河北河東兩路之界公以謂晉前世爲險國常先叛而後服者恃此也其在河東鑿澤州路後徙河北鑿懷州路而

太行之險通行者得公以爲利公曰吾豈爲今日利哉碑神道

河決壞滑州公躬自暴露晝夜督促剏爲木龍以巨木駢齒浮水上下殺其暴堤乃成

又爲長堤以護其外滑人曰不可使後人

忘我陳公因號其堤爲陳公堤

碑神道

開府治京師公以謂治煩之術任威以擊

強盡察以防姦警於激水而欲其澄也故

公爲政一以誠信每歲正月夜放燈則悉

籍惡少年禁錮之公召諭曰尹以惡人待

汝汝安得爲善吾以善人待汝汝忍爲惡

耶因盡縱之凡五夜無一人犯法者

碑神道

太常博士陳詰知祥符縣縣吏惡其明察欲

中以事而詰公廉事不可得乃欲以奇動

京師自錄事以下空一縣皆逃去京師果

喧言詰政苛暴是時章獻明肅太后猶

聽政怒詰欲加以罪公爲樞密副使力爭

之以謂罪詰則姦人得計而沮能吏詰由

是獲免

碑神道

公十典大州六爲轉運使常以方嚴肅下使

人知畏而重犯法至其過失則多保佑之

故未嘗按黜一下吏

碑神道

故事知制誥者先試其文辭天子以公文

學天下所知不復命試自國朝以來不試

知制誥者唯楊億及公二人而已

碑神道

公居官不妄進取爲太常丞者十三年不遷

爲起居郎者七年不遷自議錢塘堤爲丁

晉公所納後晉公益用事專威福故人子

弟以公久于外多勉以進取公曰唯久然

後見吾守如是十五年今天子即位晉

公事敗授海外公乃見召用

碑神道

公初作相以唐劉蕡所對策進曰天下治亂

自朝廷始朝廷賞罰自近始凡蕡之所究

言者皆當今之弊臣所欲言而陛下之

所宜行也天子嘉納之

碑神道

公居家以儉約爲法雖已貴常使其子弟親

執賤事曰孔子固多能鄙事臨卒口占數

十言自誌其墓

碑神道

呂申公累乞致仕仁宗問之曰卿果退當

何人可代申公曰知臣莫若君陛下當

自擇仁宗再三問之申公對曰陛下

欲用英俊經綸之才臣所不知必欲圖任

老成鎮撫百度周知天下之良苦無如陳

堯佐者仁宗深然之遂大拜

碑神道

公性儉謹行見動物必戒左右勿殺器服壞

隨輒補之曰無使不全以見棄也

公父秦國公省華三子長曰堯叟爲樞密使

同中書門下平章事季曰堯咨爲武信軍

節度使皆舉進士第一人及第三子已貴

秦公尚無恙每賓客至其家公及伯季侍

立左右坐客踧踖不安求去秦公笑曰此

兒子輩爾故天下皆以秦公教子爲法而

以陳氏世家爲榮

碑道

堯咨精於弧矢常自號小由基爲知制誥出

守荆南廻其母馮氏問之曰汝典名藩有

何異政堯咨曰州當孔道過客以堯咨善

射無不歎服母曰汝父訓汝以忠孝輔國

家今不務仁政善化而專卒伍一夫之伎

豈汝先人之意耶以杖擊之金魚墜地

名臣傳

六之三

丞相晏元獻公

公名殊字同叔撫州臨川人以神童召

試擢祕書省正字召試中書累遷知制

誥入翰林爲學士遷左庶子仁宗即

位拜樞密副使出知應天府召爲三司

使拜叅知政事出知亳陳州復爲三司

使康定初知樞密院事遂爲樞密使進

同中書門下平章事慶曆中知潁陳許

州以觀文殿大學士知永興軍徙河南

府以疾請訪醫藥京師因留侍經筵諭

年薨年六十五

晏公殊父本撫州手力節級晏公幼能爲文

李虛已知滁州一見奇之許妻以女因薦

於楊大年大年以聞時年十三真宗面

試詩賦疑其宿成明日再試文采愈美

上大奇之即除祕書省正字令於龍圖閣

讀書師陳彭年陳彭年亦撫州人有文學

而姦邪丁謂薦之置上左右使其譽已

晏元獻公爲童子時張文節薦之於朝廷召

至闕下適值御試進士便令公就試公一

見試題曰臣十日前已作此賦有賦草尚

在乞別命題上極愛其不隱及爲館職

時天下無事許臣寮擇勝燕飲當時侍從

文館士大夫各爲燕集以至市樓酒肆往

往皆供帳爲遊息之地公是時貧甚不能

出獨家居與昆弟講習一日選東宮官忽

自中批除晏殊執政莫諭所因次日進覆

上諭曰近聞館閣臣寮無不嬉遊燕賞彌

日繼夕惟殊杜門與兄弟讀書如此謹厚

正可爲東宮官公既受命得對上面諭

除授之意公語言質野對曰臣非不樂燕

遊者直以貧無可爲之具臣若有錢亦湏

往但無錢不能出耳上益嘉其誠實知

事君體眷注日深仁宗時卒至大用

談筆

公旣佐佑東宮真宗所以諮詢多以方寸

小紙細書問之由是參與機密凡所對必

以其藁進示不洩其後悉閱真宗閣中

遺書得公所進藁類爲八十卷藏之禁中

人莫之見也

神道碑

真宗遺詔章獻明肅太后權聽軍國事宰

相丁謂樞密使曹利用各欲獨見奏事無

敢決其議者公建言群臣奏事太后者

垂簾聽之皆母得見議遂定

神道碑

章聖皇帝判南衙時章獻太后得幸張耆

有力焉天聖中太后以耆爲樞密使殊

言樞密與中書爲兩府同任天下大事朝

廷雖乏賢亦宜以中材者處之如耆者但

富貴之可也忤太后旨坐以笏擊僕僕

出守南京

名臣傳

公留守南京大興學校以教諸生自五代以

來天下學廢興自公始

神道碑

太后謁太廟有請服袞冕者太后以問公

公以周官后服對

神道碑

章懿之崩李淑護葬晏殊撰志文志言生女

一人早卒無子仁宗恨之及親政內出

志文以示宰相曰先後誕育朕躬殊爲

侍從安得不知乃言生一公主又不育此

何意也呂文靖曰殊固有罪然官省事祕

臣備位宰相是時雖略知之而不得其詳
殊之不審理容有之然方 章獻臨御若
明言 先后實生聖躬事得安否 上默
然良久命出殊守金陵明日以爲遠改守
南都及殊作相八大王疾革 上親往問
疾王曰叔父不見官家不知今誰作相

上曰晏殊王曰此人名在圖識胡爲用之
上歸闕圖識得成敗之語并記志文事欲

重黜之宋祁爲學士當草白麻爭之乃降
二官知潁州詞曰廣營產以殖貲多役兵
而規利以它罪羅織之殊免深謹祁之力
也

志 龍川

自公復召用而趙元昊反師出陝西天下弊
於兵公數建利害請罷監軍無以陣圖授
諸將使得應敵爲攻守及制財用爲出入

之要皆有法天子悉爲施行自宮禁先以
率天下而財賦之職悉歸有司卒能以謀
臣元昊使聽約束乃還其王號

碑道

公爲人剛簡遇人必以誠雖處富貴如寒士
樽酒相對歡如也得一善稱之如已出當

世知名之士如范仲淹孔道輔等皆出其
門及爲相益務進賢材當公居相府時范
仲淹韓琦富弼皆進用至於臺閣多一時
之賢 天子旣厭西兵閔天下困弊奮然
有意遂欲因群材以更治數詔大臣條天
下事方施行而小人權倖皆不便明年秋
會公以事罷而仲淹等相次亦皆去事遂
已

碑神道

公自少篤學至其病亟猶手不釋卷其爲政
敏而務以簡便其民其於家嚴子弟之見
有時事寡姊孝謹未嘗爲子弟求恩澤其
在陳州 上問宰相曰晏殊居外未嘗有
所請其亦有所欲邪宰相以告公公自爲
表聞起居而已故其薨也 天子尤哀悼
之

碑神道

公剛峻簡率盜入其第執而榜之旣委頓以
送官扶至門即死累典州吏民頗畏其慄

急云

六之四

丞相鄭國宋元憲公

公名庠字公序安州安陸人天聖初舉

進士開封試禮部皆第一通判襄州召

試遷左正言知制誥入翰林爲學士寶

元中以右諫議大夫參知政事出知楊
州徙鄆州復入參知政事除樞密使皇
祐中拜同中書門下平章事罷知河南

府復入爲樞密使封莒國公以河陽三

城節度使同平章事判鄭州徙相州

英宗初改封鄭國公判亳州以司空致

仕薨年七十一

爲左正言會郭皇后廢以諫官伏閭爭不可

得坐罰金

王禹玉撰
神道碑

它日裁異數見宰相唯能閉觀寺爲民祈福

公謂裁異之來所以戒政事此豈所以應

天變哉奏罷之

碑道

先是趙亢昊反劉平石元孫皆以輕敵失軍

因詔中書兼管樞密院機事時緣邊諸帥

官重者互領陝西四路以故號令頗不一

又兵多分屯堡障公言宜使大帥收重兵
內地它帥自當一道緩急有警則分兵四
出以援之其議久不決後卒如公計

碑道

帝召二府天章閣觀書出詔目問天下利病

事宰相倉猝莫敢對公時參知政事獨進

曰臣等皆待罪二府固已總萬事而共謀

之不當下同請生對策願至中書條上既

退草數千言奏之後皆施用

碑道

初公言比有近幸之人多緣內降得橫恩宜

因大祀之後斥絕以新聖政於是帝別

爲手詔與赦書同降

碑道

公間言祖宗收方鎮之權嘗欲畿甸蓄禁

兵四十萬今所蓄不精且多外補戍更非

彊本之執又武臣用恩幸者多得仕邊要

而孤寒者常在東南至老無恩澤公乃作

科條均其所入官而恩幸者滋不說

碑道

皇祐中宋元憲公請置家廟下兩制禮官議

以爲廟室當靈長若身沒而子孫官微即

廟隨毀請以其子孫習三品階勲及爵庶

常得奉祀不報

追朝

宋元憲公嘗奏事而帶寬誤墜文書于地不

顧而行 仁宗呼內侍臣拾以與之議者

謂 仁宗有人君體宋公得大臣體

呂氏家塾記

宋鄭公初名郊字伯庠與其弟祁自布衣時

名動天下號爲二宋其爲知制誥 仁宗

驟加獎眷便欲大用有忌其先進者譖之

謂其姓名應郊天又曰郊者交也

交者替代之名也宋交其言不祥 仁宗

遽命改之公怏怏不獲已乃改名庠字公

序公後更踐二府二十餘年以司空致仕

兼享福壽而終而譖者竟不見用以卒可

以爲小人之戒也

歸田錄

宋元憲公嘗曰殘人矜才逆詐恃明吾終身

不爲也

錮退朝

王侍郎古說元憲宋公以言者斥其非才罷

樞相守洛有一舉人行橐中有不稅之物

爲僕夫所告公曰舉人應舉孰無所貨之

物未可深罪若奴告主此風不可長也察

屬曰犯人乃言官之子也意欲激其報之

公不答但送稅院倍其稅仍治其奴罪而

遣之

史塵

宋元憲雍雍然有德之君子也既參大政朝

廷無事廟堂之上日閱文史後既登庸天

下承平日久尤務清靜無所作爲有爲者

病之公嘗自謂時賢多以不才謗我因爲

自詠詩曰我本無心士終非濟世才虛舟

人莫怒疑虎石當開蛟負愁山重葵傾喜

日來欲將嘲強解真意轉悠哉

史塵

宋元憲公初執政遇事輒分別是非可否用

是斥退及再登用遂浮沉偷安云

參政韓忠憲公

公名億字宗魏其先真定靈壽人徙開封之雍丘舉進士知永城縣通判陳州知洋州改相州入爲侍御史開封府判

官出爲河北轉運使仁宗初爲御史知雜事以樞密直學士知益州拜御史中丞景祐三年除工部侍郎同知樞密院事拜參知政事出知應天府改澶亳二州以太子少傅致仕薨

忠憲公布衣時與李康靖公同遊止一處同寢一日分途遂割而分之至汝州太守趙學士請康靖爲門客尤敬待公每公至即今設猪肉康靖嘗有簡戲云久思肉味請兄早訪及趙公有女遂與公議親既過省趙公遣人送女來至京城外旅店中一夕病卒公具素服往哭之李康靖爲長社每日懸百錢于壁上用盡即已其貧儉如此

忠憲公爲河北轉運使王太夫人坐太平車以葦席爲棚覆獻肅公乘驥隨車時王文正已貴忠憲公又作一路使者其儉如此今人聞之誠可愧也莊敏

其半遺韓相持大哭別去次舉韓亦登第後皆至參知政事世爲婚姻不絕

莊敏遺事○又聞見錄云韓恭德李參政若谷未第時皆貧同試京師每出謁更爲僕字先登第授許州長社縣主簿赴官自控妻贍韓爲負一箱朴至長社三十里李謂韓曰恐縣吏來宿中止有錢六百足以長

賞恐徒激其怒以生邊患無益也 上是

其議乃厚賜其使而遣之

傳名臣

韓忠憲公知洋州日有大校李申以財豪於

鄉里誣其兄之子爲它姓賂里嫗之兒類

者使認之爲己子又醉其嫂而嫁之盡奪

其產橐之畜嫂姪訴于州及提轉申賂獄

吏嫂姪被笞掠反自誣伏受杖而去積十

餘年洎公至又出訴公察其冤因取前後

案牘視之皆未嘗引乳醫爲證一日盡召

其黨立庭下出乳醫示之衆皆伏罪子母

復歸如初

東軒
華錄

范文正公知開封府獻百官圖指宰相差除

不公而陰薦公可用文正既貶仁宗以

諭公曰若仲淹舉臣以公則臣之拙直

陛下所知舉臣以私則臣委質以來未嘗

交託於人遂除叅知政事

公在中書日見諸路職司据拾官吏小過輒

不擇曰今天下太平主上之心雖蟲魚

草木皆欲得所况仕者大則望爲公卿次

亦望爲侍從職司二千石其下亦望京朝

幕職奈何錮之於聖世乎

名臣

公性方重治家嚴有法雖燕居未嘗見墮容

其親舊之孤藐者多爲昏葬之

韓忠憲以教子嚴肅不可犯知亳州第二子

舍人自西京猝謁告省觀康公與右相及

姪柱史宗彥皆中甲科歸公喜置酒召寮

屬之親厚者俾諸子坐於隅惟持國多深

思知必有義方之訓託疾不赴坐中忽云

二郎吾聞西京有疑獄奏讞者其詳云何

舍人思之未得已訶之再問未能對遂推

案索杖大詬曰汝食朝廷厚祿猝貳一府

事無巨細皆當究心大辟奏案尚不能記

則細務不舉可知吾在千里外無所干預

猶能知之爾叨冒廩祿何頗報國必欲撻

之衆賓力解方已諸子股栗累日不能釋

家法之嚴如此所以多賢子孫也

蘇氏談訓

六之六

參政程文簡公

公名琳字天球中山博野人舉服勤詞學科補泰寧軍節度推官召試直集賢院擢知制誥權三司使御史中丞以樞密直學士知益州還知開封府復爲三司使遷戶部侍郎叅知政事降光祿卿知潁州復侍郎知青州北京建爲留守以武昌節度使知永興軍加宣徽北院使判延州拜同中書門下平章事判大名府更授鎮安軍節赴鎮薨年六十九公嘗館契丹使使者言中國使至契丹坐殿上位次高而契丹使來坐次下當陞語甚切上與大臣皆以爲小故不足爭將許之公以謂許其小必啓其大力爭以爲不可遂止歐陽公撰墓誌

備有失火者使隨救之勿白以動衆既而大宴五門城中火吏救止卒宴民皆不知蓋其他設施多類此軍士見監軍告其軍有變監軍入白公笑遣之惶恐不敢去公曰軍中動靜吾自知之苟有謀者不待告也可使告者來監軍去而告者卒不敢來公亦不問遂止蜀之妖人有自號李冰神子者署官屬吏卒聚徒百餘人公命捕寘之法而讒之朝者言公妄殺人蜀人恐且亂矣上遣中貴人馳視之使者入其境居人行旅爭道公善且曰殺一人可使蜀數十年無事使者問其故對曰前亂蜀者非有知謀豪傑之才乃里閭無賴小人惟不制其始遂至於亂耳使者還奏其語於是上益以公爲能墓誌

公知開封府會禁中大火延兩宮官者治獄得縫人火斗已誣伏而下府命公具獄公立辨其非禁中不得入乃命工圖火所經而後宮人多而居隘其娃竈近版壁歲久燥而焚曰此豈一日火哉乃建言此殆天

災也不宜以罪人 上爲緩其獄卒無死者

者公在府決事神速一歲中獄常空者四

五
墓誌

司天言日食明年正旦請移閏月以避之公以謂天有所譴非移閏可免惟脩德政而已乃止

墓誌

范仲淹以言事忤大臣貶饒州已而上悔

悟欲復用之稍徙知潤州而惡仲淹者復

誣以事語入 上怒亟命置之嶺南自仲

淹貶而朋黨之論起朝士牽連出語及仲

淹皆指爲黨人公獨爲 上開說明其誣

枉 上意解而後已

墓誌

公爲三司使不悅苟利不貪近功時議者患

民稅多目吏得爲姦欲除其名而合爲一

公以謂合而沒其名一時之便後有興利

之臣必復增之是重困民也議者莫能奪

其於出入尤謹禁中時有所取未嘗肯予

官官怒言陛下雖有欲物在程琳何可

得公曰臣所以爲陛下惜爾 天子以

爲然

神道碑○又東齋記事云夏秋公納之物如鹽
錢之類名件領碎慶曆中有司建議併合歸

仁宗朝有議東南漕粟兵夫舟船與盜失之費蓋十常三四欲募商賈令入中以實都

下時程文簡公爲三司使以爲萬一所入不足必邀以增直是商賈得操其柄其議遂寢

史塵

公在延州夏人數百驅畜產至界上請降言

契丹兵至衙頭矣國且亂願自歸公曰契

丹兵至元昊帳下當舉國取之豈容有來

降者吾聞夏人方捕叛族此其是乎不然

誘我也拒而不受已而夏人果以兵數萬

臨界上公戒諸堡寨無得出兵夏人以爲

有備引去自此不復窺邊

碑神道

公參預大政王隨陳堯佐爲宰相公性剛厲

與二人不叶遂俱罷政及李淑作堯佐墓

誌言堯慢弗咸用是罷去其意謂堯佐王

隨厄弱不任事公剛慢不和故陳氏子弟

頗銜之

名臣傳

公罷政貶官起守北京與官者皇甫繼明爭治行官事章交上 上遣一御史視其曲

直御史直公遂罷繼明是時繼明方信用
其勢傾動中外自朝廷大臣莫不屈意下

讀聞之然仁宗性寬厚琳竟至宰相蓋
無宿怒也

龍川志

之公被中傷方起未復而獨與之爭雖小
故不少假也故議者不以公所直爲難而
以能不爲繼明屈爲難云

詒墓

趙元昊死子亮祚立方幼三大將共治其國
言事者謂可除其諸將皆以爲節度使使
各有其所部以分弱其勢可遂無西患事
下公公以謂幸人之喪非所以示大信撫
夷狄且亮祚雖幼然君臣和三將無異志
雖欲有爲必無功而反生事不如因而撫
之上以爲然

詒墓

章獻垂落有方仲弓者上書乞依武氏故事
立劉氏廟 章獻覽其疏曰吾不作此負
祖宗事裂而擲之於地 仁宗在側曰此
亦出於忠孝宜有以旌之乃以爲開封府
司錄及 章獻崩黜爲汀州司馬程琳亦
嘗有此請而人莫之知也 仁宗一日在
邇英謂講官曰程琳心行不中在 章獻
朝嘗請立劉氏廟且獻七廟圖時王洙侍

五朝名臣言行錄卷第六

五朝名臣言行錄卷第七之一

丞相祁國杜正獻公

公名衍字世昌越州山陰人擢進士甲科補楊州觀察推官歷知縣通判知州提點刑獄轉運使召爲三司戶部副使除天章閣待制河北都轉運使入爲樞密直學士出知天雄軍仁宗召爲御史中丞判流內銓審官院出知永興軍徙并州寶元二年復知永興軍召還權知開封府拜同知樞密院事改副使宣撫河東拜樞密使尋以吏部侍郎同中書門下平章事兼樞密使出知兗州慶曆七年年七十正旦日上表還印綬乃以太子少師致仕皇祐中進太子太師薨年八十

公父早卒遺腹生公其祖愛之幼時祖父脫帽使公執之會山水暴至家人散走其姑投一竿與之使挾以自泛公一手執帽漂流久之救得免而帽竟不濡前母有二子不孝悌其母改適河陽錢氏祖父卒公年

十五六二兄遇之無狀至引劙斫之傷脳出血數升其姑匿之僅而得免乃詣河陽歸其母繼父不之容往來孟洛間貧甚傭書以自資嘗至濟源富民相里氏奇之妻以女由是資用稍給舉進士殿試第四及貴其長兄猶存待遇甚有恩禮二兄及錢氏姑氏子孫受公蔭補官者數人仍皆爲之婚嫁聞記

公治吏事如其爲人其聽獄訟雖明敏而審覈愈精故屢決疑獄人以爲神其簿書出納推折毫髮終日無倦色至爲條目必使吏不得爲奸而已及其施於民者則簡而易行始居平遙嘗以吏事適他州而縣民爭訟者皆不肯決以待公歸知乾州未滿歲安撫使察其治行以公權知鳳翔府二邦之民爭於界上一曰此我公也汝奪之一曰今我公也汝何有歐陽公撰墓誌

夏人叛命陝西困於科歛吏緣侵漁調發督迫民至破產不能足往往自經投水以死公在永興語其人曰吾不能免汝然可使

汝不勞爾乃爲之區處計較量物有無貴賤道里遠近寬其期會使以次輸送由是物不踴貴車牛芻秣宿食來往如平時而吏束手無所施民比他州費省十六七至於繕治城郭器械民皆不知誌

開封治京師常撓於權要有干其法而能不爲之屈者世皆以爲難至公能使權要不敢有所干凡其爲治以聽斷盜訟爲能否爾獨公始有餘力省其民事如治他州誌墓吏部審官主天下吏貞而居職者類以不羈遷去故吏得爲奸公始視銓事一日選者三人爭某闕公以問吏吏受丙賦對曰當與甲乙不能爭遂授他闕居數日吏教丙訟甲負某事不當得公悟召乙問之乙謝曰業已得他闕不願爭公不得已與丙而笑曰此非吏罪乃吾未知銓法爾因命諸曹各具格式科條以白問曰盡乎曰盡矣明日勑諸吏無得升堂使坐聽行文書而已由是吏不得與銓事與奪一出於公其在審官有以賂求官者吏謝不受曰我公

有賢名不久見用去矣姑少待之誌墓慶曆初上獻西兵之久出而民弊亟用富盡革衆事以修紀綱而小人權倖皆不悅獨公與相佐佑而公尤抑絕僥倖凡內降與恩澤者一切不與每積至十數則連封而面還之或詰責其人至慙恨涕泣而去上嘗謂諫官歐陽脩曰外人知杜衍封還內降邪吾居禁中有求恩澤者每以杜衍不可告之而止者多於所封還也其助我多矣此外人及杜衍皆不知也然公與三人者卒皆以此罷去誌墓公多知本朝故實善決大事初邊將議欲大舉以擊夏人雖韓公亦以爲可舉公爭以爲不可大臣至有欲以沮軍罪公者然兵後果不得出契丹與夏人爭銀羌族大戰黃河外而鴈門麟府皆警范文正公安撫河東欲以兵從公以爲契丹必不來兵不可妄出范公怒至以語侵公公不爲恨後契丹卒不來二公皆世俗指公爲朋黨者

其論議之際蓋如此及三人者將罷去公獨以爲不可遂亦罷

墓誌

杜正獻公爲相蔡君謨孫之翰爲諫官屢乞

出於是蔡除福州之翰安州正獻云諫官

無故出終非美事乞且仍舊 上可之退

書聖語時陳恭公爲執政不肯書曰吾初

不聞正獻懼遂焚之由此遂罷相議者謂

正獻當俟明日審奏不當遽焚其書也正

獻言始在西府時 上每訪以中書事及

爲相中書事亦不以訪公因言君臣之間

能全始終者蓋難也

東坡志林

公與丁文簡公俱爲河東宣撫時任恭惠公

之子上書言事歷詆執政至恭惠曰至於

臣父亦出遭逢謂其非德選也進奏院報

至公戲文簡曰賢郎亦要牢籠文簡深銜

之其後二公同在政府人言蘇子美進奏

院祠神事公避嫌不與文簡論以深文子

美坐廢爲民從坐者數十人皆名士大夫

而公亦罷去一言之謹貽禍一時故不可

不謹也

談叢

公爲人尤潔廉自尅其爲大臣事其上以不欺爲忠推於人以行己取信故其動靜纖悉謹而有法至考其大節僅如也

墓誌

公自布衣至爲相衣服飲食無所加雖妻子

亦有常節家故饒財諸父分產公以所得

悉與昆弟之貧者俸祿所入給宗族賙人

急難至其歸老無屋以居寓於南京驛舍

者久之自少好學工書喜爲詩讀書雖老

不倦推獎後進今世知名士多出其門居

家見賓客必問時事聞有善喜若已出至

有所不可憂見於色或夜不能寐如任其

責者凡公所以行之終身者有能覆其一

君子以爲人之所難而公自謂不足以名

後世遺戒子孫無得記述嗚呼豈所謂任

重道遠而爲善惟不足者歟

墓誌

公嘗謂門生曰凡士君子作事行己當履中

道不宜矯飾矯飾過實則近乎僞語

公嘗謂門生曰今之在上者多擿發下位小

節是誠不恕也衍知兗州時州縣官有累

重而素貧者以公租所得均給之公租不

給即繼以公帑量其小大咸使自足尚有復侵擾者真貪吏也於義可責又曰衍歷

知州提轉安撫未嘗壞一箇官員其間不職者即委以事使之不暇憚不謹者諭以禍福俾之自新從而遷善者甚衆不必繩以法也其有文學政事殊行絕德者雖不識面未嘗不力薦於朝有一善可稱一長可錄者亦未嘗不隨所能而薦之語錄

有門生爲縣令公戒之曰子之才器一縣令

不足施然切當韜晦無露圭角毀方瓦合求合於中可也不然無益於事徒取禍爾門生曰公平生以直亮忠信取重天下今反誨某以此何也公曰衍歷任多歷年久上爲帝王所知次爲朝野所信故得以申其志今子爲縣令卷舒戚繫之長吏夫良二千石者固不易得若不奉知子烏得以申其志徒取禍爾予所以欲子毀方瓦合求合於中也語錄

公嘗謂門生曰作官第一清畏無求人知苟欲人知同列不謹者衆必譖已爲上者又

不加明察適足取禍爾但優游於其間默而行之無愧於心可也語錄

公一日憂見于色門生曰公今日何以不悅公曰適覩朝報行某事行某事非便所以憂爾又一日喜見于色門生未及問公曰今日見朝報某人進用某人進用社稷之福也公又曰孔子稱在其位不謀其政第衍荷國恩之深退居以來家事百不關心獨未能忘國爾語錄

公食于家惟一麵一飯而已或美其儉公曰衍奉一措大爾名位爵祿冠冕服用皆國家者俸入之餘以給親族之貧者常恐浮食焉敢以自奉也一旦名位爵祿國家奪之却爲一措大又將何以自奉養耶又嘗戒門生曰天下惟浙人褊急易動柔懦少立衍自在幕府至於監司人尚不信及爲三司副使累於上前執奏不移人始信之反曰杜衍如是莫非兩浙生否其輕吾黨也如此觀子識慮高遠志尚端毅他日樹立當爲鄉曲之顯切勿少枉爲時所上

下也

錄語

門生嘗從容問公曰公在相位未暮年而出使蒼生不盡被公之澤天下甚鬱望公曰衍以非才久妨賢路遽得解去深遂乃心然獨有一恨爾門人曰公之恨何也公曰衍平生聞某人之賢可某任某人之才可某用未能悉薦而去此所以爲恨也

錄語

韓魏公言杜祁公公心而樂與人善旣知其人無復毫髮疑間始琦爲樞密副使論難一二事祁公不樂久之相亮每事問曰諫議看來未諫議曾看便將來押字琦益爲之盡心不敢忽以此見祁公存心至公不必以出於己爲是賢於人遠矣

別錄公

杜祁公免相幹吏具未供秩酒齊以白公祁

家塾

別錄

杜祁公享客多用髹器客有面稱嘆者曰公嘗爲宰相清貧乃爾耶公命侍人盡取白金燕器陳於前曰衍非乏此雅自不好耳然祁公好施亦卒不畜也張唐公侍讀瓊

嘗曰祁公之好施人所能及也其不妄施人之所不能及也

家塾

公不殖資產退寓南都凡十年第宅庳陋居之裕如也出入從者纔十許人烏帽皂綿紲革帶親故或言宜爲居士服公曰老而謝事尚可竊高士名耶

公致仕居南京上思之及將祀明堂謂文彥博曰舊老之在外者朕欲致之以陪大禮因以示養老尊賢之意乃詔公及太子少師致仕任布陪祀都亭驛錫慶院具供帳几杖以待之後皆以羸老不任就道且表謝不得預觀盛禮爲恨上優詔勞之

七之二

參政范文正公

公名仲淹字希文蘇州吳縣人中進士第歷廣德軍司理監泰州鹽稅以晏元獻公薦爲祕閣校理天聖中通判河中府召爲右司諫出知睦州徙蘇州就拜天章閣待制權知開封府落職知饒州徙潤州越州復召爲待制知永興軍會夏竦爲陝西經略安撫招討使進公龍圖閣直學士以副之兼知延州降知耀州徙慶州環慶路經略安撫緣邊招討使改邠州觀察使辭不拜進樞密直學士會復置陝西四路安撫經略招討使詔公與韓琦開府涇州元昊請和召拜樞密副使除參知政事自請行邊未還以資政殿學士爲陝西四路安撫使知邠州以疾請鄧州徙杭州遷戶部侍郎徙青州會病甚請潁州未至而薨年六十四

公生二歲而孤母夫人貧無依再適長山朱

氏旣長知其世家感泣去之南都入學舍掃一室晝夜講誦其起居飲食人所不堪而公自刻益苦居五年大通六經之旨爲文章論說必本於仁義歐陽公撰神道碑。又遼事云公歿南都學舍晝夜苦學五年未嘗解衣就寢夜或昏怠輒以水沃面往往體粥不充日吳始食同舍生或餽珍膳皆拒不受○又東軒筆錄云公少與劉某同上長白山僧舍脩學惟煮粟米二升作粥一器經宿遂凝刀畫爲四塊早晚取二塊斷葷十數莖羹汁半孟入少鹽煆而啜之如此者三年

范公少冒朱姓舉學究且甚延瘠嘗同衆客

見諫議大夫姜遵遵素以剛嚴著名與人不款曲衆客退獨留范公引入中堂謂其夫人曰朱學究年雖少奇士也它日不唯爲顯官當立盛名於世參坐置酒待之如骨肉人莫測其何以知之也年二十餘始改科舉進士聞記

公以進士解褐爲廣德軍司理叅軍日抱具獄與太守爭是非守盛怒臨之公不爲屈歸必記其往復辨論之語于屏上比去至字無所容貧止一馬鬻馬徒步而歸汪藻撰祠堂記通泰海州皆濱海舊日潮水皆至城下土田斥鹵不可稼穡范文正公監西溪倉建白

於朝請築捍海堤於三州之境長數百里以衛民田朝廷從之以文正爲興化令專掌役事發通泰楚海四州民夫治之既成民至今饗其利興化之民往往以范爲姓

聞記

晏丞相殊留守南京范公遭母憂寓居城下晏公請掌府學范公常宿學中訓督學者皆有法度勤勞恭謹以身先之夜課諸生讀書寢食皆立時刻往往潛至齋舍詗之見有先寢者詰之其人紿云適疲倦暫就枕耳問未寢之時觀何書其人亦妄對則取書問之其人不能對乃罰之出題使諸生作賦必先自爲之欲知其難易及所當用意亦使學者準以爲法由是四方從學者輒湊其後宋人以文學有聲名於場屋朝廷者多其所教也聞記

范公服中上宰相書言朝政得失及民間利病凡萬餘言王曾見而信之時晏殊亦在京師薦一人爲館職曾謂殊曰公知范仲淹捨不薦而薦斯人乎已爲公置不行宜

更薦仲淹也殊從之遂除館職頃之冬至立仗禮官定議欲媚章獻太后請天子帥百官獻壽於庭范公奏以爲不可晏殊大懼召公責怒之以爲狂公正色抗言曰仲淹受明公誤知常懼不稱爲知己羞不意今日更以正論獲罪於門下也殊慙無以應

記聞○又神道碑云當太后臨朝時以至日大會前殿上將率百官爲壽有司

已具公上疏言天子無北面且開後世弱人主以強母后之漸其事遂已○東坡志林云先君奉詔脩太常因革禮求之故府朝正宗臘具在考其始末無諫止之事而有已行之明驗質之於文忠公公曰范

公實諫而卒不從奏碑誤也嘗以宗臘爲正○今按蘇公所記疑若可信但諸書皆云

涑水記聞亦但云奏以爲不可而不言見從與否則冬至而蘇公獨云朝正則誤也

又上書請還政天子不報出通判河中府及太后崩召拜右司諫時言事者希旨多求太后時事欲深治之公獨以謂太后受託先帝保佑聖躬宜掩其小故以全大德初太后有遺命立楊太妃代者繇是罷其冊命

碑道

是歲大旱蝗詔公奉使安撫江淮還以太平州貧民所食烏昧草進呈乞宣示六宮戚

里用抑奢侈

澠水
燕談

郭皇后廢率諫官御史伏閣爭不能得貶知睦州又徙蘇州歲餘即拜天章閣待制召還益論時政闕失而大臣權倖多忌惡之居數月以公知開封府素號難治公治有聲事日益簡暇則益取古今治亂安危爲上開說又爲百官圖以獻曰任人各以其材而百職脩堯舜之治不過此也因指其遷進遲速次序曰如此而可以爲公可以爲私亦不可以不察由是呂丞相怒至交論上前公求對辨語切坐落職知饒州

神道碑○又鑿史云公尹京時有內侍怙勢作威傾動中外公抗疏列其罪疏欲上家所載書有言兵者悉焚之仍戒其子曰我上疏言斥君側胥人必得罪以死我旣死汝輩勿復仕宦但於墳側教授爲業疏奏嘉納爲罷黜侍女云又澠水燕談云公貶饒州謝表云此而爲郡陳優優布政之方必也立朝增塞蹇匪躬之節天下歎公至誠許國始終不渝不以違退易其守也

趙元昊反河西上復召相呂公乃以公爲陝西經略安撫副使遷龍圖閣直學士是時新失大將延州危公請自守鄜延捍賊乃知延州元昊遣人遺書以求和公以謂無事請和難信且書有僭號不可以聞乃

自爲書告以逆順成敗之說甚辯坐擅復書奪一官知耀州未逾月徙知慶州既而四路置帥以公爲環慶路經略安撫招討使公爲將務持重不急近功小利於延州築清澗城墾營田復承平永平廢寨熟羌歸業者數萬戶於慶州城大順以據要害奪賊地而耕之又城細署胡盧於是明珠滅臧等大族皆去賊爲中國用自邊制久隳至兵與將常不相識公始分延州兵爲六將訓練齊整諸路皆用以爲法公之所在賊不敢犯人或疑公見敵應變爲如何至其城大順也一旦引兵出諸將不知所向軍至柔遠始號令告其地處使往築城至於版築之用大小畢具而軍中初不知賊以騎三萬來爭公戒諸將戰而賊走追勿過河已而賊果走追者不渡而河外果有伏賊旣失計乃引去於是諸將皆服公爲不可及公待將吏必使畏法而愛己所得賜賚皆以上意分賜諸將使自爲謝諸蕃質子縱其出入無一人逃者蕃酋來

見召之卧內屏人徹衛與語不疑居邊二歲士勇邊實恩信大洽乃決策謀取橫山復靈武而元昊數遣使稱臣請和上亦

召公歸矣神道碑○又名臣傳云仲淹領延安閱兵選將日夕訓練又請戒諸路養兵富

銳母得輕動夏人聞之相戒曰無以延州爲意今小老子腹中自有數萬兵甲不比大范老子可欺也

戎人呼知州爲老子大范謂雍也在慶州請以種世衡守環州招僑羌千餘帳久之王師再敗於定川仲淹

畫夜領兵趁抄賊遂遁去初開輔人心動搖及仲淹兵出號令嚴明人心遂安上聞定川之敗頗以仲

西方爲憂謂近臣曰得仲淹出援可無憂及聞其出師甚喜○又灘水燕談云范文正公帥邠延涇慶之

郡威德著聞夷夏聳服熟戶蕃部率稱曰龍圖老子

至於元昊亦以此呼之○又龍川志云宋公序爲參知政事欲傾宰相呂申公而未得其要呂公覺之會

范公擅焚元昊國書而以私書復之事至朝廷諸公議之申公諤謂大不可公序信之亟於

范公申公徐致之公序倉猝失措相次以上前乞斬

氏子弟至恨之

仁宗時西戍方熾韓魏公爲經略招討副使

欲五路進兵以襲平夏時范文正公守慶

州堅持不可是時尹洙爲經略判官一日

將命至慶州約范公以進兵范公曰我師

新敗士卒氣沮當自謹守以觀其變豈可

輕兵深入耶以今觀之但見敗形未見勝

勢也洙歎曰公於此乃不及韓公也韓公

嘗云大凡用兵當先置勝敗於度外今公

乃區區過謹此所以不及韓公也范公曰

大軍一動萬命所懸而乃置於度外仲淹不見其可洙議不合遽還魏公遂舉兵入

界次好水川元昊設覆全師陷沒大將任

福死之魏公遽還至半塗而亡者父兄妻

子數千人號於馬首皆持故衣紙錢招䰟

而哭曰汝昔從招討出征今招討歸而汝

死矣汝之冤識亦能從招討以歸乎既而

哀慟聲震天地魏公不勝悲憤掩泣駐馬

不能前者數刻范公聞而歎曰當是時難

置勝敗於度外也東軒筆錄

仲淹與韓琦叶謀必欲收復靈夏橫山之地

邊上謠曰軍中有一韓西賊聞之心骨寒

軍中有一范西賊聞之驚破膽元昊大懼

遂稱臣名臣傳

初西人藉爲鄉兵者數萬既而黠以爲軍唯

公所部但刺其手公去兵罷獨得復爲民

其於兩路既得熟羌爲用使以守邊因徙

屯兵就食內地而紓西人饋輓之勞其所

設施去而人德之與守其法不敢變者至

今尤多神道碑

自公坐呂公貶群士大夫各持二公曲直呂公患之凡直公者皆指爲黨或坐竊逐及呂公復相公亦再起被用於是二公驩然相約勑力平賊天下之士皆以此多二公然朋黨之論遂起而不能止上旣賢公可大用故卒置群議而用之神道碑又邵氏聞見錄曰歐陽公辨不可則自削去雖然勤力等語歐陽公陽公作碑如此文正之子竟夫以爲不然從歐陽公名而不爲朋黨早歲排呂申公勇於立事其徒因之矯厲過直公亦不喜也自饒州還朝出領西徒因之公不爲之地乃爲書自咎解仇而去故歐陽公爲文正神道碑言二公晚年雖然相得由此故也後生不知皆從歐陽公予見張公言之乃信

公爲叅知政事每進見上必以太平責之

公歎曰上之用我者至矣然事有先後而革獎於久安非朝夕可也既而上再賜手詔趣使條天下事又開天章閣召見賜坐授以紙筆使疏于前公惶恐避席始退而條列時所宜先者十數事上之其詔天下興學取士先德行不專文辭革磨勘例遷以別能否減任子之數而除濫官用

農桑考課守宰等事方施行而磨勘任子之法僥倖之人皆不便因相與騰口而嫉公者亦幸外有言喜之爲佐佑會邊奏有警公即請行乃以公爲河東陝西宣撫使至則上書願復守邊即拜資政殿學士知邠州兼陝西四路安撫使其知政事纔一歲而罷有司悉奏罷公前所施行而復其故言者遂以危事中之賴上察其忠不聽是時夏人已稱臣公因以疾請鄧州神道碑又龍川志云范公以叅知政事出使呂公已老居鄭范公往見之呂公欣然相與語終日問曰何爲巫去朝廷范公言欲經制西事耳呂公曰經制西事莫如在朝廷之爲便范公爲之愕然○又東軒筆錄亦載此事云呂公問何爲遽出范公曰暫往鄜兩路事畢即還矣呂公曰叅政此行必蹈危機豈復再入范公遂去未還

慶曆四年四月戊戌上與執政論及朋黨事叅知政事范仲淹對曰方以類聚物以群分自古以來邪正在朝未嘗不各爲一黨不可禁也在聖鑒辨之耳誠使君子相朋爲善其於國家何害記

慶曆中劫盜張海橫行數路將過高郵知軍晁仲約度不能禦喻軍中富民出金帛具

牛酒使人迎勞且厚遺之海悅徑去不爲暴事聞朝廷大怒時范文正公在政府富鄭公在樞府鄭公議欲誅仲約以正法范公欲宥之爭於上前富公曰盜賊公行守臣不能戰又不前守而使民釀錢遺之法所當誅也不誅郡縣無復肯守者矣聞高郵之民疾之欲食其肉不可釋也范公曰郡縣兵械足以戰守遇賊不禦而又賂之此法所誅也今高郵無兵與械雖仲約之義當勉力戰守然事有可恕戮之恐非法意也小民之情得釀出財物而免於殺掠理必喜之而云欲食其肉傳者過也仁宗釋然從之仲約由此免死既而富公愠曰方今患法不舉方欲舉法而多方沮之何以整衆范公密告之曰 祖宗以來未嘗輕殺臣下此盛德之事柰何欲輕壞之且吾與公在此同僚之間同心者有幾雖上意亦未知所定也而輕導人主以誅戮臣下它日手滑雖吾輩亦不敢自保也富公終不以爲然及二公迹不安范公

出按陝西富公出按河北范公因自乞守邊富公自河北還及國門不許入未測朝廷意比夜彷徨不能寐達床歎曰范六丈聖人也龍川志○又遺事亦載此事但云淮南盜王倫與此不同又載公與富公爭於上前之語曰寇至無備若守臣死之則民盡塗炭今吏雖不死節而民之字者數萬家誠國家實事所存不細乃與有備而縱賊者例行誅罰恐非陛下寧失不經之意退至政事堂昌言曰朝廷異時以四方無事不肯爲郡縣設備更敢以治城隍閱兵卒爲請者以狂妄坐之一旦事生不虞吾輩不自引咎專以死責外臣誠有愧於青史也

公爲叅政與韓富二樞並命銳意天下之事患諸路監司不才更用杜杞張寔之輩公取班簿視不才監司每見一人姓名一筆勾之以次更易富公素以丈事公謂公曰十二丈則是一筆焉知一家哭矣公曰一家哭何如一路哭耶遂悉罷之遺歐陽脩余靖蔡襄王素爲諫官時謂之四諫四人力引石介執政欲從之時范公爲叅知政事獨曰介剛正天下所聞然性亦好異使爲諫官必以難行之事責人君以必行少拂其意則引裾折檻叩頭流血無所不爲 主上富春秋無失德朝廷政事亦

自脩舉安用如此諫官也諸公伏其言而

罷

東軒錄

慶曆中議弛茶鹽之禁及減商稅范文正以爲不可茶鹽商稅之入但分減商賈之利耳行於商賈未甚有害也今國用未減歲入不可闕既不取之於山澤及商賈湏取之於農與其害農孰若取之於商賈今爲計莫若先省國用國用有餘當先寬賦役然後及商賈弛禁非所當先也其議遂寢

談筆

皇祐二年吳中大飢殍殣枕路是時范文正公領浙西發粟及募民存餉爲術甚備吳人喜競渡好爲佛事公乃縱民競渡太守日出宴于湖上自春至夏居民空巷出遊又召諸佛寺主首諭之曰飢歲工價至賤可以大興土木之役於是諸寺工作鼎興又新敎倉吏舍日役千夫監司奏劾杭州不恤荒政嬉遊不節及公私興造傷耗民力公乃自條叙所以宴遊及興造皆欲以發有餘之財以惠貧者貿易飲食工技服

力之人仰食於公私者日無慮數萬人荒

政之施莫此爲大是歲兩浙惟杭州晏然

民不流徙皆公之惠也歲飢發司農之粟以成就民利此先王之美澤也

華譜

范文正公鎮青社會河朔艱食青之輿賦博州置場納青民大患輦置之苦公戒民納價每斗三錢給抄與之以書與博守遣官輓金詣博坐倉以倍價招之齋巨榜數道介其境則張之且戒曰郡不假廩則寄僧舍可也至則貿者山積不五日遂足而博斛亦衍斛金尚餘數千緡按等差給還之青民因立像祠焉

東齊記

韓魏公言章得象在中書時方天下多弊事且有西鄙之患每與希文彥國以文字至兩府輒閉目不應彥國憤惋欲憇之希文惜大體不許也

別錄

韓魏公言希文嘗與呂申公論人物申公曰吾見人多矣無有節行者希文曰天下固有人但相公不知爾以此意待天下士宜

平節行者之不至也

魏公別錄

范文正言息盜賊誅姦雄浩然無憂乃所以爲身謀若未能如是雖州里不可保七尺

之軀無所措於天地間矣

胡氏傳家錄

公言幕府辟客須可爲己師者乃辟之雖朋友亦不可辟蓋爲我敬之爲師則心懷尊奉每事取法於我有益耳

遺事

范文正公曰吾遇夜就寢即自計一日食飲奉養之費及所爲之事果自奉之費與所爲之事相稱則軒鼻孰寐或不然則終夕不能安眠明日必求所以稱之者

開見後錄

公之子純仁娶婦將歸或傳婦以羅爲帷幔者公聞之不悅曰羅綺豈惟幔之物耶吾家素清儉安得亂吾家法敢持至吾家當火於庭

事遺

公旣貴常以儉約率家人且戒諸子曰吾貧

時與汝母養吾親汝母躬執爨而吾親甘旨未嘗充也今而得厚祿欲以養親親不在矣汝母又已早世吾所最恨者忍令若

曹饗富貴之樂也

遺事

公爲吏部員外郎出守時有三婢及官大歷二府以至于薨九十年不增一人亦未嘗易也

遺事

公在杭州子弟以公有退志乘間請治第洛陽樹園圃以爲逸老之地公曰人苟有道

義之樂形骸可外况居室哉吾今年踰六十生且無幾乃謀樹第治圃顧何待而居乎吾之所患在位高而艱退不患退而無居也且西都士大夫園林相望爲主人者莫得常遊而誰獨障吾遊者豈必有諸已而後爲樂耶俸賜之餘宜以賙宗族若曹遵吾言毋以爲慮

遺事

橫渠張先生言嘗有欲爲公買綠野堂者公

不肯在唐如晉公者是可尊也一旦取其物而有之如何得安寧使耕壞及它人有之已則不可取也

程氏遺書

公語諸子弟曰吾吳中宗族甚衆於吾固有

親踈然吾祖宗視之則均是子孫固無親踈也吾安得不恤其飢寒哉且自祖宗來積德百餘年而始發於吾得至大官若獨

饗富貴而不恤宗族異日何以見祖宗地下今亦何顏以入家廟乎故恩例俸賜常均族人并置義田宅云

事遺

范文正公輕財好施尤厚於族人既貴於姑蘇近郭買良田數千畝爲義庄以養群從

之貧者擇族人長而賢者一人主其出納

人日食米一升歲衣縑一匹嫁娶喪葬皆

有贍給聚族人僅百口公歿逾四十年子

孫賢令至今奉公之法不敢廢弛

見漏泄談

范文正公自政府出歸姑蘇焚黃搜外庫惟

有絹三千匹令掌吏錄親戚及閭里知舊

自大及小散之皆盡曰宗族鄉黨見我生

長幼學壯仕爲我助喜我何以報之哉

危

公以朱氏長育有恩常思厚報之及貴用南

郊所加恩乞贈朱氏父太常博士暨諸子

皆公爲葬之歲別爲饗祭朱氏宅子弟以

公庶得補官者三人

遺

范文正公在睢陽遣堯夫到姑蘇貲麥五百

斛堯夫時尚少旣還舟次丹陽見石曼卿

問寄此久如曼卿曰兩月矣三喪在淺土

欲葬之而北歸無可與謀者堯夫以所載
麥舟付之單騎自長蘆捷徑而去到家拜
起侍立良久文正曰東吳見故舊乎曰曼
卿爲三喪未舉方留滯丹陽時無郭元振
莫可告者文正曰何不以麥舟與之堯夫
曰已付之矣

冷齋夜話

范文正公守邠州暇日帥僚屬登樓置酒未

舉觴見衰絰數人營理喪具者公亟令詢

之乃寄居士人卒於邠將出殯近郊贈斂

棺槨皆所未具公憮然即微宴席厚賙給

之使畢其事坐客感歎有泣下者

記聞

公爲人作銘文未嘗受遺後作范忠獻銘其

子欲以金帛謝拒之乃獻以所蓄書畫公

悉不收獨留道德經而還書戒之曰此先

君所藏世之所寶仲淹切爲宗家惜之母

爲人得也

晏元獻公判南京范希文以大理寺丞丁憂

權掌西監一日晏謂范曰吾一女及笄仗

君爲我擇婿范曰監中有二舉子富臯張

爲善皆有文行它日皆至卿輔並可婿也

晏曰然則孰優范曰富脩謹張踈俊晏曰
唯即取富臯爲婿後改名即富公弼也爲
善後亦更名方平云

筆錄

公與南都朱某相善朱且病公視之謂公曰
某常遇異人得變水銀爲白金術吾子幼
不足傳今以傳君遂以其方并藥贈公公
不納強之乃受未嘗啓封後其子宋長公
教之義均子弟及宋登第乃以所封藥并
其術還之

事

昔錢尚書適爲洪州職官緣事過鄱陽見彭
器資值月朔有衣冠數十輩來見彭公設
拜各人進問起居而退錢在書齋中窺見
甚訝之因問公此輩何人公曰皆鄉里後

進子弟也錢曰今它處後進必居於位或
與先生並行何以有此公曰昔范希文自
京尹謫守是邦其爲政以名教厚俗敦尚
風義爲先州人仰慕咸傾嚮之遂以成俗

事

碑道

蘇軾序公文集曰古之君子如伊尹太公管
仲樂毅之流其王霸之略皆素定於畎畝
中非仕而後學者也淮陰侯見高帝於漢

事

碑道

中論劉項短長畫取三秦如指諸掌及佐
帝定天下漢中之言無一不酬者諸葛孔
明卧草廬中與先主論曹操孫權規取劉

事

碑道

璋因蜀之資以爭天下終身不易其言此
大賢臨政之效可以爲法

見胡氏
傳家錄

公少有大節其於富貴貧賤毀譽歡戚不一
動其心而慨然有志於天下常自誦曰士
當先天下之憂而憂後天下之樂而樂也
其事上遇人一以自信不擇利害爲趨捨
其有所爲必盡其方曰爲之自我者當如
是其成與否有不在我者雖聖賢不能必
吾豈苟哉

神道

碑道

公爲人外和內剛樂善沉愛喪其母時尚貧
終身非賓客食不重肉臨財好施意豁如
也及退而視其私妻子僅給衣食其爲政
所至民多立祠畫像其行已臨事自山林
廳士里間田野之人外至夷狄莫不知其
名字而樂道其事者甚衆

神道

碑道

蘇軾序公文集曰古之君子如伊尹太公管
仲樂毅之流其王霸之略皆素定於畎畝
中非仕而後學者也淮陰侯見高帝於漢

事

碑道

中論劉項短長畫取三秦如指諸掌及佐
帝定天下漢中之言無一不酬者諸葛孔
明卧草廬中與先主論曹操孫權規取劉

事

碑道

璋因蜀之資以爭天下終身不易其言此
大賢臨政之效可以爲法

豈口傳耳受嘗試爲之而僥倖其或成哉

公在天聖中居大夫人憂則已有憂天下

致太平之意故爲萬言書以遺宰相天下

傳誦至用爲將擢爲執政攷其平生所爲

無出此書者今其集二十卷其於仁義禮

樂忠信孝悌蓋如飢渴之於飲食欲湏臾

忘而不可得如火之熱如水之濕蓋其天

性有不得不然者雖弄翰戲語率然而作

必歸於此故天下信其誠爭師尊之孔子

曰有德者必有言非有言也德之發於口

者也又曰我戰則克祭則受福非能戰也

德之見於怒者也

張橫渠謂范文正才氣老成

程氏遺書

公名世衡字仲平工部侍郎放之兄子
以蔭補將作監主簿歷知涇陽縣通判
鳳州坐事流竇州徙汝州監徐州酒簽
書同州鄜州判官事遷內殿崇班知青
澗城事慶曆三年遷東染院使充環慶
路兵馬鈴轄知環州五年卒年六十一
君少尚氣節昆弟有欲析其家者君推資產
與之惟取季父圖書而已

范公撰墓誌

种世衡嘗知武功縣用刑嚴峻杖人不使執
拘之使自凭欄立墻上受杖杖垂畢足或
落墻則更從一數之人亦服其威信或有
追呼不使人執帖入鄉村但以片紙榜縣
門云追某人期某日詣縣廷其親識見之
驚懼走告之皆如期而至

記聞

种世衡知澠池縣葺館舍設什器乃至砧臼
匕筯無不畢備客至如歸由是聲譽大振
縣旁山上有廟世衡葺之其梁重大衆不
能舉世衡乃令縣幹剪髮如手搏者驅數

七之三

東染院使种公

對於馬前云欲詣廟中教手搏傾城人隨往觀之既至而不教謂觀者曰汝曹先爲我致廟梁然後觀手搏衆欣然趨下山共舉之須臾而上其權數皆此類聞記

初康定元年春夏戎犯延安我師不利朝廷以堡障衆多有分兵之患其間遠不足守者即命罷之寇驕而貪益侵吾疆百姓被其毒君時爲大理丞任鄜州從事建言延安東北二百里有故寬州請因其廢壘而興之以當寇衝左可致河東之粟右可固延安之勢北可圖銀夏之舊有是三利朝廷從之以君董役事君膽勇過人雖俯逼戎落曾不畏憚與兵民暴露數月且戰且城然艱險無泉議不可守鑿地百有五十尺始至于石工徒拱手曰是不可井矣君曰過石而下將無泉耶爾其屑而出之允一畚償爾百金工復致其力過石數重泉果沛發飲甘而不耗萬人歡呼曰神乎雖虜兵重圍吾無困渴之患矣用是復作數井兵民馬牛皆大足自茲西陲堡障患無

泉者悉倣此大蒙利焉既而朝廷署故寬州爲青澗城授君內殿承制知城事基

种世衡初至青澗城逼近虜境守備單弱芻糧俱乏世衡以官錢貸商旅使致之不問所出入未幾倉廩皆實又教吏民習射雖僧道婦人亦習之以銀爲射的中者輒與之既而中者益多其銀重輕如故而的漸厚且小矣或爭徭役優重亦使之射射中者得優處或有過失亦使之射射中則釋之由是人人皆能射士卒有病者常使一子視之戒以不愈必答之撫養羣屬親入其家得歡心爭爲之用寇至屢破之部落待遇如家人有功者或解所服金帶或撤席上銀器遺之比數年青澗城遂成富彊於延州諸寨中獨不求益兵運芻糧聞記

胡酋蘇慕恩部落最強世衡皆撫而用之嘗夜與恩飲出侍姬以佐酒既而世衡起入內潛於壁隙窺之慕恩竊與侍姬戲世衡遂出掩之慕恩慙懼請罪世衡笑曰君欲之邪即以遺之由是得其死力諸部有貳

者使慕恩討之無不克

聞記

青澗東北一舍而遠距無定河河之北有虜寨虜常濟河爲患君屢使屬羌擊之往必破走前後取首級數百牛羊萬計未嘗勞士卒也故功多而費寡建營田二千頃歲取其利募商賈使通其貨或先貸之本速其流轉歲時間其息十倍乃建白城中芻糧錢幣暨軍湏城守之具皆不煩外計一請自給有兀二族受夏戎僞署君遣人招之不聽即使慕恩出兵誅之死者半歸者半盡以其地暨牛羊賞諸有功其僭受僞署如兀二族者百餘帳咸股慄請命納其所得文券袍帶由是屬羌無復敢貳君戒諸族各置烽火夏戎時來抄掠則舉烽相告衆必介馬而待之破賊者數四

墓誌

慶曆三年春范文正公巡邊至爲環慶經略使知環州以屬羌多懷貳心密與元昊通以種世衡素得屬羌心而青澗城已空乃奏徙世衡知環州以鎮撫之有牛奴訛素屈強未嘗出見州官聞世衡至乃來郊迎世衡與約明日當至其帳慰勞部落是夕雪深三尺左右曰奴訛凶詐難信且道險不可行世衡曰吾方以信結諸胡可失期邪遂冒雪而往既至奴訛尚寢世衡蹴起之奴訛大驚曰吾世居此山漢官無敢至者公了不疑我邪帥部落羅拜皆感激心服記聞。又名臣傳云世衡佯醉卧其帳中奴訛與其妻環侍不敢離左右既醒而謂曰我醉卧此爾何不殺我奴訛泣曰是何言耶惟有一死可報吾父爾自是屬羌無不悅服

涇原葛懷敏定川之敗戎馬入縱于渭予領初种世衡在青澗爲屬吏所訟不法事按驗皆有狀鄜延路經略使龐公奏世衡披荆棘立青澗城若一一拘以文法則邊將無所措手足詔勿問及徙知環州將行別龐公拜且泣曰世衡心腸鐵石也今日爲公

下淚矣

聞記

失者亦用此得贖吏農工商無不樂射焉
繇是緣邊諸城獨環不求增兵不煩益糧
而武力自振夏戎聞屬羌不可誘土人皆
善射烽火相望無日不備乃不復以環爲
意

談摹

環原之間屬羌有明珠滅臧康奴三種最大
素號橫猾撫之則驕不可制攻之則險不
可入常爲原州患其北有二川通於夏虜
二川之間有古細霽城慶曆四年叅知政
事范文正公宣撫陝西命世衡與知原州
蔣偕共城之世衡先遣人說誘夏虜以故
未及出兵爭之世衡以錢募戰士晝夜板
築旬月而成乃召三種酋長諭以官築此
城爲汝禦寇三種旣出其不意又援路已
絕因而服從世衡在役所得疾明年正月
甲子卒屬羌朝夕聚哭其柩者數日青澗
環州吏及屬羌皆盡像事之八子古診詠
諂諤訴記

聞記

始元昊寇邊王師屢撓虜之氣焰益張常有
并吞關中之意其將剛浪凌號野利王某

號天都王各統精兵于別都天都失其姓名元昊倚
以爲腹心允所以能勝我軍皆二將之策
也种將軍方城青澗謀有以去之有王嵩
者本青澗僧將軍察其堅朴誘令冠帶因
出師以賊級予之白於帥府表授三班借
職充經略司指使且力爲辦其家事允居
室騎從衣食之具悉出將軍嵩感恩既深
將軍反不禮以奴畜之或掠治械繫數日
嵩雖不勝其苦卒無一辭望將軍將軍知
可任以事居半年召嵩謂之曰吾將以事
使汝吾戒汝所不言其苦雖有甚於此者
汝能爲吾卒不言否嵩泣對曰嵩貧賤無
狀蒙將軍恩教致身榮顯常誓以死報而
未知其所況敢辭捶楚乎將軍乃草遺野
利書書辭大抵如世間問起居之儀惟以
數句隱辭如嘗有私約而勸其速行之意
書於尺素且膏以蠟置衲衣間密縫之告
嵩此非濱死不得泄如泄之當以負恩不
能成吾事爲言并以畫龜一幅橐一篋爲
信俾遺野利嵩受教至野利所居致將軍

命出橐龜投之野利知見侮笑曰吾素奇
種將軍今何兒女子見識度嵩別有書索
之嵩佯目左右既而答以無有野利不敢
匿乃封其信上元昊數日元昊召野利與
嵩俱西北行數百里至一大城曰興州先
詣一官寺曰樞密院次曰中書有數胡人
雜坐野利與焉召嵩廷詰將軍書問所在
嵩堅執前對稍稍去巾櫛加執縛至於捶
楚極苦嵩終不易其言又數日召入一官
寺廳事廣檻皆垂班竹箔綠衣小竪立其
左右嵩意元昊宮室也少頃箔中有人出
又以前問責之曰若速言死矣嵩對如前
乃命曳出誅之嵩大號且言曰始將軍遣
嵩密遺野利王書戒不得妄泄今不幸空
死不了將軍事吾負將軍吾負將軍箔中
急使人追問之嵩具以對乃褫衲衣取書
以進書入移刻始命嵩就館優待以禮元
昊於是疑野利陰遣愛將假爲野利使使
于將軍將軍知元昊所遣未即見命屬官
日館勞之間虜中山川地形在興州左右

言則詳迫野利所部多不能悉適擒生虜
數人因令隙中視之生虜能言其姓名果
元昊使將軍意決乃見之將軍燕服據案
坐屬官皆朝衣抱文籍鳬鴈侍左右於是
罵元昊而稱野利有心內附乃厚遣使者
曰爲吾語若王速決無遲留也度使者至
嵩即還而野利已報死矣將軍知謀已行
因欲并間天都又爲置祭境上作文書於
版以弔多述野利與天都相結有意本朝
悼其垂成而失其文雜紙幣伺有虜至急
葬之以歸版字不可遽滅虜人得之以獻
元昊天都以此亦得罪元昊旣失二將久
之始悟爲將軍所賣遂定講和之策焉西
師旣平天子錄諸將功元帥蔽將軍不以
聞將軍不自辨至于終身嘉祐元年其子
古詣陝訴之事下御史府按驗如古狀不
誣詔付史官於是士大夫始知將軍之功
將軍果決縱橫有城府不測人也舉奏之
人皆能道之呂與叔文集後記聞筆談所載與此小異疑當以此爲正

初洛苑副使种世衡在青澗城欲遣僧王嵩入趙元昊境爲間召與之飲謂曰虜若得汝考掠求寶汝不勝痛當以實告邪嵩曰誓死不言世衡曰先試之乃縛嵩於庭而掠之數百萬不屈世衡曰汝真可也時元昊使其妻之兄弟寧令之舅野利旺榮及剛浪凌分將左右廂兵最用事世衡使嵩爲民服齋書詣旺榮且遺之橐及畫龜旺榮鎖嵩囚地牢中且半歲所會元昊欲復歸中國而先耻自言乃釋嵩囚使旺榮遣邊將書遣教練使李文貴送嵩還曰鄉者种洛苑書意欲更求通和邪邊將送文貴及嵩詣延州時龐公爲經略使已奉朝旨招納元昊始遣文貴往來議其事奏嵩除三班借職開記

寶元中党項犯邊有明珠族首領驍悍最爲邊患种世衡爲將欲以計擒之聞其好擊鼓乃造一馬持戰鼓以銀裹之極華煥密使謀者陽賣之入明珠族後乃擇驍卒數百人戒之曰凡見負銀鼓自隨者併力擒之一日羌酋負鼓而出遂爲世衡所擒又元昊之臣野利常爲謀主守天都山號天都大王與元昊乳母白姥有隙歲除日野利引兵巡邊深涉漢境數宿白姥乘間乃譖其欲叛元昊疑之世衡嘗得蕃酋之子蘇吃曩厚遇之聞元昊嘗賜野利寶刀而吃曩之父得幸于野利世衡因使吃曩竊野利刀許之以緣邊職任錦袍真金帶吃曩得刀以還世衡乃唱言野利已爲白姥譖死設祭境上爲祭文叙歲除日相見之歡入夜乃火燒紙錢川中盡明虜見火光引騎近邊窺覘乃佯委祭具而銀器千餘兩悉棄之虜人爭取器皿得元昊所賜刀及灰燼中見祭文已燒盡但存數十字元昊得之又識其所賜刀遂賜野利死野利王荆公言於神宗曰人不堪擾只如今歲一教則何由得精臣以爲唯有修种世衡

之法誘令邊人皆知習兵可使抗敵則兵

可省邊備不待勞費而自足要如世衡有

丞相潁國龐莊敏公

公名籍字醇之單州武成人中進士第

歷黃州司理參軍開封府法曹知襄邑

縣擢群牧判官殿中侍御史開封府判

官出爲廣東福建轉運使景祐三年爲

侍御史元昊反爲陝西體量安撫使降

知汝州除陝西轉運使進龍圖閣學士

知延州兼經略安撫招討使元昊旣稱

臣召爲樞密副使改參知政事拜樞密

使進同中書門下平章事罷知鄆州拜

昭德軍節度使知并州復爲觀文殿大

學士知青州徙定州召還京師以太子

太保致仕薨年七十六

明道中召入爲殿中侍御史 章獻太后崩

章惠太后欲踵之臨朝公奏燔闕門所掌

垂簾儀制以沮其謀 仁宗始專萬機富

於春秋左右欲以奇巧自媚後苑珠玉之

工頗盛於前日公上言今螽蟬爲災民憂

轉死北有耶律西有拓跋 陛下安得不

邊人習兵中人皆可以爲之 上曰教人
勇擇才武者入宿衛此亦可以誘邊人習
兵但令邊將爲如此事湏寬假之勿拘以
文法彼乃可爲對曰誠當寬假察則當詳
密若但寬假而察不能詳密則小人因緣
廢法亂紀更爲邊害不可不謹也凡今責
邊將則所急者不過數條其餘則一切可

閭略如此則人材易得就最所急者是使
邊人自知習兵先王能以中國禮樂兼夷
狄所長此所以能勝夷狄使邊人知習兵
乃亦所謂兼夷狄之所長也要在舉人之

所利者以加之於習兵之人不待令而自
勸矣且世衡獨以一守私爲之尚能如此
今又上承朝廷所以利道之者衆則其見
効又當倍於世衡矣

王荊公

以儉約爲師奢靡爲戒重惜國用以徇民之急上深納其言中丞孔公道輔嘗謂人曰今之御史多承望要人風指陰爲之用獨寵君天子御史耳

司馬公撰墓誌

爲開封判官尚美方有寵遺官者稱教旨免工人市繇公上言祖宗已來未有美
人敢稱教旨干撓府政者上怒秩官者
切責美人仍詔諸官府自今有傳宮中之
命皆毋得施行龍圖閣學士范諷喜放曠
不遵禮法士大夫多慕效之又爲姦利事
公屢奏其狀不報會使廣南將行復奏言
之且曰苟不懲治則敗亂風俗將如西晉
之季不可不察有詔置獄以覈其實獄成
諷坐貶仍下詔戒天下風俗

墓誌

慶曆元年延安缺帥以公爲之明年除延州
觀察使不拜延安自五龍川之敗戎落民
屋焚掠幾盡距郭無幾悉爲寇境人心危
懼公至補綻茹漏聚用增備撫民以仁馭
軍以嚴戍兵近十萬未有壁壘多寄止民
家無秋毫敢犯民者諸將欲出兵公必召

問方畧取其所長而誨其所短告以賞罰
已而必行由是諸將莫敢不盡力出輒有
功是時元昊數犯邊覆軍殺將而獨不近
鄜延間或小入輒以敗去故地爲虜所據
者公悉逐之築十一城於險要其腹中可
食之田盡募民耕之延安遂爲樂土會朝
廷益厭兵欲赦元昊之罪以詔書命公招
懷之公曰虜驟勝方驕若遣人說之彼益
偃蹇不可與言先是元昊用事之臣野利
旺榮遣其牙校李文貴來公留之於邊至
是召之自從公所喻以逆順禍福遣還文
貴尋以旺榮等四人書來用敵國禮公以
其不遜未敢復書請於朝朝廷急於息民
命公復書勿拒稱旺榮等爲太尉且曰元
昊果肯稱臣雖仍其僭名可也公上言僭
名理不可容臣不敢奉詔太尉天子上公
非陪臣所得稱今方抑止其僭而稱其臣
爲上公恐虜滋驕不可得臣旺榮等與臣
書自稱寧令謨寧令此虜中之官中國不
能知其義可以無嫌臣輒從而稱之朝廷

善之旺榮等又請用小國事大國之禮公曰此非邊帥所敢知也而主若遣使者奉表以來乃敢導致於朝廷耳是時朝廷方修復涇原公恐虜猝犯之敗其功乃留連其使數與之講議雖抑止其僨亦不決然絕也如是踰年元昊乃遣其臣賀從勗來自稱男邦面令國兀卒郎霄上書父宋皇帝公使謂之曰天子至尊荆王叔父也猶奉表稱臣今名體未正不敢以聞從勗曰子事父猶臣事君也使從勗得至京師而天子不許請更歸議之公上言虜自背誕以來雖屢戰得氣然喪和市之利民甚愁困今其辭禮寢順必誠有改事中國之心願聽從勗詣闕更選使者往至其國以詔旨抑之彼必稱臣凡名稱禮數及求勾之物當力加裁損必不得已乃少許之若所求不違恐豺狼之心未易盈厭也朝廷皆從其策元昊果稱臣冊命爲夏國

主墓

莊敏公爲鄜延招討使元昊効順公召李誠

之間其信否誠之曰元昊數欺中國故疑之今則可信也元昊向得歲賜而不用積年而後叛今用兵數歲雖戰屢勝而所攻不克田里所掠不辨一日之費向來之積費已盡矣故罷兵耳然公母以爲功歸之朝廷則兵可罷竊計諸公不以此與人也公未以爲然既而果遣兩人以他事使虜過延問朝廷議罷兵云何皆曰不知及還與虜使王延壽來公召會兩人問延壽來意又曰不知公曰延壽黠虜與君來而君且不知耶召裨將曰問王延壽何來吾爲將而不與知邪亟書所奏事來不然且遣還兩人大懼乃以情告願還使者公曰軍令不可反君自止之而書其事來兩人具以事聞公自是異李焉勗

元昊旣効順而不肯臣請稱東朝皇帝爲父國號吾祖年用私號求割三州十六縣地朝議彌年不決旣而報書年用甲子國號易其一字虜使過延公坐堂上召虜使立前而謂曰爾主欲戰則戰今不戰而降則

朝廷所賜藩臣詔與頌朔封國皆有常制
不必論自古夷狄盜中國之地則聞之未
聞割地與夷狄也三州十六縣豈可得耶
使曰清遠故屬虜且墳墓所在故欲得耳
公曰中國所失州縣今未十年若論墳墓
所在則中國多矣使語塞公曰爾主旣受
封歲祿多少此則可議餘不足論虜使畏

服叢談

公在延州治州城及諸寨皆募禁軍爲之軍
行出塞則使因糧於敵馬芻皆自刈之還
畀其直民無飛輓之勞及去民遮道泣曰
公用兵數年未嘗以一事煩民雖以一子
爲香焚之猶不足報也追送數驛乃去

誌

禁軍增數萬人東軒筆錄○又記聞云傳永曰皇祐二年詔陝西揀閱諸軍及新保捷年五十以上若短不及格四指者皆免爲民議者紛然以爲邊事未可知不宜減兵又云停卒一旦失衣糧歸鄉間必相聚爲盜賊緣邊諸將爭之尤甚是時文公爲執政龐公爲樞密使固執行之不疑是歲陝西所免新保捷凡三萬五千餘人皆歡呼返其家其未免者尚萬餘人皆悲涕恨已不得去永曰陝西緣邊計一歲費七十貫錢養一保捷是歲邊費九減二百四十五萬貫陝西之民由是稍蘇

廣源蠻儂智高反詔以樞密副使狄青爲宣撫使討之言事者以青武人不足專任固

又皆習弓刀一旦散之間閭必皆爲盜賊上亦疑之以問二公二公曰今公私困竭

請以侍從文臣爲之副 上以訪公公以青必能辦賊請專以委之於是詔嶺南用兵皆受青節度卒破智高秋武襄公事中墓誌○此事詳見近世臺官進用太速公舉舊制御史秩滿以大藩處之內侍省都知王守忠侍上久求領節度使上以問公公曰自宋興以來未有內臣爲節度使者陛下至孝允祭祀文物事有毫髮關於宗廟者未嘗不兢兢畏敬况祖宗典法又可隳邪上乃止由是內外怨疾頗多謠

始平公自鄆徙并過京師謁上是時上新用文富爲相自以爲得人謂公曰朕新用二相如何公曰二臣皆朝廷高選陛下拔而用之甚副天下之望上曰誠如卿言文彥博猶多私至於富弼萬口同詞皆云賢相也始平公曰文彥博臣頃與之同在中書詳知其所爲實無所私但惡之者毀之耳况前者被謗而出今當愈畏敬矣富弼頃爲樞密副使未執大政朝士大夫未有與之爲怨者故交口譽之冀其進

而已有所利焉若富弼以陛下之爵祿樹私恩則非忠臣何足賢也若一以公議槩之則向之譽者將轉而爲謗矣此陛下所宜深察也且陛下旣知二臣之賢而用之則當信之堅任之久然後可以責成功若以一人之言進之未幾又以一人之言疑之臣恐太平之功未易可致也上曰卿言是也記

至和三年以災異詔中外咸言得失公密疏曰太子天下本今陛下春秋固方盛然太子不豫建使四方無所係心願擇宗室之宜爲嗣者蚤決之羣情既安則大異可塞矣臣歷位將相恐先大馬無以報雖冒萬死而不悔也王禹王撰神道碑

虜盜耕屈野河田朝廷恐益復侵邊遣使更定其地旣而召虜人不至公遂禁邊毋與和爲市虜人怨之日夜聚兵境上公又戒毋得輒舉師久之虜且去公命通判并州司馬光詣麟州與知州武戲計事戲乃請築三堡于屈野之西使虜不敢耕故地光

還公雖許之而堡實未築也已而虜兵輒復聚管勾麟府兵馬郭恩走馬承受公事黃道元乃與戡擅率兵至忽里堆欲出其不意以擊之會伏發恩道元皆戰沒而戡僅以身免未幾虜送道元歸詔御史鞫之乃言與戡等行視堡地因爲虜所掩公坐是罷節度使復爲觀文殿大學士知青州於是司馬光上書曰擅議築堡臣光實陳之今戡等輕出亡師傷國威重罪在臣光

公聞亦上奏自咎皆不報

碑神道

知定州請老召還京師公陳請不已或謂公今精力克壯年少所不及 主上注意方厚何遽引去若此之堅公曰必待筋力不支明主厭棄然後乃去是不得已豈止足之謂耶凡上表者九手疏二十餘通朝廷不能奪五年聽以太子太保致仕墓誌公好學出於天性雖耋老家臣常讀書賦詩以自娛至忘飢渴寒暑子弟雖愛之甚常莊色以誨之閨門燕居人不見其有惰容其爲治以愛民爲主明練法令以平心處

之常曰凡爲大臣尤宜祗畏繩墨豈得自恃貴重亂天子法耶唯治軍差嚴有犯輒以便宜從事或斷斬剗磔或累笞取斃軍中股栗然能察知其勞苦至於廬舍飲食無不盡心爲之區處使皆寧美故所至士卒望風聳畏而終無怨心遇僚屬謙恭和易有所關白苟可取雖文書已行立爲更易無愛吝心墓誌

八之二

樞密使狄武襄公

公名青字漢臣汾州西河人少隸軍籍

選爲散直寶元初陝西用兵出補延州

指使以功累遷涇原路副都總管經略

招討副使入爲馬步軍副都指揮使以

彰化軍節度使知延州擢樞密副使皇

祐中儂智高反以宣徽南院使宣撫荆

湖南北路經制廣南盜賊事賊平拜樞

密使以使相出判陳州薨年五十

公風骨奇偉善騎射里間俠少多從之初游

京師遂補拱聖籍中寶元之初元昊叛河

西兵出數無功公自散直爲延州指使延

帥知公敢行故常使當賊鋒凡數歲間大

小二十五戰捕虜萬有餘獲馬牛羊橐駝

鎧仗符印車輜器物以數萬計嘗破賊金

湯城遂略宥州之境燔其積聚數萬廬舍

數千收其帳二千三百五口五千七百又

城橋子谷築招安豐林新寨大郎堡皆扼

賊要害使不能闖邊上欲召見公會寇

薄平涼因命圖形以進繇是天下知公名

王禹玉撰神道碑○又東齋記事云狄青與西賊戰每帶銅面具被髮出入行陣間凡八中箭累功至招

其面遂令圖形以進

寶元中黨項犯塞時新募萬勝軍未習戰陣

遇寇多北狄青爲將一日盡取萬勝旗付

虎翼軍使之出戰虜望其旗易之全軍徑

趨爲虎翼所破殆無遺類

筆談

青在涇原嘗以寡當衆度必以奇勝預戒軍

中盡捨弓弩皆執短兵密令軍中聞鉦一

聲則止再聲則嚴陣而陽却鉦聲止則大

呼而突之士卒皆如其教纔遇敵未接戰

遽聲鉦士卒皆止再聲皆却虜人大笑相

謂曰孰謂狄天使勇時虜人謂青爲天使

鉦聲止忽前突之虜兵大亂相踐踏死者

不可勝計也

筆談

狄青戍涇原日嘗與虜戰大勝追奔數里虜

忽壅遏山踊知其前必遇險士卒皆欲奮

擊青遽鳴鉦止之虜得引去驗其麌果臨

深澗將佐皆悔不擊青獨曰不然奔亡之

虜忽止而拒我安知非謀軍已大勝殘寇

不足利得之無所加重萬一落其術中存亡不可知寧悔不擊不可悔不止

詒筆

廣源州蠻儂智高以其衆叛乘南方無備連

破邕賓等七州至廣州所至殺吏民縱掠

東南大駭朝廷遣驍將張忠蔣偕馳驛討

之甫至則皆爲智高所摧陷又遣楊畋孫

汙余靖招撫皆久之無功

仁宗憂之遂遣樞密副使狄青爲宣撫使率衆擊之翰

林學士曾公亮問所以爲方略者青初不

肯言公亮固問之青迺曰比者軍制不立

又自廣川之敗賞罰不明今當立軍制明

賞罰而已然恐賊見青來以謂所遣者官

重勢必不得見之公亮又問賊之標牌殆

不可當如何青曰此易耳標牌步兵也當

騎兵則不能施矣初張忠蔣偕之往率皆

自京師六七月馳至廣州未嘗拊士卒立

行伍一旦見賊則疾驅使戰又偕等所居

不知爲營衛故士卒皆望風退走而忠臨

陣偕方卧帳中悉爲賊所虜楊畋余靖又

所爲紛亂不能自振而孫汙大受請託所

與行者迺朱從道鄭紓歐陽乾曜之徒皆

險薄無賴欲有所避免邀求汙引之自從

遠近莫不嗟異旣至潭州汙遂稱疾觀望

不敢進青之受命有因貴近求從青行者

青延見謂之曰君欲從青行此青之所求

也何必因人之言乎然智高小寇至遣青

行可以知事急矣從青之士能擊賊有功

朝廷有厚賞青不敢不爲之請也若往而

不能擊賊則軍中法重青不敢私也君其

思之願行則即奏取君矣非獨君也君之

親戚交遊之士幸皆以青此言告之苟欲

敢言求從青行者其所辟取皆青之素所

與以爲可用者人望固已歸矣及行率衆

日不過一驛所至州輒休士一日至潭州

遂立行伍明約束軍行止皆成行列至於

荷鏃羸糧持守禦之備皆有區處軍人有

奪逆旅菜一把者斬之以徇於是軍肅

然無敢出聲氣萬餘人行未嘗聞聲青每

止郵驛四面嚴兵每門皆諸司使二人無

一人得妄出入而求見青者無不即時得通其野宿皆成營柵青所居四面陳兵彀弓弩皆數重所將精銳列布左右守衛甚嚴方青之未至諸將屢敗屢走皆以爲常至是知桂州崇儀使陳某知英州供備庫使蘇緘與賊戰復敗走如當時青至賓州悉召陳與裨校凡三十二人數其罪按軍法斬之唯蘇緘在某所使械繫上聞於是軍中人人奮勵有死戰之心是時智高還守邕州青懼邕關險阨爲所據乃下令賓州具五日糧休士卒賊謀知不爲備是夜大風雨青率衆半夜時度邕關既度喜曰賊不知守此無能爲也彼謂夜半風雨吾不敢來吾來所以出其不意也已近邕州賊方覺逆戰於歸仁鋪青登高望之賊據坡上我軍薄之裨將孫節中流矢死青急麾軍進人人皆殊死戰先是青已縱蕃落馬二千出賊後至是前後合擊賊之標牌軍爲馬軍所衝突皆不能駐軍士又從馬上鐵連枷擊之遂皆披靡相枕籍死

賊遂大敗智高果焚城遁去青先與公亮言立軍制明賞罰賊不可得見標牌不能當騎兵皆如其所料青坐堂戶之上論數千里之外辭約而慮明雖古之名將何以加此豈特一時之武人崛起者乎方慶曆中葛懷敏與李元昊戰於廣川懷敏敗死而諸校與士卒旣敗多竄山谷間是時以權宜招納皆許不死自此軍多棄其將不肯死戰故青云自廣川之敗賞罰不行翰林學士蔡襄亦言聞於青者如此南豐雜識

初樞密副使狄青自請擊智高以青爲宣徽南院使荆湖南北路宣撫使都大提舉經制廣南東西路賊盜事諫官韓絳上言狄青武人不足專任固請以侍從文臣爲之副上以訪執政時龐籍獨爲相對曰屬者王師所以屢敗皆由大將權輕偏裨人自用遇賊或進或退力不能制也今青起於行伍若以侍從之臣副之彼視青如無青之號令復不得行是猶覆車之轍也青素名善戰今以二府將大兵討賊若又

不勝不惟嶺南非 陛下之有荆湖江南皆可憂矣禍難之興未見其涯不可不畏青昔在鄜延居臣麾下沉勇有智略若專以智高事委之使青先以威齊衆然後用之必能辦賊幸 陛下勿以爲憂也 上曰善於是詔嶺南用兵皆受青節度處置民事則與孫沔等議之時余靖軍于賓州聞智高將至棄其城及芻糧走保邕智高陷賓州靖引兵出揚言邀賊留監押守邕州監押亦走智高復入邕州十一月狄青至湖南諸道兵皆會諸將聞宣撫使將至爭先立功余靖遣廣南西路鈴轄陳某將萬人擊智高爲七寨逗遛不進十二月壬申朔智高與某戰於金城驛某敗遁歸死者二千餘人棄捐器械輜重甚衆交趾王德政請出兵二萬助收智高狄青奏官軍自足辦賊無用交趾兵丁未詔交趾母出兵青又請西邊蕃落廣銳近二千騎與俱五年正月青至賓州余靖陳某皆來迎謁時饋運未至青初令備五日糧既又備十

日糧智高聞之由是懈惰不爲備上元張燈高會先是諸將視其帥如僚寀無所嚴憚每議事各執所見喧爭不用其命已酉狄青悉集將佐於幕府立陳某於庭下數其敗軍之罪并軍校數十人皆斬之諸將股栗莫敢仰視余靖起拜曰某之失律亦靖節制之罪青曰舍人文臣軍旅之責非所任也於是勒兵而進步騎二萬或說儂智高曰騎兵利平地宜遣兵守崑崙關勿使度險俟其兵疲食盡擊之無不勝者智高驟勝輕官軍不用其言青倍道兼行出崑崙關直趣其城智高聞之狼狽發兵出戰戊午相遇於歸仁鋪青使步卒居前匿騎兵於後蠻使驍勇者執長槍居前羸弱悉在其後其前鋒孫節戰不利而死將卒畏青令嚴力戰莫敢退者青登高丘執五色旗麾騎兵爲左右翼出槍之後斷蠻軍爲三旋而擊之槍立如束蠻軍大敗殺獲三千餘人獲其侍郎黃師宓等智高走還城官軍追之營其城下夜營中驚呼蠻聞

之以爲官軍且進攻棄城走明日青入城遣裨將于振追之過田州不及而還智高奔大理捷書至上喜謂龐籍曰嶺南非卿執議之堅不能平今日皆卿功也狄青還上欲以爲樞密使同平章事籍曰昔曹彬平江南太祖謂之曰朕欲以卿爲使相然今敵尚多卿爲使相安肯復爲朕盡死力耶賜錢二十萬緡而已今青雖有功未若彬之大若賞以此官則富貴極矣異日復有寇盜青更立功將以何官賞之且青起軍中致位二府衆論紛然爲國朝未有此比今幸而立功論者方息若又賞之太過是復使青得罪於衆人也臣所言非徒便於國體亦爲青謀也昔衛青已爲大將軍封侯立功漢武帝更封其子爲侯陛下若謂賞功未盡宜更官其諸子爭之累日上乃許之二月癸未加青護國軍節度使樞密副使如故仍遷諸子官既而議者多謂青賞薄石全彬復爲青訟功於中書五月乙巳竟以青爲樞密使

聞記

狄青宣撫廣西時儂智高守崑崙關青至賓州值上元節令大張燈燭首夜燕將佐次夜燕從軍官三夜饗軍校首夜樂飲徹曉次夜二鼓時青忽稱疾暫起如內廄之使人諭孫元規令暫主席行酒少服藥乃出數使人勸勞座客至曉各未敢退忽有馳報者云是夜三鼓青已奪崑崙矣筆談。又東軒筆錄

云秋青之征儂智高也自過桂林即以辨色時先鋒既行青乃出帳受銅罷命諸將坐飲酒一卮小餐然後中軍行率以爲常及煩軍崑崙關下翊日將度關農起諸將詣帳立甚久而青尚未始至日高親吏疑之遂入帳周視則不知青所在諸將方相驚愕俄有軍候至曰宣徵傳語諸官請過開喫食○方知青已微服同先鋒度關矣

○此事二書不同未知孰是

公入邕州獲金貝巨萬畜數千悉分戩下賊所俘脅皆慰遣之斂積尸爲京觀于城北尸有衣金龍之衣者又得金龍楯於其傍或言智高已死亂兵中當亟作奏者公曰安知其非許寧失智高敢欺朝廷耶碑○道又筆談云狄青平嶺寇賊帥儂智高兵敗奔邕州其下皆欲窮其窟穴青亦不從以謂趨利乘勢入不測之城非大將事智高因而獲免天下皆罪青不入邕州脫智高於垂死然青之用兵主勝而已不求奇功可止矣然猶計功最多卒爲名將譬如奕棋已勝敵

利而能戒乃青之過人處也

狄青爲樞密使是時予爲諫官人有相語童謠云漢似胡兒胡似漢改頭換面摠一般只在汾河川子畔以爲青汾河人面有刺字不肯減去又姓狄爲漢人此歌爲是人作也爲不疑矣欲予言之予應之曰此唐太宗殺李君羨事上安忍爲適以啓君臣疑心耳范蜀公東齋記事

公器度深遠今相國韓公故資政殿大學士

范文正公之爲西帥也皆隸其節下咸奇

之曰此國器也文正嘗以左氏春秋授公

曰熟此可以斷大事將不知古今及夫之

勇不足爲也公於是晚節益喜書史既明見時事成敗尤好節義其在涇原也起居舍人尹洙與公同經略招討安撫使事洙

有文武才略博通古今常稱公曰古之名將無以過也公於交遊在亡不渝師曾後

以貶死公厚卹其孤如至親焉余襄公撰墓誌

其徙真定道過故鄉謁縣先下車趨至令庭

遂燕故老於纛下里中榮之公事親孝遭父喪雖袴金革之事而哀戚過人養母尤

篤征南之日懼遺其憂戒內外不以治兵事聞第云奉使江表而已始行至邕會瘴霧之氣昏鬱中人或謂賊流毒水中飲者多死忽一夕泉湧于郊汲之甘冽遂濟其衆碑神道

公之南征今觀文孫公沔與公偕行其軍中之政公實專之至于南夏經久之制多讓孫公裁處談者嘉其謙挹墓誌

狄青作真定副帥嘗宴公惟劉易先生與焉易性素疎訐時優人以儒爲戲易勃然謂黠卒敢如此詬詈武襄不絕口至擲搏俎以起公是時觀武襄氣殊自若不少動笑語益溫次日武襄首造劉易謝公於是時已知其有量韓魏王別錄

陝西豪士劉易多遊邊喜談兵寶元康定間韓魏公宣撫五路薦之賜廩士號易善作詩魏公爲書石或不可其意則發怒洗去府第尊禮之狄武襄代師曾遇之亦厚每燕設易喜食苦馬菜不得之即叫怒無禮

邊城無之狄公爲求於內郡后每燕集終日唯以此菜啗之易不能堪方設常饌時

稱狄公善制易也

聞見錄

狄武襄公爲范文正韓忠獻諸公所知後位

樞密或告以當推狄梁公爲遠祖武襄愧

謝曰青出田家少爲兵安敢祖梁公哉

筆談

云狄青爲樞密使有狄梁公之後持梁公畫像及告身十餘通請青獻之以謂青之遠祖青謝之曰一時遭際安敢自附梁公厚贈而還之比之郭索綱父子儀之甚青所得多矣

字則曰青雖貴不忘本也

或云去其渥青指其面曰仁宗喻青使

臣所以至此者以是耳願留以視軍中不敢奉詔每至韓公家必拜于廟廷之下入拜夫人甚恭以郎君之禮待其子弟其異於人如此

錄聞見

京師火禁甚嚴將夜分即滅燭故士庶家凡有醮祭者必先關廂吏以其焚楮幣在中夕之後故也至和嘉祐之間狄武襄爲樞密使一夕夜醮而句當人偶失告報中夕驟有火光探卒馳白廂主又報開封知府到宅則火滅久矣翊日都下盛傳狄相公家有光恆燭天者時劉敞爲知制誥聞之語權知開封府王素曰昔朱全忠居午溝

夜光恆出屋鄰里謂失火而往救則無之今日之異得無類此乎此語喧於縉紳間

狄不自安遽乞陳州遂薨於鎮而夜醮之

事竟無人爲辨之者

東軒筆錄○或云青在樞府四年每出軍士必指以相誇青家嘗有犬生角又時

藝出紫微垣青去而誠云時

八之三

參政吳正肅公

豪猾曰吾何有以及斯人去其爲害者而已

墓誌

公名育字春卿建州浦城人中進士甲科舉賢良方正通判蘇州還知太常禮院改右正言供職知制誥進翰林學士知開封府慶曆五年拜樞密副使數月改叅知政事復爲樞密副使出典數州召爲翰林侍讀學士辭疾請郡得汝州會疾甚以集賢院學士判西京留司御史臺召還判尚書都省除宣徽南院使鄜延路經略安撫使以疾辭改知河中徙河南薨年五十五

公爲人明敏勁果強學博辨能自忖度不可守不發已發莫能屈奪歐陽公
撰墓誌

公爲政簡嚴所至民樂其不擾去雖久愈思之知襄城縣宗室官宦往來上冢過縣者無虛日或夜半叩縣門索牛駕車公輒不應及旦徐告曰牛不可得也由是皆曰此不可爲也凡過其縣者不敢以鷹犬犯民田至它境然後敢縱獵其治開封府尤先

由是議者始悔不用公言而虛弊中國又龍川志六寶元初九吳慢書始聞張鄧公爲相即議絕和問罪時西邊弛備已久不知兵識者以爲憂吳春洲時爲諫官上言夷秋不講禮義宜勿與較許其所求彼時無詞舉動然後陰勃邊臣脩戰備使年歲之隔戰守之計立財冗吳雖欲妄作不能爲深害矣奏入鄼公笑曰人言吳舍人心風果然既而和事一絕元吳入寇所至如入無人之境後數年力盡求和歲增賂遺仍改名瓦卒朝廷竟亦不問世乃以春卿之言爲然

直乃復以爲樞密副使居歲餘大旱賈丞
相罷去御史中丞高若訥用洪範言大臣
廷爭爲不肅故兩不時若因并罷公墓誌
公知蔡州蔡故多盜公按令爲民立伍保而
簡其法民便安之盜賊爲息京師有告妖
賊聚確山者上遣中貴人馳至蔡以名
捕者十人使者欲得兵自往取之公曰使
者欲藉兵立威欲得妖人以還報也使者
曰欲得妖人爾公曰吾在此雖不然聚
千人于境內安得知使信有之今以兵
往是趣其爲亂也此不過鄉人相聚爲佛
事以利錢財爾一弓手召之可致也乃館
使者日與之飲酒而密遣人召十人者皆
至送京師告者果伏辜墓誌

龐丞相經略河東與夏人爭麟州界亟築柵

於白草公以謂約不先定而亟城必生事

遽以利害牒河東移書龐公且奏疏論之

朝廷皆不報已而夏人果犯邊殺驍將郭

恩而龐丞相等與其將校十數人皆以此

得罪麟府遂警墓誌

公在二府太保公以列卿奉朝請父子在廷
士大夫以爲榮而公踧躇不安自言子班
父前非所以示人以法顧不敢以人子私
亂朝廷之制願得罷去不聽天子數推
恩群臣子弟公每先及宗族疎遠者至公
之卒子孫未官者七人墓誌

公在諫職時賈昌朝等數人名編脩資善堂
書而實教授內侍公奏罷之爲叅知政事
山東盜起仁宗遣中使察視還奏盜不足
慮惟兗州杜衍鄆州富弼得山東心此
爲可憂上欲徙二人淮南公曰盜誠無
足慮而小人乘時以傾大臣非國家福也
乃止後判西京留司御史臺留臺舊不領
民事時張堯佐知河陽民訟久不決多詣
公者公爲辨曲直判狀尾堯佐畏恐奉行
上嘗語輔臣曰育剛正可用但嫉惡太過
耳

公性明果所至作條教簡疎易行而不可犯
遇事不妄發發即莫能奪其辯論明白使
人聽之不疑初尹開封范仲淹在政府因

白事數與仲淹忤既而仲淹安撫河東有

奏請多爲任事者所沮公取可行者固執

行之

王鞏云其父仲儀言陳執中罷相 仁宗問
誰可代卿者執中舉吳育 上即召赴闕
會乾元節侍宴偶醉坐睡忽驚顧拊床呼
其從者 上愕然即除西京留臺以此觀
之執中雖俗吏亦可賢也育之不相命矣
夫然晚節有心疾亦難大用 仁宗非棄
材之主也

東坡志林

八之四

參政王文忠公

公名堯臣字伯庸應天府虞城人舉進
士第一通判明州知光州入爲右司諫
知制誥同知通進銀臺司入翰林爲學
士爲陝西體量安撫使權三司使遷翰
林學士承旨群牧使拜樞密副使參知
政事薨年五十六謚文安元豐中詔以
公嘗與建儲之議贈太師中書令改今
謚

知光州歲大旱群盜發民倉廩吏法當死公
曰此飢民求食爾荒政之所恤也乃請以
減死論其後遂以著令至今用之

歐陽公撰墓誌

遷左司諫郭皇后廢后瑤華宮有疾 上頗
哀矜之方后廢時官者閩文應有力及后
疾文應又主監醫后且卒議者疑文應有
奸謀公請付其事御史考按虛實以釋天
下之疑事雖不行然自文應用事無敢指
言者後文應卒以恣橫斥死后猶在殯有
司以歲正月用故事張燈公言郭氏幸得

厚恩復位號乃天子后也張燈可廢

上遽爲之罷

墓誌

元昊反西邊用兵以公爲陝西體量安撫使
公規四路山川險易還言某路宜益兵若
于某路賊所不攻某路宜急爲備至於諸
將材能長短盡識之薦其可用者二十餘
人後皆爲名將是時邊兵新敗於好水任
福等戰死今韓丞相坐主帥失律范文正
公亦坐移書元昊皆奪招討副使公因言
此兩人天下之選也其忠義智勇名動夷
狄不宜以小故置之且任福由違節度以
致敗尤不可深責主將由是迄寧相意并
其他議多格不行明年賊入涇原戰定川
殺大將葛懷敏乃公指言爲備處由是始
以公言爲可信而前所格議悉見施行因
復遣公安撫涇原路公曰陛下復用韓
琦范仲淹幸甚然將不中御兵法也願許
以便宜從事上以爲然因言諸路都部
署可罷經略副使以重將權而偏將見招
討使以軍禮置德順軍於籠竿城廢營田

以其地益募弓箭手

墓誌

公使還行至涇州而德勝寨兵迫其將姚貴
閉城叛公止道左解裝爲榜射城中以招
貴且發近兵討之初吏白曰公奉使且還
歸報天子爾貴叛非公事也公曰貴土豪
也頗得士心然初非叛者今不乘其未定
速招降後必生事爲朝廷患貴果出降

墓誌

自朝廷理元昊罪軍興而用益廣前爲三司
者皆厚賦暴斂甚者借內藏率富人出錢
下至果菜皆加稅而用益不足公始受命
則曰今國與民皆弊矣在陛下任臣者
如何由是天子一聽公所爲公乃推見

財利出入盈縮曰此本也彼末也計其緩
急先後而去其蠹弊之有根穴者斥其妄
計小利之害大體者然後一爲條目使就
法度罷副使判官不可用者十五人更薦
用材且賢者朞年民不加賦而用足明年
以其餘償內藏所借數百萬又明年其餘
而積於有司者數千萬而所在流庸稍復

其業

墓誌

初官者張永和方用事請收民房錢十之三

以佐國事下三司永和陰遣人以利動公

公孰以爲不可度支副使林灘附永和議

不已公奏罷雖乃止益利夔三路轉運使皆請增民鹽井課歲可爲錢十餘萬公亦

以爲不可而權倖因緣多見裁抑京師數

爲飛語及上之左右往往讒其短者

上一切不問而公爲之亦自若也及公旣

罷上慰勞之公頓首謝曰非臣之能惟

陛下信用臣爾

墓誌

爲樞密副使持法守正以身任天下事凡宗室官官醫師樂工嬖習之賤莫不關樞密而濫恩倖請隨其事可損損之可絕絕之至其大者則皆著爲定令由是小人益怨造爲飛書以害公公得書自請曰臣恐不能勝衆怨願得罷去上愈知公爲忠爲下令捕爲書者甚急公益感勵在位六年廢職修舉皆有條理

墓誌

樞密使狄青以軍功起行伍厯大位而士卒多屬目往往往造作言語以相扇動人情以

爲疑而青色頗自得公嘗以語衆折青爲陳禍福言古將帥起微賤至富貴而不能保首領者可以爲鑒戒青稍沮畏

墓誌

公在政事論議有所不同必反復切劘至於是而後止不爲獨見在上前所陳天下利害甚多至施行之亦未嘗自名其所設

施與在樞密時特異豈政事者丞相府也其體自宜如是邪

墓誌。公有建諸事見文

踏公富韓公范蜀公事中

八之五

樞密包孝肅公

公名拯字希仁廬州合肥人舉進士知天長縣徙知端州入爲監察御史歷三司戶部判官京東陝西河北轉運使三司戶部副使擢天章閣待制知諫院復爲河北都轉運使徙知瀛揚廬州江寧府召權知開封府遷諫議大夫權御史中丞爲三司使拜樞密副使薨包孝肅公知天長縣有訴盜割牛舌者公使歸屠其牛鬻之既而有告私殺牛者公曰何爲割某家牛舌而又告之盜者驚伏徙知端州州歲貢硯前守緣貢率數十倍以遺權貴人公命製者纔足貢數歲蒲不持一硯歸

呂許公夷簡聞包拯之才欲見之一日待漏院見班次有包拯名頗喜及歸又問知居同里巷意以拯欲便於求見無幾報拯朝辭乃就部注一知縣而出尤奇之遽使人追還遂薦對除裏行自此擢用危史

包孝肅在言路極言時事復爲京尹令行禁止至今天下皆呼包待制又曰包家市井小民及田野之人凡徇私者皆指笑之曰你一箇包家見貪汚者曰你一箇司馬家天下稱司馬公曰司馬家呂氏家塾記

包孝肅公立朝剛嚴聞者皆憚之至於閭里童稚婦女亦知其名貴戚官官爲之歛手舊制允訟訴不得徑造庭下府吏坐門先收狀牒謂之牌司公開正門徑使至前自言曲直吏民不敢欺

包孝肅尹京號爲明察有編民犯法當杖脊吏受賄與之約曰今見尹必付我責狀汝第呼號自辨我與汝分此罪汝決杖我亦決杖旣而包引囚問畢果付吏責狀囚如吏言分辯不已吏人聲訶之曰但受脊杖出去何用多言包謂其市權猝吏於庭杖之十七特寬囚罪止從杖坐以沮吏勢不知乃爲所賣卒如素約小人爲姦固難防也孝肅天性峭嚴未嘗有笑容人謂包希仁笑比黃河清華談

王禹王曰包希仁知廬州廬州即鄉里也親

舊多乘勢擾官府有從舅犯法希仁撻之

自是親舊皆屏息希仁始及第以親老侍

養不仕官且十年人稱其孝知開封府爲

人剛嚴不可干以私京師爲之語曰關節

不到有閭羅包老吏民畏服遠近稱之爲

長吏僚佐有所開白喜面折辱人然其所

言若中於理亦畊然從之剛而不慢此人

所難也

聞記

包孝肅知諫院數論斥大臣權倖請罷一切

內降曲恩又列上唐魏鄭公三疏請置坐

右以爲龜鑑別條七事多見采納及後爲

中丞奏曰東宮虛位日久天下以爲憂群

臣數有言者卒未聞有所處置未審聖意

持久不決何也夫萬物皆有根本而太子

者天下根本也根本不立禍孰大焉 仁

宗曰鄉欲誰立公曰臣非才備位所以乞

豫建太子者爲宗廟萬世計耳 陛下問

臣欲誰立是疑臣也臣行年七十且無子

非邀後福者唯

陛下裁察

仁宗喜曰

徐當議之

公性峭直然奏議平允常惡俗吏苛刻務爲

敦厚雖嫉惡甚至人情所不及即推以怒

不爲苟合未嘗僞色辭以悅人不作私書

至於干請無故人親黨一皆絕之居家儉

約衣服器用飲食雖貴如初官時云

八之六

樞密使曾國王武恭公

公名德用字元輔鄭州管城人父曾武

康公超事太宗真宗有勞公以父

任爲官以御前忠佐爲馬軍都軍頭出

爲邢洺磁相巡檢知廣信軍徙冀州召

爲侍衛親軍都虞候殿前副都指揮使

拜檢校太保簽書樞密院事遷副使知

院加宣徽南院使罷爲武寧軍節度使

赴鎮降右千牛衛上將軍知隨州徙知

曹州起爲保靜軍節度使知澶州徙定

陳州入奉朝請出判相州拜平章事以

太子太師致仕復以使相起判鄭州至

和元年拜樞密使封曾國公凡三歲求

去位至六七乃以爲景靈宮使五日一

朝給扶者以子若孫一人明年薨年七

十九

至道二年遣五將討繼遷公從武康公出鐵

門爲先鋒殺獲甚衆軍至烏白池諸將失

期不得進公告其父曰歸師過險爭必亂

乃以兵前守隘令其軍曰亂行者斬由是士卒無敢先後雖武康公亦爲之按轡追兵望其軍整不敢近武康公嘆曰王氏有子矣

歐陽公撰
神道碑

邢洛盜出入二州間歷年吏不能捕公以彊

車載勇士爲婦人服盛飾誘之邯鄲道中

賊黨爭前邀劫遂皆就擒由是知名

碑

真宗上儻時雖仲春而大雪苦寒莊獻太

后詔賜坐甲衛士酒獨王德用令所轄不

得飲后以問德用德用泣曰衛士荷先

帝恩德厚矣今率土崩心安忍縱飲矧嗣

君尚少未親萬機不幸一夫酗酒奮臂狂

呼得不動人心耶后大歎賞自是有意

大用

澠水
燕談

先是軍中選補不以公其貧亡貲雖當補不可得公典禁軍親爲按籍以勞舊第進騎

士請馬集於廷中混而給之吏無所容其

章獻太后臨朝有詔補一軍吏公曰補吏軍政也敢挾詔書以干吾軍亟請罷之太

王禹偁
撰墓誌

后固欲與之公不奉詔乃止及太后上仙有司請衛士坐甲公以爲故事無爲太后喪坐甲又不奉詔於是天子以公可任大事

碑神道

公善撫士狀貌雄偉動人雖里兒巷婦外至夷狄皆知其名氏御史中丞孔道輔等因事以爲言乃罷樞密出鎮又貶官知隨州士皆爲之懼公舉止言色如平時惟不接賓客而已久之道輔卒客有謂公曰此害公者也公愀然曰孔公以職言事豈害我者可惜朝廷亡一直臣於是言者終身以爲媿而士大夫服公爲有量

神道碑○又澠水燕談曰王武

恭公狀兒魁偉而面色正黑雖匹夫下卒間巷小兒外至達吏君長皆知其名識與不識稱之曰黑王相公北虜常呼其名以驚小兒其爲戎狄畏服如此蘇紳孔道輔等言其宅就乾岡貌類藝祖公奏曰宅

號乾岡朝廷所賜號

類藝祖父母所生云

契丹聚兵幽涿遣使者有所求自河以北皆警乃拜公保靜軍節度使知瀘州契丹使者過瀘州見公喜曰聞公名久矣乃得見於此耶公爲言已衰老中國多賢士大夫因指坐客歷陳其世家使者竦聽

神道碑

公在定州契丹使人覘其軍或勸公執而戮之公曰吾軍整而和使覘者得實以歸是屈人兵以不戰也明日大閱于郊公執桴鼓誓師號令簡明進退坐作肅然無聲乃下令曰具糗糧聽鼓聲視吾旗所嚮契丹聞之震恐會復議和解徙知陳州道過京師天子遣中貴人問公欲見否謝曰備邊無功幸得蒙恩徙內地不敢見

碑神道

叔禮爲余言昔通判定州佐王德用是時契丹主在燕京朝廷發兵屯定州者幾六萬人皆寓居逆旅及民家闢塞城市未嘗有一人敢誑呼暴橫者將校相戒曰吾輩各當務歛士卒勿令擾我菩薩一旦倉中給軍糧軍士以所給米黑誑譁紛擾監官懼逃匿有四卒以黑米見德用曰汝從我當自入倉視之乃往召專副問曰昨日我不令汝給貳分黑米八分白米乎曰然然則汝何不先給白米後給黑米此輩見所得米裔黑以爲所給盡如是故誑耳專副對曰然某之罪也德用叱從者杖專副人二

十又呼四卒謂曰黑米亦公家物不給與

汝曹當棄之乎汝何敢乃爾譴諱四卒相

顧曰向者不知有八分白米故耳某等死

罪德用又叱如此欲求決配乎指揮使百

拜流汗乃捨之倉中肅然僚佐皆服其能

處事聞記

自寶元慶曆之間元昊叛河西兵久無功士

大夫爭進計策多所改作公笑曰奈何紛

紛兵法不如是也使士知畏愛而怯者勇

勇者不驕以吾可勝因敵而勝之爾豈多

言哉其在樞密亦嘗自請臨邊不許九大

謀議必以諮詢之其在外則遣中貴人詔問

其言多見施用

碑神道

皇祐六年復爲樞密使是歲契丹使者來公

與之射使者曰天子以公典樞密而用

富公爲相得人矣語聞上喜賜公御弓

一矢五十公善射至老不衰常侍上射

辭曰幸得備位大臣舉止爲天下所視臣

老矣恐不能勝弓矢上再三諭之乃手

二矢再拜一發中之遂將釋復位上固

勉之再發又中由是左右皆驩呼賜以襲衣金帶碑神道

公爲人剛烈有大志善得士心平生論議長

於兵而不學孫吳兵法遇事慷慨言亡所

避在樞府時會契丹閱馬雲朔朝廷意其

南牧議者以通好日久不宜生此公曰戎

狄虎狼也其可信哉願飭邊備常若寇至

猶恐其不及也慶曆中契丹果背約遣使

欲求關南故地朝廷患之公方出帥真定

詔公會議二府公以謂契丹必欲內寇不

宜遣使示情此殆過貪漢餌爾公遂入奏

言臣愚無狀願陛下假臣二十萬得先

士卒以當匈奴臣不勝大願上不許公

全舊好後卒如公言上又嘗遣使問公

曰陛下即不忍勞民姑以金繒賄之以

邊事公曰咸平景德中邊兵二十餘萬皆

屯定武不能分挽要害之處致虜兵輶境

遽有澶淵之師又當時賜諸將陣圖人皆

死守戰法緩急不相捄以至於敗誠願不以陣圖賜諸將使得應變立功墓誌

寶元初趙元昊欲僭稱號遣其校楊守素奉

章還節因貢羊馬等朝廷欲拒弗內公曰

第留所貢塞下令守素至闕徐計之或欲

因守素入傳舍壓壞垣死其下公益以爲

不可墓誌

公天性孝友事後母盡力居家約易不事娛

燕祿賜多賙施諸族與人交不苟既合雖

貧賤不遺故人爲人奸進於公公問約所

遺幾何廻出金厚謝之曰故人吾不忘公

恩其敢私市邪 上嘗賜飛白清忠二字

藏于家墓誌

韓忠獻公宋景文公同召試中選王德用帶

平章事例當謝二公有空疎之謙言德用

曰亦曾見程文誠空疎少年更宜廣問學

二公大不堪景文至曰吾屬見一老衙官

是納侮也後二公俱成大名德用已薨忠

獻爲景文曰王公雖武人尚有前輩激勵

成就後學之意不可忘也

開見後錄

五朝名臣言行錄卷第九之一

諫議大夫田公

公名錫字表聖嘉州人中進士第太平

興國中爲右拾遺出爲河北路轉運副

使徙知相州以論事移睦州入知制誥

出知陳州又坐法貶官未幾召還知通

進銀臺封駁司出知泰州咸平中詔舉

賢良方正之士翰林學士承旨宋白以

公應詔召還再掌銀臺遷侍御史知雜

事擢左諫議大夫六年卒年六十四

公自白衣已有意於風化上書闕下請復鄉

飲籍田禮及在朝廷知無不言 太宗旣

取太原范陽未下 帝怒不賞平晉之功

中外囂然而莫敢言者獨公上書諫諫理

意深切 帝感悟璽書褒荅賜內帑錢五

十萬僚友謂公宜少晦以遠讒忌公曰事

君之誠惟恐不竭矧天殖其性豈一賞而

奪耶在河朔累章論邊事知睦州下車建

孔子祠教民興學表請入紙國子學印經
籍給諸生詔賜之還其紙聞禁中火拜章

極言 上嘉之及還眷遇愈隆上書請封

禪及在西掖京畿大旱禱祠無應遂抗言

切於時政故有宛丘之行咸平初出使秦

隴迴上三章言陝西數十州苦于靈夏之

役朝廷爲之惑然出海陵之初以星文示

變拜疏請降詔責躬上奉天誠

真宗皇

帝嘉其意屢召對便殿及行降中使撫安

仍加寵賚

范文正公
撰墓誌

太宗嘗與侍臣論皇王之道田錫奏曰皇王之道微妙曠闊今師平太原逮茲二載未

賞軍功願因郊籍議功酬之乞罷交州戍

兵免驅生民爲瘴嶺之鬼上嘉納焉趙

普當國錫謁之曰公以元勲當國宜事損

檢今群臣書奏先經中書既非尊王之體

諫官章疏令閭門填狀尤弱臺憲之風皆

不便普引咎正容厚謝皆罷之錫將卒自

草遺表猶勸上以慈儉納諫爲意絕無

私請

上厚卹之

王臺
清話

田錫好直諫太宗或時不能堪錫從容奏

曰陛下日往月來養成聖性上說益

重之

聖政
錄

田錫 太宗時上言軍國要機者一朝廷大

體者四 太宗嘗言錫有文行敢言 真

宗即位屢召對言事嘗請抄畧御覽三百

六十卷日覽一卷又采經史要言爲御屏

風十卷以便觀覽及卒 真宗謂劉沆曰

田錫直臣也何天奪之速朝廷每有小缺

失方在思慮錫之章奏已至矣

篆

真宗見田錫色必莊嘗目之曰朕之汲黯也

名臣
傳

田錫疾亟進遺表 真宗宣御醫賈上藥馳

救之無及矣俄召宰相對袖出其表示之

且曰朕自臨大寶閱是表者多矣非祈澤

宗族則希恩子孫未有如錫生死以國家

爲慮而倣于朕者興歎久之命優贈典

禮
遺

上嘗幸龍圖閣閱書指東北隅架一漆函

上親署鑄者謂學士陳堯咨曰此田錫章

疏也已而愴然久之

掇

公勤必以禮言必有法賢不肖咸憇伏之出

處二十年未嘗趨權貴之門在貶廢中樂

得其正晏如也

墓誌

九之二

內翰王公

范文正公銘公之墓曰嗚呼田公天下之正人也言甚危命甚奇盡心而弗疑終身而無違嗚呼賢哉吾不得而見之

蘇軾序公奏議曰自太平興國以來至于咸平可謂天下大治千載一時矣而田公之言常若有不測之憂近在朝夕者何哉古之君子必憂治世而危明主明主有絕人之資而治世無可畏之防夫有絕人之資必輕其臣無可畏之防必易其民此君子之所甚懼也方漢文時刑措不用兵革不試而賈誼之言曰天下有可長太息者有可流涕者有可痛哭者後世不以是少漢文亦不以是甚賈誼由此觀之君子之遇治世而事明主法當如是也

州卒年四十八

王元之年七八歲已能文畢文簡公爲郡從

事始知之問其家以磨麵爲生因令作磨

詩元之不思以對但存心裏正無愁眼下遲若人輕著力便是轉身時文簡大奇之

留於子弟中講學一日太守席上出詩句

鸚鵡能言爭似鳳坐客皆未有對文簡寫

之屏間元之書其下蜘蛛雖巧不如蚕文

絳之爲人以盡規獻替爲已任然性不敏

悟治郡無稱云

王禹偁能屬文

太宗方獎拔文士聞其名

聞見後錄

召拜右拾遺直史館賜緋故事賜緋者給銀帶上特命以文犀帶賜之禹偁獻端拱箴以爲誠尋知制誥上嘗稱之曰王禹偁文章當今天下獨步判大理寺散騎常侍徐鉉爲妖巫道安所誣謫官禹偁上疏訟之請反坐罣罪由是貶商州團練副使無祿種蔬自給徙解州團練副使上思其才復召爲左正言仍命宰相以剛直不容物戒之真宗初即位召爲翰林學士脩太宗實錄執政疑禹偁輕重其間落職出知黃州州境有二虎鬪食其一冬雷群鷄夜鳴禹偁上疏引洪範陳戒且自効上以問司天官對以守臣任其咎上乃命移知蘄州尋召還朝禹偁已卒聞記

與客言后嘗母儀天下當遵用舊禮罪以謗責知滁州真宗即位以直言應詔召爲知制誥咸平初脩太祖實錄與宰相論不合又以謗責知黃州移蘄州死於官其平生大節如此聞見錄

王禹偁性剛狷數忤權貴官尤惡之上累命執政召至中書戒諭之禹偁終不能改聞記

王元之在翰林嘗草夏州李繼遷制繼遷送潤筆物數倍於常然用啓頭書送拒而不納蓋惜事體也近時舍人院草制有送潤筆物稍後時者必遣院子詣門催索而當送者往往不送相承既久今索者送者皆恬然不以爲恠也歸田錄

太宗時禹偁爲翰林學士嘗草繼遷制送馬五十疋以備濡潤禹偁以狀不如式却之及出守滁州閩人鄭褒徒步謁禹偁愛其儒雅及別爲買一馬或言買馬虧價者太宗曰彼能却繼遷五十馬顧肯此虧價哉禹偁之卒諫議大夫戚綸誅曰事上不

回邪居下不誦佞見善若已有嫉惡過仇讐世以爲知言祥符中 真宗觀書龍圖閣得禹偁章奏嘆美切直因訪其後宰相稱其子嘉言以進士第爲江都尉即召對

擢大理評事

聞記

王禹偁爲諫官上禦戎十策大旨以謂外任人內脩德則可以弭之外則合兵勢以重將權罷小臣調遷邊事行間諜以離其心遣保忠御鄉率所部以張掎角下詔感勵邊人取燕薊舊疆蓋弔晉遺民非貪其土地內則省官以寬經費抑文士以激武夫信用大臣以資其謀不貴虛名以戒無益禁游惰以厚民力端拱冬旱禹偁上疏請

節用省役薄賦緩刑

聞記

太宗末王禹偁上言請明數繼遷罪狀募諸

胡殺之 真宗即位詔群臣論事禹偁上

疏陳五事一曰謹邊防通盟好因嗣統之

慶赦繼遷罪復與夏臺彼必感恩內附且

使天下知屈己而爲人也二曰減冗兵併

冗吏使山澤之饒稍流於下開寶前諸國

未平而財賦足兵威強由所畜之兵銳而不衆所用之將專而不疑設官至簡而事

皆舉興國後增損太冗宜皆經制三曰難

選舉使入官不濫先朝登第僅萬人宜糾

以舊制還舉場於有司吏部銓擇官亦非

帝王躬親之事宜依格敕注擬四曰澄汰

僧尼恐其驚駭且罷度人脩寺一二十載

容自銷鑠亦救弊之一端五曰親大臣遠

小人使忠良蹇諤之士知進而不疑姦愾

傾巧之徒知退而有懼其後藩羅支射死

繼遷平夏歎附卒如禹偁策而歲限度僧

尼之數及病囚輕繫得養治于家至今行

之

聞記

王禹偁在翰林

真宗初即位暇日召與論

文禹偁奏曰夫進賢黜不肖闢諫諍之路

彰爲誥命施之四海延利萬世王者之文

也至於彫纖之言豈足以軒慮較輕重於

瑣瑣之儒哉願棄其小務其大誠宗社之

福

上顧曰卿愛朕之深者

遺

王元之嘗請宰相於政事堂樞密於都堂同

時見客不許本廳私接議者以爲是疑大臣以私也遂寢或以元之所請爲當但難其率宰相於政事堂共見耳其後二府乞以朝退聚廳見客以杜請謁從之卒如元之言

燕談
漏水

王元之出知黃州作三黜賦以見志其卒章曰屈于身而不屈于道兮雖百謫其何虧吾當守正直而佩仁義兮惟終身而行之又奏請令州郡脩城池除械器練軍士上嘉納之

禹偁詞學敏贍時所推重鋒氣俊厲極談世事臧否人物以直躬行道爲己任少所推諉遇事敢言雖屢危困封奏無輟嘗云吾若生元和時從事於李絳崔群間斯無愧矣又爲文著書師慕古昔多涉規諷以是頗爲流俗所不容故累登文翰之職尋即罷去交遊多儒雅士後進有詞藝者極意稱揚之如孫何丁謂輩多遊其門下蘇內翰贊公畫像曰傳曰不有君子其能國乎余嘗三復斯言未嘗不流涕太息也如

漢汲黯蕭望之李固吳張昭唐魏鄭公狄仁傑皆以身徇義招之不來麾之不去正色而立于朝則豺狼狐狸自相吞噬故能消禍於未形救危於將亡使皆如公孫丞相張禹胡廣雖累千百緩急豈可望哉故翰林王公元之以雄文直道獨立當世足以追配此六君子者方是時朝廷清明無大姦慝然公猶不容於中耿然如秋霜夏日不可狎玩至於三黜以死有如不幸而居於衆邪之間安危之際則公之所爲必將驚世絕俗使斗筲穿窬之流心破膽裂豈特如此而已乎余始過蘇州虎丘寺見公之畫像想其遺風餘烈頑爲執鞭而不可得其後爲徐州而公之曾孫汾爲兗州以公墓碑示余乃追爲之贊以附其家傳云惟昔聖賢患莫已知公遇太宗允也其時帝欲用公公不少貶三黜窮山雖死靡憾咸平以來獨爲名臣一時之屈萬世之信紛紛鄙夫亦拜公像何以占之有此其賴公能泚之不能已之茫茫九原愛莫起之

九之三

侍讀孫宣公

公名奭字宗古博平人以九經及第爲國子監直講諸王府侍讀判太常禮院國子監擢龍圖閣待制以父老請歸田里不許出知密州還糾在京刑獄出知河陽徙兗州仁宗即位召爲翰林侍讀學士知審官院判國子監以年踰七十固請致仕拜工部尚書復知兗州以太子少傅致仕卒

孫奭爲國子監直講 太宗幸監詔奭講尚書說命三篇奭年少位下然音讀詳潤帝稱善因嘆曰天以良弼資商朕獨不得邪因以切劘輔臣賜奭緋章服聞記

永興軍上言朱能得天書 真宗自拜迎入宮孫奭知河陽上疏切諫以爲天且無言安得有書天下皆知朱能所爲惟上一
人不知耳乞斬朱能以謝天下其辭有云得來唯自於朱能崇信只聞於陛下其辭有質直如此 上亦不之責頃之朱能果敗

聞記

真宗將西祀龍圖閣待制孫奭上疏切諫以爲西祀有十不可 陛下不過欲效秦皇漢武刻石頌德誇曜後世耳其辭有云昔秦多繇役而劉項起於徒中唐不恤民而黃巢因於飢歲今 陛下好行幸數賦歛安知天下無劉項黃巢乎 上乃自製辨疑論以解之仍遣中使尉諭焉聞記

孫奭每 上前說經及亂君亡國事反復申繹未嘗避諱因以規諷又掇五經切治道者爲五十篇號經典微言上之盡無逸爲圖乞施便坐爲勸鑒之助時 莊憲明肅皇后每五日一御殿與 仁宗同聽政奭因言古帝王朝朝暮夕未有曠日不朝陛下宜每日御殿以覽萬機奏留中不報然 上與 太后雅愛重之每進見常加禮聞記

孫奭累表聽致仕病甚戒其子不內婢妾曰無令我死婦人之手奭舉動方重論議有根柢不肯詭隨雷同 真宗已封禪符瑞

屢降群臣皆歌誦盛德獨秉正言諫爭毅然有古風采精力於學同定論語爾雅孝

經正義請以孟軻書鏤板復鄭氏所注月

令於郊廟禮樂亦多所是正云

聞記

孫宣公以太子少保致仕居於鄆一日置宴

御詩廳仁宗嘗賜詩刻石所居之廳壁語客曰白傳有言多

少朱門鑽空宅主人到了不曾歸今老夫

歸矣喜動于色復顧石守道諷易離卦九

三爻辭且曰樂以忘憂自得小人之志歌

而鼓缶不興大耋之嗟公以醇德奧學勸

講禁中二十餘年晚節勇退優游里中始

終全德近世少比過水燕談

宋尚書祁爲布衣時未爲人知孫宣公一見

奇之遂爲知己後宋舉進士驟有時名故

世稱宣公知人公嘗語其門下客曰近謚

用兩字而文臣必謚爲文皆非古也吾死

得謚曰宣若戴足矣及公之卒宋方爲禮

官遂謚曰宣成其志也歸田錄

孫宣公馮章靖公俱以鴻碩重望勸講禁中

凡朝廷典禮事並二公討論之公嘗言孫

八座所閱典故必以前代中正合彝法事類而陳之則政府奉行無疑馮貳卿求廣博不專以典正爲意故政府奉行煩於執奏以是二君之優劣分矣王沂公言行錄

九之四

御史中丞李恭惠公

公名及字幼幾其先范陽人後徙鄭州中進士第再調昇州觀察推官知興化軍通判曹州擢知隴州初置提點刑獄以公使陝西特遷一官除三司戶部副使爲淮南轉運使知秦杭鄆州應天河南府召拜御史中丞卒

曹瑋久在秦州累章求代 真宗問王旦誰可代瑋者旦薦樞密直學士李及 上即以知秦州衆議皆謂及雖謹厚有行檢非守邊之才不足以繼瑋楊億以衆言告旦不答及至秦州將吏心亦輕之會有也駐禁軍白晝掣婦人銀釵於市中吏執以聞及方坐觀書召之使前略加詰問其人服罪及不復下吏亟命斬之復觀書如故將吏皆驚服不日聲譽達於京師億聞之復見旦具道其事且曰向者相公初用及外廷之議皆忍及不勝其任今及材器乃如此信乎相公知人之明也旦笑曰外

廷之議何其易得也夫以禁軍戍邊白晝爲盜於市主將斬之事之常也烏足以爲異政乎旦之用及者其意非爲此也夫以曹瑋知秦州七年羌人讐服邊境之事瑋處之已盡其宜矣使他人往必矜其聰明多所變置敗壞瑋之成績旦所以用及者但以及重厚必能謹守瑋之規摹而已矣億由是益服旦之識度

聞記

章獻太后臨朝內侍省都知江德元權傾天下其弟德明奉使過杭州時李及知杭州待之一如當時中人奉使者無所加益僚佐皆曰江使者之兄居中用事當今無比榮枯大臣如反掌耳而使者精銳復不在人下明公待之禮無加者意者明公雖不求福獨不畏其爲禍乎及曰及待江使者不敢慢亦不敢過如是足矣又何加焉既而德明謂及察佐曰李公高年何不求一小郡以自處而久居餘杭繁劇之地豈能辨耶僚佐走告及曰果然使者之言甚可懼也及笑曰及老矣誠得小郡以自逸庸

何傷待之如前一無所加旣而德明亦不

能傷也時人服其操守

聞記

御史中丞孔公

李公於杭州每訪林先生逋於孤山望林麓

而屏導從步入先生之廬一日冒雪出郊

衆皆謂當置酒召客乃獨造逋清談至暮

而返逋死公以喪服哭送拜墓乃歸吳兒

自是恥其風俗之薄也

晁以道集

蔡君謨嘗書小吳牋云李及知杭州市白集

一部乃爲終身之恨此君殊清節可爲世

戒張乖崖鎮蜀當遼時士女環左右終三

年未嘗回顧此君殊重厚可以爲薄末之

檢押此帖今在張乖崖之孫堯夫家予以

謂買書而爲終身之恨近於過激苟其性

如此亦可尚也

譏筆

九之五

公名道輔字原魯孔子四十五代孫舉

進士爲寧州軍事推官改知仙源縣奉

孔子祠章獻太后臨朝召爲左正言

出知鄆州徙青州明道二年召爲右諫

議大夫權御史中丞出知泰徐兗州復

入爲中丞出知鄆州中道病卒年五十四

公仕當今天子天聖寶元之間以剛毅諒

直名聞天下嘗知諫院矣上書請明肅

太后歸政天子而廷奏樞密使曹利用

上御藥羅崇勲罪狀當是時崇勲操權利

與士大夫爲市而利用悍彊不遜內外憚

之嘗爲御史中丞矣皇后郭氏廢引諫

官御史伏閣以爭之求見上皆不許而

固爭之得罪然後已蓋公事君之大節如

此此其所以名聞天下而士大夫多以公

不終於大位爲天下惜者也

王荊公
撰墓誌

初莊獻太后稱制郭后恃太后勢頗驕橫後

宮多爲太后所禁遏不得進太后崩

上始得自縱適美人尚氏父自所由除殿直賞賜無筭恩寵傾京師郭后妬屢與之忿爭尚氏常於上前有侵后不遜語后不勝忿起批其頰上自起救之后誤查上頸上大怒閻文應勸上以爪痕示大臣而謀之上因以示呂夷簡且告之故夷簡因密勸上廢后上疑之夷簡云光武漢之明主也郭后止以怨懟坐廢况傷乘輿乎廢之未損聖德上未許外人籍籍頗有聞之者左司諫祕閣校理范仲淹因登對極陳其不可且宜早息此議不可使有聞於外也夷簡將廢后奏請勅有司無得受臺諫章奏十二月乙卯稱皇后入道賜號淨妃居別宮右諫議大夫權御史中丞孔道輔恠閻門不受章奏遣吏詔之始知其事奏請未降詔書丙辰與范仲淹帥諸臺諫詣閻門請對閻門不爲奏道輔等欲自宣祐門入趣內東門宣祐監官宦者聞罪拒之道輔拊門銅鑼大呼曰皇后被廢奈何不聽我曹入諫官者奏之

湏吏有旨臺諫欲有所言宜詣中書附奏道輔等悉詣中書論辨誼譁夷簡曰廢后自有典故仲淹曰相公不過引漢光武勸上耳此漢光武失德又足法邪自餘廢后皆昏君所爲主上躬堯舜之資而相公更勸之効昏君所爲乎夷簡拱立曰茲事明日諸君更自登對力陳之道輔等退夷簡即爲熟狀貶黜道輔等故事中丞罷湏有告詞至是直以勅除之道輔等始還家勅尋至遣人押出城仍下詔云六十一月戊子故后郭氏薨后之獲罪也上直以一時之忿且爲呂夷簡閻文應所贊故廢之既而悔之后出居璫華宮章惠太后亦遂楊尚二美人而立曹后久之上遊後園見郭后故有輿悽然傷之作慶金枝詞遣小黃門賜之且曰當復召汝夷簡文應聞之大懼會后有小疾文應使醫官故以藥發其疾疾甚未絕文應以不救聞遽以棺斂之王伯庸時爲諫官上言郭后未卒數日先具棺器請推按起居狀上不從但

以後禮葬於佛舍而已或曰章獻初崩上與夷簡謀以夏竦等皆莊獻太后之黨悉罷之退告郭后郭后曰夷簡獨不附太后邪但多機巧善應變耳由是并夷簡罷

之是日夷簡押班聞唱其名大駭不知其故夷簡素與內侍副都知閣文應等相結

使爲中諫久之乃知事由郭后夷簡由是

惡郭后

記聞水記聞○公孫中書舍人本中嘗言溫公日錄如朝后之廢當時論者止以爲文靖不合不如爭及罷諸諫官爲不美爾然後來范蜀公劉原父呂縉叔皆不以文靖爲非蓋知郭后之廢不爲無罪文靖知不可力爭而遂已也若如此記所言則是大姦大惡罪不容誅當時公議分明豈容但已乎

公所至官治數以爭職不阿或絀或遷而公持一節以終身蓋未嘗自謫也其在兗州

也近臣有獻詩百篇者執政請除龍圖閣直學士

上曰是詩雖多不如孔道輔一言乃以公爲龍圖閣直學士於是人度公爲上所思且不外於外矣未幾果復召以爲中丞而宰相使人說公稍折節以待遷公乃告以不能於是又度公且不得久

居中而公果出

墓誌

初開封府吏馮士元坐獄語連大臣數人故移其獄御史劾士元罪止於杖又多更赦

公見上上固怪士元以小吏與大臣交私汗朝廷而所坐止如此而執政又以謂

公爲大臣道地故出知鄆州

墓誌○又東坡志林云聞之蘇

子容孔道輔爲御史中丞勘馮士元盡法不阿仁宗稱之有意大用時大臣與士元通姦利最甚者宰相程琳也道輔旣得其情矣而退傅張士遜不喜道輔欲有以中之上使道輔送劄子中書士遜屏人

此誰之力也因言公將大用道輔喜士遜曰公所以致

與語久之因言公將大用道輔喜士遜曰公所以致

不數日上殿力救琳上大怒既敗琳亦黜

道輔輔知爲士遜所賣感憤得疾死中路

公使契丹契丹燕使者優人以文宣王爲戲

公絕然徑出虜使主客者邀還坐且令謝

公正色曰中國與北朝通好以禮文相接今俳優之徒侮慢先聖而不之禁北朝之過也道輔何謝虜君臣默然

公廉於財樂振施遇故人子恩厚尤篤而尤不好鬼神機祥事在寧州道士治真武像有蛇穿其前數出近人人傳以爲神州將欲視驗以聞故率其屬往拜之而蛇果出公即舉笏擊蛇殺之自州將以下皆大驚

已而又皆大服公由此始知名然余觀公

數處朝廷大議視禍福無所擇其智勇有

過人者勝一蛇之妖何足道哉世多以此

稱公者故余亦不得而略也

墓誌

元祐中上元駕幸凝祥池宴從臣教坊伶人

以先聖爲戲刑部侍郎孔宗翰奏唐文宗

時嘗有爲此戲者詔斥去之今豈宜尚容

有此詔付伶官于理或曰此細事何足言

者孔曰非爾所知天子春秋鼎盛方且

尊德樂道而賤工乃爾襄慢縱而不治豈

不累聖德乎聞者嘆伏

遍水燕談宗翰
道輔之子也

九之六

起居舍人尹公

公名洙字師魯河南人中進士第調河

南府戶曹叅軍知光澤縣召試除館閣

校勘貶監郢州酒稅大將葛懷敏辟爲

經略判官范韓三公出爲經略安撫副

使復以公爲判官降通判濠州韓公知

秦州辟通判州事改知涇州徙渭州兼

領涇原路經略公事移知慶州遷起居

舍人直龍圖閣貶崇信軍節度副使徙

監均州酒稅卒年四十六

師魯河南人姓尹氏諱洙然天下之士識與

不識皆稱之曰師魯蓋其名重當世而世

之知師魯者或推其文學或高其議論或

多其才能至其忠義之節處窮達臨禍福

無愧於古君子則天下稱師魯者未必盡

知之師魯爲文章簡而有法博學彊記通

知今古長於春秋其與人言是非非務

窮盡道理乃已不爲苟止而妄隨而人亦

罕能過也遇事無難易而勇於敢爲其所

以見稱於世者亦所以取嫉於人故其卒

窮以死

歐陽公
撰墓誌

范公貶饒州諫官御史不肯言師魯上書言仲淹臣之師友願得俱貶監郢州酒稅

墓誌

康定元年春夏人寇延州大將劉平戰死

天子命夏公開府永興以經略招討之子與范公爲之副公爲判官未幾上遣翰林學士晁公宗憇督出兵攻賊合府議奏曰今將與兵尚未習練願謹邊防期以歲月平之使還而賊復寇鎮戎詔下切責俾以進兵月日來上府中復議曰將在軍雖得以自便然攻守大計當稟筭于朝廷乃畫攻守二策余與公詣闕奏之唯上所擇詔取攻策已而難之事方寢賊復遣人以書叩延州僞請和而大舉兵寇涇原之山外殺部署任福公時在慶州得涇原求援書即移文慶帥率其部將劉政銳兵數千人便道走鎮戎未至賊引去夏公奏公

爲專徒通判濠州

韓魏公
撰墓表

初朝廷之將用政策也命葛懷敏出鄜延道

勒兵綏宥間攻賊積聚招懷種族奪其要

害而堡障之賊知朝廷之威必蹶然來服

則久而易制公曰是行也不患將卒無勇患應敵寡謀耳乃自請參議懷敏行營軍

事有詔如請而事中罷

表

涇原乘葛懷敏覆軍之後傷夷殘缺千罅百

漏公夙夜撫葺一道以寧時宣徽使鄭公

爲陝西四路帥主靜邊寨主劉澠議遣其

屬董士廉與澠於章川堡南入諸羌中開

道二百里脩水洛城以通秦之撈兵公曰

賊數犯塞必併兵一道五路帥之戰兵常

不登二萬人而當賊昊舉國之衆且由黃

石河路來撈雖遠水洛路二日而援師安

然以濟今無故奪諸羌田二百里引堡屯

師坐耗芻糧不勝計以冀秦撈一二日之

速則吾兵愈分而邊用不給矣乃奏罷之

便詔從之會鄭改知永興軍乃署前帥牒飭澠等督役如初二人者遂不奉詔興作

不已公遣人召澠者再不至乃命瓦亭寨

主張忠代澠澠復不受代部署狄公於是親至德順軍攝澠士廉下獄差官按問而鄭比奏本道沮澠等功朝廷薄澠等罪徙公慶州而城水洛焉墓表○又記聞云先是渭州西路巡檢劉澠建築以爲秦渭兩路有急發兵救援路出隴底之內回遠恐不及事請募熟戶於山外築水洛結公二城以兵戍之緣急以通援兵之路都部署鄭比狀聞命澠及董士廉董其役會韓琦宣撫陝西還奏罷四路招討以戰知永興軍又言兩城之旁多生力今奪其地恐城未畢而寇至請罷之戰因極言二城之利不可輒罷詔三司副使魚周詢性視其利害未至尹洙召澠士廉令還澠士廉集官所不付謂還成之洙怒以二人違節制命部署狄青性斬之青械繫澠士廉於德順軍及周詢還是戰議乃徙澠慶州范公旣罷政事當時衆賢執政皆指爲朋黨欲因事斥逐之董士廉者即詣闕上書以水洛事訟公且誣公在渭有盜賊制使承風指按驗百端不能得一毫以汙公有部將孫用者出于軍校嘗自京取民息錢至官貧不能償公與狄公惜其材乃分假公使錢俾償其民而月取其俸償于官逮按問而錢先已輸官矣坐此貶公崇信軍節度副使徙監均州酒稅尹洙當慶曆中與范仲淹等友善仲淹等旣罷朝政洙亦爲人希時宰意攻以居渭州時事遂置獄遣劉湜一日謂朱曰龍有記而收歸無藉是以知龍圖當得罪死也洙曰龍

師魯在均州得疾公牒至南陽訪醫藥疾革顧稚子在前無甚憐之色與賓客言終不及其私整冠帶盥濯怡然隱几而卒墓誌。范公作師魯文集序云師魯來南陽一日予謂師魯曰將與韓公推主歐陽永叔述君之行而分傳以濟君之家君其無憂師魯舉手曰君言盡矣吾不復去翌日再往不獲見傳言曰已別矣遂隱几而卒○又記聞云尹師魯當均州以後事范希文知鄧州師魯得疾即撞官詣鄧州後范希文日往視其疾一旦遣人招希文甚遽旣至師魯曾曰洙今日必死矣人言將死者必見鬼神此不可信洙並無所見但覺氣息奄奄就盡耳隱几坐與希文語久之謂希文曰公可出澠將逝矣希文出至廳事已聞其家號哭希文竭力送其喪及妻擎歸洛陽○按洙水記聞所載如此與范歐二公所記已不同而沈氏筆談所記尤譏異今不後載

師魯當天下無事時獨喜論兵爲叙燕息戍二篇行于世自西兵起凡五六歲未嘗不在其間故於西事尤習其詳欲訓土兵代戍卒以減邊用爲禦戎長父之策皆未及施爲而元昊臣西兵解嚴師魯亦去而得

此不足以致洙罪也以銀爲偏提用某工技主之附某籍可取視之湜聞籍果然知不能害莫怠而已其論相隔幾月所不道而洙未嘗有一言以湜者

甫問曰劉湜按師魯欲致師魯於死而師魯絕口未

嘗有一言及湜何也洙曰湜與洙奉未嘗有不足之

意其希用事者意欲害湜湜是不能自樹立耳洙

恨於湜乎甫深伏其誠量之翰又言尹洙自謂平生

好善之心過於姚惠之翰以謂信然

罪矣
誌墓

公天性慈仁內剛外和凡事有小而可矜者必惻然不忍發見顏兒及臨大節斷大事則心如金石雖鼎鑊前列不可變也在軍謙勤愛士雖悍夫冗列皆降意容接故人
人願盡其力所至郡邑脩設條教務以實惠及下去則人思之表墓

文章自唐之衰日淪淺俗寢以大敝

本朝

柳公仲塗始以古道發明之後卒不能振天聖初公獨與穆參軍伯長矯時所尚力以古文爲主次得歐陽永叔以雄詞鼓動之於是後學大悟文風一變表墓

師魯深於春秋故其文謹嚴辭約而理精

章

奏疏議大見風采士林聳慕焉

范文正公
撰文集序

本朝古文柳開仲塗穆脩伯長首爲之唱尹

洙師魯兄弟繼其後歐陽文忠公蚤工偶儼之文及官河南始得師魯乃出韓退之

聞見

文學之蓋公與師魯於文雖不同公爲古文則居師魯後也如五代史公嘗與師魯

約分撰其後師魯死無子今歐陽公五代

史頌之學官盛行於世內果有師魯之文

乎抑歐陽公自爲之也歐陽公誌師魯墓

論其文曰簡而有法且謂人曰在孔子六

經中唯春秋可當則歐陽公於師魯不薄

矣崇寧間改脩神宗正史歐陽公傳乃

云同時有尹洙者亦爲古文然洙才下不

足以望脩云蓋史官皆晚學小生不知前

輩文章淵原自有次第也

開見錄

天聖明道中錢文僖公自樞密留守西都謝

希深爲通判歐陽永叔爲推官尹師魯爲

掌書記梅聖俞爲主簿皆天下之士錢相

因府第起雙桂樓西城建臨園驛命永叔

師魯作記永叔文先成凡千餘言師魯曰

洙止用五百字可記文成永叔服其簡古

永叔自此始爲古文

錄聞見

韓魏公表公之墓曰嗚呼自古聖賢必推性

命如公之文武傑立而貫以忠義兮此天

之性位不大顯遭讒而跌且不壽兮此天

之命雖孔孟不能以兼適兮尚一歸于默

定昧者不思而妄求兮徒自奔於邪徑故

公臨禍福生死而曾不少變兮是能安性命而歸正唯大名赫然日月之光兮亘萬古而增塋吾聞善人者天必報其後兮宜嗣人之蒙慶

韓魏公曰希文常勸以身安而後國家可保師曾以謂不然直謂臨國家事不當更顧身公雖重希文之說然性之所喜以師曾爲愜爾魏公別錄

師曾兄源字子漸與師曾俱有名於當世其論議文章博學彊記皆有以過人而師曾好辯果於有爲子漸爲人剛簡不矜飾能自晦藏與人居久而莫知至其一有所發則人必驚伏其視世事若不干其意已而掩其情爲計其成敗後多如其言其性不能容常人而善與人交久而益篤趙元昊寇邊圍定川堡大將葛懷敏發涇原兵救之君遺懷敏書曰賊舉其國而來其利不在城堡而兵法有不得而殺者且吾軍畏法見敵必赴而不計利害此其所以數敗也宜駐兵瓦亭見利而後動懷敏不能用

其言遂以敗死劉漢知滄州杖一卒不服渙命斬之以聞坐專殺降知密州君上書爲渙論直得復知滄州范文正公嘗薦君材可以居館閣召試不用遂知懷州及范公與韓富諸公皆罷而師曾與一時賢士亦多被誣枉得罪君歎息憂悲發憤往往被酒哀歌泣下朋友皆竊怪之已而以疾卒歐陽公撰墓誌。又名臣傳云漢即劉澠之兄也。澠嘗訟洙文致其罪而源乃據雪其兄其不私如此。

九之七

尚書余襄公

公名靖字安道韶州曲江人舉進士試

書判拔萃擢集賢校理坐言事落職貶

監筠州酒稅慶曆中除右正言修起居

注知制誥出知吉州改將作少監分司

南京更授左神武大將軍辭不就知虔

州丁父憂起爲祕書監經制廣南東西

路盜賊知潭州改青州召爲廣西體量

安撫使移知廣州 英宗即位拜工部

尚書代歸道病卒年六十五

公爲人質重剛勁而言語恂恂不見喜怒自
少博學強記至於歷代史記雜家小說陰
陽律曆外暨浮屠老子之書無所不通

歐陽

道碑
公撰神

范文正以言事忤大臣貶知饒州諫官御史

緘口避禍無敢言者公獨上書曰 陛下

親政以來三逐言事者矣若習以爲常不
甚重惜恐鉗天下之口不可不戒書旣上
落職監筠州酒稅尹公洙歐陽公脩相繼

抗疏論列又以書諫諫官亦得罪遠謫時
天下賢士大夫相與惜其去號爲四賢
台蘇行文撰

慶曆三年 上增置諫官以開廣言路親筆

公姓名除右正言公感激奮勵遇事輒言
無所回避是年太白犯歲星于太微端門

之右公論之曰金火罰星與歲相犯皆主
兵喪及饑蓋木爲德金爲刑惟金沴木五

行所忌願 陛下責躬修德以謝天變未

幾火開寶寺塔 上遣中貴人取塔基舊

瘞舍利入禁中相傳以爲能出光景自

天子至于宮掖雜出寶貨將復營建舉京

師王公大姓莫不信嚮公論之曰天火之

致本是災變朝廷所宜誠懼以答天意且

自西陲用兵以來民苦賦役不聊其生至

有父子夫婦攜手赴井死者其窮至矣今

復以其膏血之餘營建佛塔非所以答天

戒慰民心也昔梁武帝造長干塔亦有舍

利光恠及臺城之敗何能致福於人此亦

可以爲鑒矣公之論事不避忌諱大率類

此行狀○又筆談云開寶塔災得舊瘞舍利迎入內
庭傳言頗有光恆將復建塔余襄公言彼一塔不
能自衛何福可及於民凡雋草皆有光水精英及
珠之圓者夜亦有光烏足異也 仁宗從之

慶曆元年才人張氏進封脩媛四年以脩媛

世父職方貢外郎堯佐提點開封府縣鎮

公事右正言余靖上言堯佐不當得此差

遣一堯佐不足爲輕重但鑒郭后之禍興

於楊尚 上曰朕不以女謁用人自有臣

僚奏舉若物議不允當與一郡記聞

慶曆三年右正言余靖奉使契丹入辭書所

奏事于笏各用一字爲目 上顧見之間

其所書者何靖以實對 上指其字一一

問之盡而後已 上之聽納不倦記聞

慶曆四年元昊納誓請和將加封冊而契丹

以兵臨境上遣使言爲中國討賊且告師

期請止母與和朝廷患之欲聽重絕夏人

而兵不得息不聽生事北邊議未決公獨

以謂中國厭兵久矣此契丹之所幸一日

使吾息兵養勇非其利也故用此以撓我

爾是不可聽朝廷雖是公言猶留夏冊不

遣而假公諫議大夫以報公從十餘騎馳

出居庸關見虜於九十九泉從容坐帳中
辯排往復數十卒屈其議取其要領而還

朝廷遂發夏冊召元昊西師旣解嚴而北

邊亦無事

碑神道

慶曆四年除知制誥復使契丹公前後三至

虜中盡得情實坐嘗爲胡語詩出知吉州

知虔州丁父憂去官而蠻賊懷智高陷邕州
連破嶺南州縣圍廣州乃即廬中起公爲

祕書監知潭州即日馳在道改知桂州公
奏曰賊在東而徙臣西非臣志也 天子

嘉之即詔公經制廣東西賊盜乃趨廣州

而智高復西走邕州自智高初起交趾請

出兵助討賊詔不許公以謂智高交趾叛

者宜聽出兵毋沮其善意累疏論之不報

至是公曰邕州與交趾接境今不納必忿

而反助智高乃以便宜趣交趾會兵又募

儂黃諸姓酋豪皆縻以職與之誓約使聽

節制或疑其不可用公曰使不與智高合

知虔州○又劉蕡父詩話云余尚書使契丹能爲胡語
契丹愛之及再往虜情益親余作胡語詩虜主大喜

爲之醞醕
還坐殿官

足矣及智高入邕州遂無外撫既而宣撫使狄青會公兵敗賊於歸仁智高走入海邕州平公請復終喪不許諸將班師以智高尚在請留公廣西委以後事遷給事中諫官御史列疏言功多而賞薄再遷尚書工部侍郎公留廣西逾年撫緝寧復嶺海肅然又遣人入特磨襲取智高母及其弟一人獻于京師斬之碑神道

嘉祐五年交趾寇邕州殺五巡檢驛召公以爲廣西體量安撫使悉發荆湖兵以從公至則移檄交趾召其臣費嘉祐詰責之嘉祐惶恐對曰種落犯邊罪當死願留取首惡以獻即械五人送欽州斬于界上碑神道

廣之番船裝船舊皆取稅公奏罷之以徧遠商又請立法戒當任官吏不得市南藥及公北歸不載南海一物去行狀

公資性莊重量寬而容衆有知人之鑒其帥邊也任使賢勇各盡其材嘗所稱薦亦多顯達間常接人溫容遜辭不欲一忤人意及諫諍人主論列時政排斥橫議抵觸忌

諱不少迴避帥二廣首尾幾十年以恩信被于異域如交趾大理特曆南詔之國皆可以頤指氣使公之文武之材可謂具矣

狀行

余靖卒名希古韶州人舉進士未預解薦曲江主簿王全善遇之時知韶州者舉制科全亦舉制科知州怒以爲玩已据其罪無所得唯得全與希古接坐全坐違勑停任希古杖鬻二十仝遂閑居虔州不復仕進希古更名靖取他州解及第景祐中爲館職爲范文正訟冤獲罪由是知名范公入參大政引爲諫官秘書丞茹孝標喪服未除入京師私營身計靖上言孝標冒哀求仕不孝孝標由是獲罪深恨靖遷龍圖閣直學士王全數以書干靖求貨靖不能應其求孝標聞靖嘗犯刑詐匿應舉乃自詣韶州密求其案得之時錢子飛爲諫官方攻范黨孝標以其事語之子飛即以聞詔下虔州問王全靖陰使人諷全令避去全辭以貧不能出靖置銀百兩於茶筐中

託人餉之所託者惟其重開視竊銀而致

九之八

茶於全全大怒及詔至州官勸全對當日

接坐者余希古今不知所在全不從對稱

希古即靖是也靖遂以將軍分司開記

待制王公

公名質字子野文正公之姪也以蔭補

官召試賜進士及第通判蘇州知蔡州

徙廬州降監舒州靈仙觀起知泰州徙

荆湖北路轉運使權知江陵府同判吏

部流內銓擢天章閣待制出知陝州年

四十五卒

通判蘇州州守黃宗旦資材自喜頗以新進

少公議事則曰少年乃與丈人爭事公曰

受命佐君事有當爭職也宗旦雖屢屈折

而政常得無失稍德公助已爲之加禮宗

旦得盜鑄錢百餘人以託公公曰事發無

跡何從得之曰吾以術鉤出之公愀然曰

仁者之政以術鉤人寘之死而又喜乎宗

旦慚服悉緩出其獄始大稱公曰君子也

神道碑

知蔡州蔡俗舊祠吳元濟公曰豈有逆醜而

廟食耶吾爲州長不能正民之視聽俾民

何從哉狄梁公李太尉皆唐之忠烈又德

加蔡人胡爲不祠命工徹元濟廟建二公

祠率吏民拜祭蔡人從之于今號爲雙廟

范文正公
撰墓誌碑道

徙廬州盜有殺其徒而并其財者獲之寘于

法大理駁曰法當原公以謂盜殺其徒而

自首者原之所以疑壞其黨而開其自新

若殺而不首既獲而亦原則公行爲盜而

第殺一人既得兼其財又可以贖罪不獲

則肆爲盜獲則引以自原如此盜不可止

非法意疏三上不能爭公歎曰吾不勝法

吏矣乃上書自劾請不坐佐吏公坐貶監

靈仙宮其後議者更定不首之罪卒用公

言爲是碑道

遷荆湖北路轉運使當用兵西方急於財用

之時獨不進羨餘其賦歛近寬平治以常

法故他路不勝其弊而荆湖之人自若

碑道

權知荆南府民有訟婚者訴曰貧無貲故後

期問其用幾何以俸錢與之使婚獲盜竊

人衣者曰迫於飢寒而爲之公爲之哀憐

取衣衣之遣去荆人比公爲子產

碑道

判吏部流內銓號爲稱職而於選法未嘗有所更易人或問之公曰選法具備如權衡

在執者不欺其輕重耳何必屢更其法

碑道

范仲淹以言事貶饒州方治黨人甚急公獨

扶病率子弟餞于東門留連數日大臣有

以譁公曰長者亦爲此乎何苦自陷朋黨

公徐對曰范公天下賢者顧質何敢望之

然若得爲黨人公之賜質厚矣聞者爲公

縮頸其爲待制之明年出守于陝又明年

小人連興大獄坐貶廢者十餘人皆公素

所賢者聞之悲憤歎息或終日不食因數

劇飲大醉公旣素病益以酒遂卒

碑道

公在相門而弗驕弗華以貧爲寶文正作舍

人時家甚虛嘗貸人金以贍昆弟過期不

入輒所乘馬以償之公因閱家藏書而得

其券召家人示之曰此前人清風吾輩當

奉而不墜宜秘藏之又得顏魯公爲尚書

時乞米于李大夫墨帖刻石以摸之遍遺

親友間其雅尚如此故終身不貪所至有

公充職館殿二十餘年同舍皆顯官公介然

不動惟求外補當國者非戚必舊公未嘗

折顏色屈語論以合其意

誌墓

公爲數郡皆清心以思治行已以率下崇學

校而風化之人有犯法非害于物者必緩其獄求民之疾雖處幽不遺去民之梗雖

貧勢不避也

誌墓

公不治生業畜書萬卷樂稱人之善士大夫

非風義高遠弗與之游

誌墓

公名甫字之翰許州陽翟人初舉進士

得同學究出身再舉及第華州觀察推官知絳州翼城縣辟永興軍司錄監益

州交子務入爲祕閣校理改右正言知

諫院出知鄧州徙安州歷江東兩浙轉

運使知陝州徙晉州爲河東轉運使三

司度支副使嘉祐元年以天章閣待制

兼侍讀卒年六十

公爲華州推官轉運使李紘薦其材遷大理

寺丞知絳州翼城縣故丞相杜祁公與紘

皆以清節自高尤難於取士聞公紘所薦

也數招致之一見大喜已而祁公自御史

中丞知永興軍辟公司錄凡事之繁猥者

一以委之公歎曰待我以此可以去矣祁

公爲謝顧事非它吏不能者不敢煩公公

乃從容爲陳當世之務所以緩急先後施

設之宜又多薦士之賢而在下者於是祁

歐陽公
撰墓誌

九之九

侍讀孫公

監益州交子務蜀用鐵錢民苦轉貿重故設法書紙代錢以便市易轉運使以僞造犯法者多欲廢不用公曰交子可以僞造錢亦可以私鑄私鑄有犯錢可廢乎但嚴治之不當以小仁廢大利後卒不能廢

祁公爲樞密副使薦于朝得祕閣校理是時諸將兵討靈夏久無功天下騷動盜賊數入州縣殺吏卒吏多失職而民弊矣天子方銳意更用二三大臣乃極選一時知名士增置諫官使補闕失公以右正言居諫院上好納諫諫未嘗罷言者而至言官禁事它人猶湏委曲開諷而公獨曰所謂后者正嫡也其餘皆猶婢爾貴賤有等用物不宜過僭自古寵女色初不制而後不能制者其禍不可悔上曰用物在有司吾恨不知爾公曰世謂諫臣耳目官所以達不知也若所謂前世女禍者載在書史陛下可自知也上深嘉納之保州兵變前有告者大臣不時發之公因力言樞密使副當得罪使乃杜祁公也邊將劉

滻城水洛于渭州部署尹洙以滻違節度將誅之大臣稍主洙議公以謂水洛通秦渭於國家利滻不可罪由是罷洙而釋滻

洙公平生所善者也公在諫院所言補益尤多是三者其一人所難言其二人所難處者其後言宰相以其事當去者上亟爲罷之因以陳執中爲叅知政事公又言執中不可用由是上難之公遂求解職於是小人不便大臣執政而朋黨之論起二三公相繼去位公亦在論中而辯諍愈切不自疑由是罷諫職以右司諫知鄧州

誌墓

知諫院因災異言應天在誠行愛民遂請斤浮費出宮女除別庫之私以寬賦歛初李元昊反河西契丹亦以兵近邊謀棄約任事者於西方益禁兵二十萬北方益土兵亦二十萬又益禁兵四十指揮及群盜張海等劫京西江淮皆警是時已更用大臣矣又令天下益禁兵公言曰天下所以大困者在浮費而浮費之廣者兵爲甚今不

能損又可益之耶且兵已百萬矣不能止盜而但欲多兵豈可謂知所先後哉不報於是極論古今養兵多少之利害以聞語誠大臣尤切既而保州有兵變朝廷賞先言者公以謂有先言者而樞密院不以時下不可以無責天子曰某吾方倚以治也不可使去位公猶固請議其罰○又云公始爲杜丞相所知慶曆之間二三大臣又與公同心任事然論保州之變則所指者蓋杜公非益兵之議則所詆者蓋二三大臣也其不偏於所好如此狀行

慶曆中孫甫蔡襄爲諫官言宰臣晏殊役官兵治邸舍懷安苟且無向公之心遂罷殊政事而甫等因薦富弼代殊上怒以謂聽則相與求罷爲外官不許遂請退自陳上曰卿等言一不聽則求去令朕有逐言者名自爲計則善也甫自陳以私便求出襄亦以養親爲言先是襄嘗乞告至莆田

迎親而親不果來至是上乃曰卿昨迎親不來何不遂留侍養襄惶恐不能對甫徐進曰蔡襄所以辭親遠來事陛下冀萬一有裨補今言旣不行蔡襄是以湏却思歸去養親南豐雜識

孫之翰言慶曆中上用杜衍范仲淹富弼韓琦任政事而以歐陽脩蔡襄及甫等爲諫官欲更張庶事致太平之功仲淹亦皆戮力自効欲報人主之知然好同惡異不能曠然心無適莫甫嘗家居石介過之問介適何許來介言方過富公問富公何爲介曰富公言滕宗諒守慶州用公使錢坐法杜公則欲致宗諒重法不然則衍不能在此范公則欲薄其罪曰不然則仲淹請去富公欲抵宗諒重法則懼違范公欲薄其罪則懼違杜公患是不知所決甫曰守道以謂如何介曰介亦竊患之甫迺嘆曰法者人主之操柄今富公患重罪宗諒則違范公薄其罪則違杜公是不知有法而未嘗意在人主也守道平生好議論自謂

正直亦安得此言乎因曰甫少而好學自度必難用於世是以退爲唐史記以自見而屬爲諸公牽挽使備諫官亦嘗與人自謀去就而所與謀者適好進之人遂見誤在此今諸公之言如是甫復何望哉自此凡月餘不能寐慶曆之間任事者其後余多識之不黨而知其過如之翰者則一人而已矣南豐雜識

知晉州近臣過晉夜半叩城欲入公曰城有法吾不得獨私終不爲開門狀行

初謝絳知鄧州有惠政慶曆中范仲淹洎甫相繼守郡皆號循吏好教育士類今翰林學士賈黷鄧人也嘗善三公之爲人因爲

創三賢堂於百花洲

名目傳

公素羸性澹然寡所好欲恂恂似不能言而內勁果遇事精明議者謂公道德文學宜在朝廷備顧問而錢穀刀筆非其職然公處之益辦至臨疑獄滯訟常立得其情大賊張海郭貌山攻劫商鄧新破南陽順陽公安輯有方常曰教民知戰古法也乃親

閑縣弓手教之擊射坐作皆爲精兵盜賊爲息陝當東西衝吏苦厨傳而前爲守者顧毀譽不能有所損至公痛裁節之過客畏其清初無所望而亦莫之毀也陝人賴以紓後遂爲法行狀云隣州歲時以酒相慶間公命儲別藏備官用一不歸于已令法遂爲其爲轉運使所至州縣視其職事情廢察其民樂否以此陞黜官吏而不納毀譽遇下雖嚴而不害其在兩浙范文正公守杭州以大臣或便宜行事公曰范公貴臣也吾屈於此則不得伸於彼矣由是一切繩以法而常以監司自處范公遇公無倦色及退而不能無恨公遇范公不少下然退而未嘗不稱其賢也墓誌

公雖貴而衣食薄無妾媵不飾玩好不與酣樂泊如也時從當世處士講評以爲得其所好而客或造其席者與之言終日不能以勢利及也狀行

公喜接士務揚人善所得俸廩多所施與撫諸孤兒教育如己子墓誌

孫之翰人嘗與一硯直三十千孫曰硯有何

異而如此之價也客曰硯以石潤爲賢此
石呵之則水流孫曰一日呵得一擔水纔
直三錢買此何用竟不受談筆

公博學彊記尤喜言唐事能詳其君臣行事
卒末以推見當時治亂每爲人說如其身
履其間而聽者曉然如目見故學者以謂
終歲讀史不如一日聞公論也所著唐史
記七十五卷論議闡贍書未及成公旣卒
詔取其書藏于祕府墓誌

司馬溫公書公唐史記後云孫公昔著此書
甚自重惜常別縑其藁於笥必盥手然後
啓之謂家人曰萬一有水火兵刀之急它
貨財盡棄之此笥不可失也每公私少間
則增損改易未嘗去手其在江東爲轉運

使出行部亦以自隨過亭傳休止輒取脩
之會宣州有急變乘駟遽往不暇挈以俱

既行於後金陵大火延及轉運廨舍弟子
察親負其笥避於沼中島上公在宣州聞
之亟還入門問曰唐書在乎察對曰在乃
悅餘無所問自壯年至千白首乃成亦未

以示人文潞公執政嘗從公借之公不與
但錄姚崇宋璟論以與之況它人固不得
見也

蘇內翰答李鷹書云錄示孫之翰唐論僕不
識之翰今見此書凜然得其爲人至論褚
遂良不譖劉洎太子瑛之廢由張說張巡
之敗緣房琯李光弼不當圖史思明宣宗
有小善而無人君大略皆舊史所不及也
歐陽公銘公之墓曰惟學而知方以行其義
惟簡而無欲以遂其剛力雖弱兮志則彊
積之厚兮發也光

五朝名臣言行錄卷第十之一

希夷陳先生

穆脩种放李之
魏野林逋附

先生名搏字圖南亳州真源人後唐長興中舉進士不中隱居武當山後徙華

山雲臺觀周世宗召至京師賜號白雲

先生太宗朝再召賜號希夷先生端拱二年卒

陳搏長興末舉進士不第去隱武當山九室巖辟穀練氣二十餘年後居華山雲臺觀多閉門獨卧至百餘日不起周世宗召至闕下令於禁中扃戶以試之月餘始開搏熟寐如故甚異之因問以黃白之術搏曰陛下爲天下君當以蒼生爲念豈宜留意於爲金乎世宗不悅放還山令長吏歲時存問太宗即位再召之留闕下數月多延入宮中與語謂宰相宋琪等曰陳搏獨善其身不干勢利真方外之士遣中使送至中書琪等問曰先生得玄默脩養之道可以授人乎曰搏遁迹山野無用於世練養之事皆所不知無可傳授然正使白日

升天何益於治聖上龍顏秀異有天人之表洞達今古治亂之旨真有道仁聖之主正是君臣合德以治天下之時勤行脩練無以加此琪等表上其言上覽之甚喜未幾放還山談苑

搏負經綸之才歷五季亂離游行四方志不遂入武當山後隱居華山自晉漢以後每

聞一朝革命顰蹙數日人有問者瞪目不答一日方乘驢遊華陰市聞太祖登極

驚喜大笑問其故又笑曰天下自此定矣太祖方潛龍時搏嘗見天日之表知太平之有自矣遯跡之初有詩云十年蹤跡走

紅塵回首青山入夢頻紫陌縱榮爭及睡朱門雖貴不如貧愁聞劍戟扶危主悶見笙歌聒醉人携取舊書歸舊隱野花啼鳥一般春豈淺丈夫哉邵伯溫易學辨惑

陳搏周世宗嘗召見太平興國初再召赴闕太宗賜詩云曾向前朝出白雲後來消息杳無聞如今若肯隨徵召揔把三峯乞與君先生服華陽巾草屨垂條以賓禮見賜

坐上方欲征河東先生諫止會軍已興

令寢於御園兵還果無功百餘日方起恩

禮特異久之辭歸

過水蒸談○又辨惑云召至
閑求一靜室休息乃賜館於

建隆觀扇戶熟察月餘方起詔以野服見
征河東東搏諫止之九年後來朝廷陳河東可取盤王

繼元平并州
師再舉果執劉

太宗問搏曰昔在堯舜之爲天下今可致否

對曰堯舜土堦三尺茅茨不剪其迹似不可及然能以清靜爲治即今之堯舜也

上善之

感辨

陳搏被詔至闕下間有士大夫詣其所止願

聞善言以自規誨陳曰優好之所勿久戀

得志之處勿再往聞者以謂至言

倦遊雜錄○又辨惑

云康節嘗誦希夷之語曰得便宜事不可再作得便宜處不可離去又曰落便是得便宜故康節詩云
瑤重至人嘗有語落便是得便宜蓋可終身行之也

後復再召搏辭曰九重仙詔休教丹鳳銜來

一片野心已被白雲留住

感辨

端拱初搏忽命弟子於張超谷鑿石爲室二

年七月室成手書數百言爲表其略曰臣

搏大數有終聖朝難戀已於今月二十二日化形於蓮花峯下張超谷中如期而卒

搏好讀易以數學授穆脩伯長脩授李之才

挺之之才授康節先生邵雍堯夫以象學

授種放放授廬江許堅堅授范諤昌此一

枝傳於南方也歟但以爲學神仙術善人

倫風鑒而已非知圖南者也

感辨

穆脩字伯長汝陽人後居蔡州師事圖南而

傳其學脩少豪放性褊少合多游京洛間

人嘗書其詩句于禁中壁間真廟見之

深加歎賞問侍臣曰此爲誰詩或以穆脩

對上曰有文如是公卿何以不薦丁晉

公在側曰此人行不逮文由是上不復

問蓋伯長與晉公有布衣舊晉公頃赴夔

漕伯長猶未仕相遇漢上晉公意欲伯長

先致禮伯長竟不一揖而去晉公衡之由

是短於上前後晉公貶朱崖徙道州伯

長有詩云却訝有虞刑政失四凶何事不

量移可見其不相善也伯長祥符二年梁

固榜登進士第調海州理掾以忤通判遂

爲捃拾由是削籍隸池州其集中有秋浦

錄筆

會遇詩自叙甚詳後遇赦敘頴州文學叅軍故當時呼之曰穆參軍老益貧家有唐本韓柳集乃丐於所親厚者得金募工鏤板印數百帙携入京師相國寺設肆鬻之伯長坐其旁有儒生數輩至其肆輒取閱伯長奪取怒視謂曰先輩能讀一篇不失一句當以一部爲贈自是經年不售時學者方從事聲律未知爲古文伯長首爲之唱其後尹源子漸洙師曾兄弟始從之學古文又傳其春秋學感辨

李之才字挺之青州人倜儻不群師事伯長伯長性嚴急稍不如意或至呵叱挺之左右承順如事父兄畧無倦意登科任孟州司戶挺之坦率不事儀矩時太守范忠獻公以此頗不悅挺之自若也後忠獻建節移鎮延安郡僚多送至境外挺之但別于近郊衆或諫之挺之曰異時送太守至於是且情文貴稱范公實不我知而出疆遠送非情豈敢以不情事范公未幾忠獻責守安陸過洛三城故吏無一人往者獨挺

之公檄徃省之忠獻始稱嘆遂受知焉又嘗爲衛州共城令時先君康節居祖母喪築室蘇門山百源之上布衣蔬食三年躬爨以養先祖挺之聞先君好學苦志自造其廬問先君曰子何所學先君曰爲科舉進取之學耳挺之曰科舉之外有義理之學子知之乎先君曰未也領受教挺之曰義理之外有物理之學子知之乎先君曰未也領受教挺之曰物理之外有性命之學子知之乎先君曰未也領受教於是先君傳其學挺之後終殿中丞簽書澤州判官廳公事澤人劉羲叟晚出其門受曆法亦爲名士易學則唯先君得之也感辨

种放字明逸隱居終南山豹林谷聞希夷先生之風徃見之希夷先生一日令洒掃庭除曰當有嘉客至明逸作樵夫拜庭下希夷挽之而上曰君豈樵者二十年後當爲顯官名聲聞天下明逸曰放以道義來官祿非所問也希夷笑曰人之貴賤莫不有命君骨相當爾雖晦迹山林恐竟不能安

異日自知之後 真宗朝召爲司諫 帝

携其手登龍圖閣論天下事辭歸山拜諫

議大夫後改工部侍郎希夷又謂明逸曰

君不娶可得中壽明逸從之至六十歲卒

先是希夷爲明逸卜上世葬地於豹林谷

下不定穴既葬希夷見之言地固佳安穴

稍後世當出名將明逸不娶無子自其

姪世衡至今爲將帥有聲希夷解化明逸

立碑叙希夷之學曰明皇帝王伯之道云

錄聞見

希夷先生有高識嘗戒門人种放曰子他日

遭逢明主不假進取迹動天闕名馳寰海

名者古今之美器造物者深忌之天地間

無字名子名將起必有物敗可戒之放至

晚節侈過度營產滿鄆鎬間門人戚屬

亦怙勢強併歲入益厚遂喪清節王嗣宗

守京兆乘醉慢罵條奏於朝會赦方止

詔聞

故以處士召見拜諫官真宗待以殊禮名動海內

後謁歸於南山博思騎俗

基王嗣宗時知長安放至

平放召其姪出拜嗣宗坐受之放題嗣宗曰屏

冠者通判以下拜君君扶之而已此白丁耳嗣宗狀元及第名位不輕胡爲不得坐受其拜放曰君以手搏

識狀元耳何足道也嗣宗怒遷上疏言放實空跡才無以喻人專飾詐巧盜虛名

陸下尊言放雅爲野間而待放之意寢棄祥符八年一旦山齋晚

野間避匿而放陰結雜處以自薦達因扶輶言放

之間而待放之意寢棄祥符八年一旦山齋晚

之酒數行而逝亦奇男子也

王董清話

种放別業在終南山後生從之學者甚衆性

頗嗜酒躬耕種林以自釀所居有林泉之

勝殊爲幽絕 真宗聞之遣中使携畫工

圖之開龍圖閣召輔臣觀焉 上嘆賞之

其後甘棠魏野居有幽致 帝亦遣人圖

之故野有詩云幽居 帝盡看

澠水

處士魏野字仲先陝州人居於東郊架草堂

有水竹之勝好彈琴作詩清苦多聞於時

前後郡守皆所禮遇 上祀汾陰召之辭

疾不至野以詩贅公曰從前輔相皆頻出

獨在中書十五秋泰嶽汾陰俱禮畢迴

好伴赤松遊公覽之喜形於色以酒茗藥

物爲荅素編先公遺札有公自寫此詩數

本王文正公遺事○仁宗政要云且得詩感悟以疾

本憂辭政柄遂拜太尉玉清昭應宮使又曰魏野

冠準曰自古功名蓋世少有全者因與詩曰好去上

天辭將相歸來平地作神仙及既始悔不用野之言

云○又溫公集云野子閑亦不仕皇祐中賜號清逸處士

林逋字君復居杭州西湖之孤山 真宗聞

安定胡先生

十之二

其名賜號和靖處士詔長吏歲時勞問逋工筆畫善爲詩如草泥行郭索雲木叫鈎輒頗爲士大夫所稱又梅花詩云疎影橫斜水清淺暗香浮動月黃昏評詩者謂前世詠梅者多矣未有此句也又其臨終爲句云茂陵他日求遺藁猶喜初無封禪書尤爲人稱誦自逋之卒湖山寂寥未有繼者歸田錄○又筆談云林逋隱孤山畜兩鶴縱之則乘入雲霄盤旋久之後入籠中逋常抗小艇遊西

湖諸寺有客至逋所居則一童子出應門延客坐爲開籠縱鶴良久逋必棹小舟而歸蓋常以鶴飛爲驗也○又青箱雜記云逋景祐初尚無恙范文正公亦過其廬贈逋詩曰巢由不願仕堯舜豈遺人又曰風俗因君厚文章到老醉其激賞如此

先生名璵字翼之泰州海陵人累舉不第年四十餘景祐初更定雅樂詔求知音者范文正薦先生白衣對崇政殿授祕書省校書郎范公使陝西辟丹州推官改湖州州學教授以殿中丞致仕皇祐中復召議樂授光祿寺丞兼國子監直講嘉祐初擢太子中允天章閣侍講仍治太學旣而疾不能朝以太常博士復致仕歸老於家而卒

侍講布衣時與孫明復石守道同讀書泰山攻苦食淡終夜不寢一坐十年不歸得家問見上有平安二字即投之澗中不復展

讀曾孫濂所記

師道廢久矣自明道景祐以來學者有師惟先生暨泰山孫明復石守道三人而先生之徒最盛其在湖州之學弟子去來常數百人各以其經轉相傳授其教學之法最備行之數年東南之士莫不以仁義禮樂

爲學慶曆四年天子開天章閣與大臣講

天下事始慨然詔州縣皆立學於是建太學于京師而有司請下湖州取先生之法以爲太學法至今爲著令

歐陽公撰墓表

先生教人有法科條織悉備具以身先之視諸生如其父兄諸生亦信愛如其子弟

胡安定在湖州置治道齋學者有欲明治道者講之於中如治兵治民水利等數之類嘗言劉彝善治水利後累爲政皆興水利

有功程氏遺書

先生尤患隋唐以來仕進尚文詞而遺經業苟趨祿利及爲蘇湖二州教授嚴條約以身先之雖大暑必公服終日以見諸生嚴師弟子之禮解經至有要義艱艱爲諸生言其所以治己而後治乎人者學徒千數日月刮劙爲文章皆傳經義必以理勝信其師說敦尚行實後爲太學四方歸之庠舍不能容旁拓步軍居以廣之五經異論弟子記之自爲胡氏口義侍邇英講不以

諱忌爲避蔡端明撰墓誌○又曾孫濂記云侍講讀

乾元亨利貞不避諱上與左右皆失

色侍講徐曰臨
不諱 上意遂解

安定先生在湖學時福唐劉彝執中往從之

學者數百人彝爲高第凡綱紀於學者彝之力爲多熙寧二年召對 上問從學何

人對曰臣少從學於安定先生胡瑗 上

曰其人文章與王安石孰優彝曰胡瑗以道德仁義教東南諸生時王安石方在場屋脩進士業臣聞聖人之道有體有用有文君臣父子仁義禮樂歷世不可變者其體也詩書史傳子集垂法後世者文也舉而措之天下能潤澤其民歸于皇極者其用也國家累朝取士不以體用爲本而尚其聲律浮華之詞是以風俗偷薄臣師瑗當寶元明道之間尤病其失遂明體用之

學以授諸生夙夜勤瘁二十餘年專切學校始自蘇湖終于太學出其門者無慮二千餘人故今學者明夫聖人體用以爲政教之本皆臣師之功也 上曰其門人今在朝爲誰對曰若錢藻之淵駕孫覺之純明范純仁之直溫錢公輔之簡諒皆 陞

下之所知也其在外明體適用教于民者迨數十輩其餘政事文學粗出於人者不可勝數此天下四方之所共知而歎美之

不足者也

上悅

書李薦

先生弟子散在四方隨其人賢愚皆循循雅飭其言談舉止遇之不問可知爲先生弟子其學者相語稱先生不問可知爲胡公也

表墓

侍講當召對例湏先就閣門習儀侍講曰吾

平生所讀書即事君之禮也何以習爲閣門奏上令就舟次習之侍講固辭上

亦不之強卒許之人皆謂山野之人必失儀及登對乃大稱旨上謂左右曰胡甥

進退周旋舉合古禮

曾孫孫所記

安定先生皇祐至和間爲國子直講朝廷命主太學生餘千人先生日講易予列諸生執經座下先生每講罷或引當世之事以明之至小畜以謂畜止也臣止君也已乃言及中令趙公相藝祖日上令擇一任諫爭臣中令具名以聞上却之弗用

異日又問可任者中令復上前劄上亦却之如此者三仍碎其奏擲於地中令輒懷以歸它日復問中令乃補所碎劄子呈于上上乃大悟卒用其人

史鑒

胡先生瑤判國子監其教育諸生皆有法先生每語諸生食飽未可據按或久坐皆於

氣血有傷當習射投壺游息焉是亦食不語寢不言之遺意也程伊川曰凡從安定

先生學者其醇厚和易之氣望之可知也國子監舊有先生祠紹聖初林自爲博士

聞於朝徹去見錄

公在仁宗朝嘗上書請興武學其略曰頃

歲吳育已建議興武學但官非其人不久而廢今國子監直講內梅堯臣曾注孫子

大明深義孫復而下皆明經旨臣曾任邊陲頗知武事若使堯臣等兼莅武學每日只講論語使知忠孝仁義之道講孫吳使知制勝禦敵之術於武臣子孫中選有智略者三百人教習之則一二十年之間必有成功臣已撰成武學規矩一卷進呈

時議難之

呂原明記

安定先生自慶曆中教學于蘇湖間二十餘年束脩弟子前後以數千計是時方尚辭賦獨湖學以經義及時務學中故有經義齊治事齊經義齊者擇疏通有器局者居之治事齊者人各治一事又兼一事如邊防水利之類故天下謂湖學多秀彥其出而筮仕往往取高第及爲政多適於世用若老於吏事者由講習有素也歐陽公詩曰吳興先生富道德詵詵弟子皆賢才王荊公詩曰先收先生作梁柱以次收拾桷與棟皇祐末召先生爲國子監講書專管勾太學數年進天章閣侍講猶兼學政其初人未甚信服乃使其徒之已仕者盛晦之僑顧子敦臨吳元長攷輒分治職事又令孫莘老覺說孟子中都士人稍稍從之一日升堂講易音韻高朗指意明白衆方大服然在列者皆不喜謗議蜂起先生偃然不顧也強力不倦以卒有立迄今三十餘年猶用其規撫不廢先生在學時每公

私試罷掌儀率諸學子會于首善堂合雅樂歌詩乙夜乃散諸齋亦自歌詩奏琴瑟之聲徹于外

呂氏家塾記

呂原明侍講爲鷹言頃仁皇時太學之法

寬簡國子先生必求天下賢士真可以爲人師者就其中又擇其尤賢者委專掌教導規矩之事胡翼之瑗初爲直講有旨專掌一學之政文學行義一代高之旣專學政遂推誠教育多士身率天下之士不遠萬里來就師之方是時游太學者端爲道藝稱弟子者中心悅而誠服之也胡亦甄別人物擇其過人遠甚人畏服者獎之激之以勸其志又各因其所好類聚而別居之故好尚經術者好談兵戰者好文藝者好尚節義者皆使之以類群居相與講習胡亦時召之使論其所學爲定其理或自出一義使人人以對爲可否之當時政事俾之折衷故人皆樂從而有成今朝廷名臣往往胡之徒也

李薦記

客有話胡翼之爲國子先生日番禺有大商

遣其子來就學其子儇宕所齋千金仍病甚瘠客于逆旅若將斃焉偶其父至京師閔而不責携其子謁胡先生告其故曰是宜先警其心而後誘之以道者也乃取一帙書曰汝讀是可以先知養生之術知養生而後可以進學矣其子視其書乃黃帝素問也讀之未竟惴惴然懼伐性命之過甚悔痛自責冀可自新胡知其已悟召而誨之曰知愛身則可以脩身自今以始其洗心向道取聖賢之書次第讀之既通其義然後爲文則汝可以成名聖人不貴無過而貴改過無懷昔悔第勉事業其人亦頴銳善學二三年登上第而歸李鷗

君在丹州建議更陳法治兵器開廢地爲營田募土人爲兵給錢使自市勁馬漸以代東兵之不任戰者雖軍校蕃酋亭鄣廝役以事見輒飲之酒訪備邊利害得以資其帥府府多武人初謂君徒能知古書耳嘗觀君之所爲不以異己翕然稱之墓誌

安定授監某處作院既之官三日從容與老

之龜山言行

侍講治家甚嚴閨門整肅尤謹内外之分兒婦雖父母在非節朔不許歸寧先子年弱冠常侍立左右賓至則供億茶湯并有遺訓嫁女必湏勝吾家者娶婦必湏不若吾家者或問其故曰嫁勝吾家則女之事人必欽必戒婦不若吾家則婦之事舅姑必

執婦道曾孫曉

家者或問其故曰嫁勝吾家則女之事人必欽必戒婦不若吾家則婦之事舅姑必

吏言製作利害以誠告曰器不精良由百工皆督以程課趣赴期會每苟簡於事備數而已今欲革此敝莫若使工各盡其能竭其力每事必求精緻仍不使之懈墮然後計其成而定以日力名數可也安定從其說工吏欣然赴功樂事兵器堅利大非前日比矣至今爲作院法也此事闡注聞

十之三

泰山孫先生

先生名復字明復晉州平陽人舉進士

不中退居泰山學春秋著尊王發微十

二篇用范仲淹富弼薦除國子監直講

車駕幸太學賜紺衣銀魚召爲邁英閣

祗候說書坐事貶監虔州稅後通判陵

州未行留爲直講卒年六十六

先生少舉進士不中退居泰山之陽學春秋

著尊王發微曾多學者其尤賢而有道者

石介自介而下皆以弟子事之先生年逾

四十家貧不娶李丞相迪將以其弟之女

妻之先生疑焉介與群弟子進曰公卿不

下士久矣今丞相不以先生貧賤而欲託

以子是高先生行義也先生宜因以成丞

相之賢名於是乃許孔給事道輔爲人剛

直嚴重不妄與人聞先生之風就見之介

執杖屢侍左右先生坐則立升降拜則扶

之及其往謝也亦然魯人旣素高此二人

由是始識師弟子之禮莫不嗟嘆之而李

丞相孔給事亦以此見稱於士大夫歐陽公撰
水燕談云孫明復先生退居太山之陽結槁憔悴
五十室獨居誰事左右不幸風雨飲食生疾奈何
吾弟之女甚賢可以奉先生箕箒先生固辭文定曰
吾女不婁先生不過一官人婁先生德高天下幸哉
李氏榮貴莫大於此先生曰宰相女不以婁公侯貴
無有也予不可不成相國之賢遂娶之其女亦甘淡
戚而固以嫁山谷耆老慕舊不无之人相國之賢古
士大夫莫不賢之

先生治春秋不惑傳註不爲曲說以亂經其
言簡易明於諸侯大夫功罪以考時之盛

衰而推見王道之治亂得於經之本義爲

多召爲直講將以爲侍講而嫉之者言其

說異先儒罷之及病樞密使韓公言於朝

選書吏給紙筆命其門人祖無擇就其家

得其書十有五篇錄之藏于祕閣

墓誌○接論羅孫公

者楊安

先生惡胡瑤之爲人在太學常相避瑤治經
不如先生而教養諸生過之

張堯封從孫明復先生學於南京其女子常

執事左右堯封死入禁中爲貴妃寵遇第

一數遣使致禮于明復明復閉門拒之終

范文正在睢陽掌學有孫秀才者索遊上謁

文正贈錢一千明年孫生復道睢陽謁文

正又贈十千因問何爲汲汲於道路孫生
戚然動色曰母老無以養若日得百錢則
甘旨足矣文正曰吾觀子辭氣非乞客也
二年僕僕所得幾何而廢學多矣吾今補
子爲學職月可得三千以供養子能安於
學乎孫生大喜於是授以春秋而孫生篤
學不捨晝夜行復脩謹文正甚愛之明年

東軒筆錄

文正去睢陽孫亦辭歸後十年聞泰山下
有孫明復先生以春秋教授學者道德高
邁朝廷召至乃昔日索遊孫秀才也

十之四

徂徠石先生

先生名介字守道兗州奉符人進士及第歷鄆州南京推官御史臺辟主簿未

至以論赦書不當求五代及諸僞國後罷爲鎮南掌書記侍父遠官爲嘉州判官丁外內艱服除入爲國子監直講擢太子中允直集賢院出通判濮州未至

卒年四十一

石守道學士爲舉子時寓學於南都其固窮苦學世無比者王侍郎瀆聞其勤約因會客以盤餐遺之石謝曰甘脆者亦介之願

也但日饗之則可若止得一餐則明日何

以繼乎朝饗膏梁暮厭粗糲人之常情也

介所以不敢當賜便以食還王咨重之

韓游

徂徠石守道常語學者曰古之學者急於求

師孔子大聖人也猶學禮於老聃學官於

郯子學琴於師襄矧其下者乎後世恥於求師學者之大蔽也乃爲師說以喻學者

是時孫明復先生居太山之陽道純德備

深於春秋守道率張洞北面而師之訪問
講解日夕不怠明復行則從升降拜起則
執杖屢以侍二人者久爲魯人所高因二
人而明復之道愈尊於是學者始知有師
弟子之禮燕談水通

先生丁父憂垢面跣足躬耕徂徠山下葬五
世之未葬者七十喪以易教授于家及爲
直講學者從之甚衆太學由此益盛

慶曆三年呂夷簡罷相夏竦罷樞密使而杜

衍章得象晏殊賈昌朝范仲淹富弼韓琦

同時執政歐陽脩余靖王素蔡襄並爲諫

官先生喜曰此盛事也歌頌吾職其可已

乎乃作慶曆聖德詩略曰衆賢之進如茅

斯技大茲之去如距斯脫衆賢謂衍等大

姦斥竦也詩且出泰山先生見之曰子禡

始於此矣先生不自安求出通判濮州水通

燕談云聖德詩云維仲淹湖一變一高又曰璣器魁
桓豈視店樓可屬大事重厚如効其後富范爲宋名魁

臣而魏公定策兩朝措天下於泰山之安人始歎先生之知人

先生非隱者其仕嘗位於朝矣然魯之人不
稱其官而稱其德以爲徂徠魯之望先生

魯人之所尊故因其所居山以配其有德
之稱曰徂徠先生者魯人之志也先生貌
厚而氣宇學篤而志大雖在畎畝不忘天
下之憂以謂時無不可爲爲之無不至不
在其位則行其言吾言用功利施於天下
不必出乎己吾言不用雖獲禍咎至死而
不悔其遇事發憤作爲文章極陳古今治
亂成敗以指切當世賢愚善惡是非非
無所諱忌世俗頗駭其言由是謗議喧然
而小人尤嫉惡之相與出力必擠之死先
生安然不惑不變曰吾道固如是吾勇過
孟軻矣歐陽公撰墓誌

先生爲文博辯雄儻而憂思深遠其爲言曰
學者學爲仁義也惟忠能忘其身惟篤於

自信者乃可以力行也以是行於己亦以
是教於人所謂堯舜禹湯文武周公孔子

孟軻楊雄韓愈氏者未嘗一日不誦於口
思與天下之士皆爲周孔之徒以致其君
爲堯舜之君民爲堯舜之民亦未嘗一日

少忘于心至其違世驚衆人或笑之則曰

吾非狂癡者也是以君子察其行而信其言推其用心而哀其志

墓誌

天聖以來穆伯長尹師魯蘇子美歐陽永叔

始唱爲古文以變西崑體學者翕然從之

其有楊劉體者人戲之曰莫太崑否石介

守道深疾之以爲孔門之大害作怪說二

篇上篇排佛老下篇排楊億於是新進後

學不敢爲楊劉體亦不敢談佛老後歐陽

公蘇公復主楊大年

呂氏家塾記

石介旣卒夏英公言於仁宗曰介實不死

北走胡矣尋有旨編管介妻子於江淮又

出中使與京東部刺史發介棺以驗虛實

是時呂居簡爲京東轉運使謂中使曰若

發棺空而介果北走則雖孥戮不足以爲

酷萬一介屍在未嘗叛去即是朝廷無故

發人塚墓何以示後世耶中使曰誠如金

部言然則若之何以應中旨居簡曰介之

死必有棺斂之人又內外親族及會葬門

生無慮數百至於舉柩空棺必用凶肆之

人今皆檄召至此効閭之苟無異說即皆

令具軍令狀以保任之亦足以應詔也中使大以爲然遂自介親屬及門人姜潛以下并凶肆棺殮昇柩之人合數百狀皆結

罪保證中使持以入奏仁宗亦悟竦之

譖尋有旨放介妻子還鄉而世以居簡爲

長者

東軒筆錄○又云夏竦之死也仁宗將往流莫吳奎言於上曰夏竦多詐今亦死矣

仁宗憚然至其家流莫單琦嗣之命大闇去竦面

畢而視之世謂剖棺之與去面畢其爲人主之疑一報應者邪

張安道雅不喜石介謂狂謫盜名所以與歐

范不足至人目以姦邪一日謁曾祖至祖

父書室中案上見介書曰吾弟何爲與此

狂生遊又問黃景微何在聞前日狂生以

羔鴈聘之不受何不與喫了羊着了絹一

任作怪何足與之較辭受義理也曾祖除

御史中丞固辭不拜石介以書與祖父以

不拜爲非其略云內相爲名臣子容爲賢

子天下屬望所繫非輕豈可以辭位爲廉

張見者此書也

蘇氏談訓

歐陽公銘先生之墓曰徂徠之巖巖與子之德兮魯人之所瞻汶水之湯湯與子之道

芳愈遠而彌長道之難行兮孔孟遑遑一

世之屯兮萬世之光曰吾不有命兮安在

乎相應與臧倉自古聖賢皆然兮噫子雖
毀其何傷

十之五

老蘇先生

先生名洵字明允眉州眉山人嘗舉進士茂材異等皆不中至和嘉祐間歐陽文忠公上其所著書二十二篇韓忠獻公復薦之召試舍人院辭疾不至遂除祕書省校書郎霸州文安縣主薄詔與陳州項城令姚闢同脩太常因革禮書成方奏未報卒年五十八贈光祿寺丞職方君三子曰澹曰渙皆以文學舉進士而君少獨不喜學年已壯猶不知書職方君縱而不問鄉閭親戚皆怪之或問其故職方君笑而不答君亦自如也年二十七始大發憤謝其素所往來少年閉戶讀書爲文辭歲餘舉進士再不中又舉茂材異等不中退而歎曰此不足爲吾學也悉取所爲文數百篇焚之益閉戶讀書絕筆不爲文辭者五六年涵畜充溢抑而不發久之慨然曰可矣由是下筆頃刻數千言其縱橫上下出入馳驟必造於深微而後止蓋

其稟也厚故發之運志也懸故得之精自來京師一時後生學者皆尊其賢學其文以爲師法以其父子俱知名故號老蘇以別之

歐陽撰墓誌

嘉祐中僕領益部得蘇君所著權書衡論因以書先之於翰林歐陽永叔一見大稱嘆目爲苟卿子獻其書于朝自是名動天下士爭傳誦其文時文爲一變稱爲老蘇時相韓公琦聞其名而厚待之嘗與論天下事亦以爲賈誼不能過也初作昭陵禮廢闕琦爲大禮使事從其厚調發趣辨州縣騷然先生以書諫琦且再三至引華元不臣以責之琦爲變色然顧大義爲稍省其過甚者及先生沒韓亦頗自咎恨以詩哭之曰知賢不早用愧莫先於余者矣

張安道撰墓表

嘉祐初王安石名始盛黨友傾一時歐陽脩亦善之勸先生與之遊而安石亦願交於先生先生曰吾知其人矣是不近人情者鮮不爲天下患安石之母死士大夫皆吊先生獨不往作辨姦一篇先生旣沒三年

而安石用事其言乃信

墓表○辨姦略云羊叔子見王衍曰誤天下蒼

無遺類矣自今言之其理固有可見者以吾觀之王衍之爲人也容貌言語固有以欺世而盜名者然使晉惠帝雖行百千何從而亂天下乎盧杞之姦固足以敗國然不學無文非德宗之鄙暗亦何從而用之是以言之二公之料二子亦容有未必然也今有人口誦孔老之言身履夷齊之行收召好名之士不得志之人相與語言私立名字以爲顏淵孟軻復出而陰貽險很與人異趣是王衍盧杞合而爲一人也可勝言哉夫面垢不忘溌此人之至情也今也不然衣虧之衣食大羸之食囚首喪面而談詩書此豈其情也哉九事之大惑者鮮不爲大姦慝以蓋世之名而濟未形之惡雖有賴治之主好賢之相猶當舉而用之則其爲天下之患必然而無疑者非特二子之比也

東坡中制科王荆公問呂申公見蘇軾制策

否申公稱之荆公曰全類戰國文章若安

石爲考官必黜之故荆公後脩英宗實

錄謂蘇明允爲戰國縱橫之學云

邵氏聞見後錄

因論蘇明允衡書權論曰觀其著書之名已

非宜有山林逸民立言垂世乃汲汲於用

兵如此所見安得不爲荆公所薄曰大蘇

以當時不去二虜之患則天下不可爲又

其審敵篇引晁錯說景帝削地之策曰今日夷狄之勢是亦七國之勢其意蓋欲掃蕩二虜然後致太平耳曰才以用兵爲事

日相擾擾何時見天下息肩時節以仁宗之世視二虜豈不勝如戰國時然而孟子在戰國時所論全不以兵爲先豈以虛名而受實敝乎亦必有道矣

龍山語錄

五朝名臣言行錄卷第十